




fol. 195<sup>88</sup>



John Carter Brown  
Library  
Brown University

11/18









AD LECTOREM

DE ALOYSII CADAMVSTI  
ITINERIBVS AD  
TERRAS IN-  
COGNI-  
TAS.

Ex Libris Josephi de  
Marco Antonio Fabroni  
Christi anni 1729.



AD LECTOREM.

EX italica in linguam latinam ista itinera traduxi ut Latini omnes intelligant quam multa miranda in dies reperiantur, & eorum comprimatur audacia qui coelum, & maiestatem scrutari, & plus sapere quam liceat sapere volunt: quando a tanto tempore quo mundus coepit, ignota sit uasitas terræ & quæ in ea continentur.

DE ALOYSII CADAMASTRI  
ITINERARIIS AD  
TERRAS IN-  
COGNITAS

Coll  
JH



64.

CAVTVM EST NE QVIS IN DOMINIO  
ILL.S.VIMPVNEHVNCLI  
BRVMQVEAT.  
IMPRIME  
RE.

CAVALRY REGIMENTS IN DOMINIO  
REGIMENTAL  
BRANCHES  
IN THE  
R.S.



# NAVIGATIO AD

TERRAS IGNOTAS ALOYSII CADAMUSTI E PATRITIIS VENETIS

VIRI PRAESTANTISSIMI.

CAPVT I.



VM EGO Aloysius Cadamustus è Venetis patritiis primo animum induxerim sulcandi eius Oceani, qui à frecto Gaditano per insulas Fortunatas, & Aethiopas inferiores uersus Austrum tendit: cùmq; ibi pleraque scitu cognitũq; non indigna deprehenderim, ut fiat testatum posteris, animo mihi hæsisse, hætenus incomperta quærere, & adire inaccessible, pro rebus memoria suppetet, excipiam & prosequar calamo, donec earum memorabilium rerum quæ uidi, & locorum quæ coram adiui, ueram prorsus efficiam historiam: quæ omnia si nostris conferantur, alterum profecto orbem efficiant. Et si ea forte minus ordinate abs me describẽtur in rerum tantarum uarietate, non sum tamen defuturus, quin historiam ueram denarrem, & ubi fere incredibilia & prodigiosa occurrent, licet uera, temperabo tamen de industria, & sciẽs citius nonnulla sum prætermisurus, quàm uel minima citra ueritatem relaturus. Primus igitur qui memoratum Oceanum & Aethiopiam supradictam adire est aggressus, post protoparentem nostrum Adam (unius Plinii historiam excipio) is fuit nostro æuo illustrissimus D. infans Don Huric natus Lusitaniz rege illustrissimo Don Ioanne: qui quidem princeps infans, licet sui nominis præclara, & propè innumerabilia percerferi possent, prudẽs præteribo omnia in præsens: id unũ haud prætermiserim, quod Christi seruatoris nostri almæ fidei eximie studuit, & nihil magis in uotis gessit, quàm nomen Christianum à barbaris & dei hostibus asserere, matrimonii expers fuit, adolescentiam suam castitate mira honestauit, domi & militiæ strenuus. Mauros sæpenumero fudit, & bello clarus euasit. Cum itaque eius genitor dissolutionem corporis sibi imminere conspiceret, annorum iam plenus, prius naturæ non concessit, quàm saluberrimis præceptis filium monuerit, ut uidelicet sacratissimam Christi fidem animo inconcusso illibatõque coleret, nec deesset suis uotis, quibus instituerat Christi hostes debellare, & sancto nomini reddere subiectos. Adiecit etiam ad hæc, ut Lusitaniz gentis, & in primis patritiæ Cordatæ meminisset, & ut paucis absoluam, sæpe dictus illustrissimus Don Huric patris monitis libens audiuit: fato iam functo parente, fratre tamen patrocinate, qui regno ætatis concessu successit. Huic nomen fuit Don Daruth, cuius auspiciis Mauros male accepit, qui id regnum occupant, quod Fesse dicitur: quod quidem regnum incipit ab Ampelusia promontorio Mauritaniz, non longe à Gadibus, & mari Atlantico alluitur, & uergit ad Austrum. Singulis igitur annis ex instituto. Mauros



laceffens, celoces suas mittebat, quo ad id promontorium deuentum est, quod Caput de Non appellatur ab incolis, argumēto, quod qui ultra dictum promontorium iuere, non sunt regressi, & ibi prisca nauis terminum semper constituerant suae nauigationis. Hucusque itaq; celoces principis deuenere, nec ausa sunt ueterem terminum excedere. Quae ubi principi sunt renuntiata, animum accedunt magis peragrandi orbis. Instruit propterea rursus ceptam prouinciā persequi, & promontorium Capitis de Non aliquando transgredere diis fauentibus quoniam celoces Lusitanæ omnibus Oceani Liburnicis eximie praestant, Et cum iam ad id opus nauandum praesto essent nonnullæ Celoces, censuit non difficulter posse nauigare uastum Oceanum, cupiens admodum loca haec inaccessa adire, & novos populorū Africæ ritus uidere: quibus omnibus exploratis, in promptu haberet Mauros pro arbitrio profligare, & suae ditio ni addere. Iussit itaque celoces ternas expediri, cum armamentis, cum etiam comitatibus ferè omne genus, quibus uiros strenuos praefecit. Qui dicto principi audientes profecti sunt, & dictum promontorium Capitis de Non, litus haud deferretes, per centum ferè miliaria praeteriere, & cum nihil praeter incultam tellurem, ac omni habitatore uiduam comperissent, domum regrediuntur. Cum igitur princeps de nouis populorum Africæ moribus ac locorum sitibus, ex his nauigationibus nihil adhuc comperti haberet, rursus classem communit omni genere annonæ, & rebus omnibus, quibus hostes propulsare quirent, & suos diutius alere, data lege ut tandiu nauigarent, donec superiores suorum nauigationes per centum & quinquaginta miliaria excederent, & ultra (si eis uisum foret) progredierentur, quos pro labore tanto innumeris promissis onerat. Qui principi obsequentes, uela dedere, & cum nihil nacli fuissent nisi uastum & sterile forum, rediere, Quibus non obstantibus, princeps indies fit audior nouarum rerum, animusque accendebatur magis, ut assolet, in rebus uetitis: quare iam tertio mittit, qui terram huiusmodi explorent. Et ut breue faciam, tantisper annis singulis nouos expediuit nautas, donec ab Arabibus cultam terram inuenit, qui in desertis uitam trahebant: & paulo ultra progressi, nouos populos inueniunt, qui Azanegi appellantur: uiri coloris subcinericii, de quibus in sequentibus latius dicturi sumus. Et postremo iam ipsis ad nauigantibus, tellus Aethiopum inferioris Africæ, quæ Oceano adiacet Australi, apparuit, rursusque indies nouos populos, cum idiomate, tum etiam ritu & moribus differentes nanciscuntur, ut lectori diffusius deinceps liquebit.



## Cap.

## II.

CVM IGITVR ego Aloysius forem Venetiis, quæ urbs mihi solum est patrium, anno à partu uirginis M D I I I annum agens alterum & uigesimū: & cum iam ferè nostri maris, quod Mediterraneum appellant, littora omnia lustrauissem, decreui in Celtogalliam iterum contendere, quò aliàs iueram commercii gratia: ea enim est regio Galliæ, quæ ab Oriente terminū habet Rhenum fluiuium, à Septentrione Oceanū Britanicum, in quem exonerat Rhenus prædictus, & ibi nobile emporium uisitur. Brugim appellāt, nullis emporiis Septentrionalis regionis postferendum, & eò lucri causā contendebā. Cum ergo illò proficisci decreuissem, accinxi me itineri, non quidem multis onustis pecuniis, nam paucissimi census erant, & Liburnicas, quæ eò tendebāt, conscendi duce Marco Zenone equite splendidissimo, prius Christi nomine inuocato: Venetiis soluiuius anno Christi memorato, Augusti octaua luce, & prosperis auspiciis uetus institutum inter nauigandum obseruantes, iter agentes per certa hospitia, hoc est, ad consueta loca applicuimus semper, donec in Hispaniam deuentum est. Et cum ui ingentis tempestatis ducti applicuissemus ad id promontorium, quod Sacrum Ptolemæus appellat, in Oceanum uaste prominēs, nunc Caput sancti Vincentii: forte fortuna non longe ab hoc portu princeps infans per id tempus in oppido, cui nomen est Reposera, agebat animi causā. Is ut accepit nos aduentauisse, ad classem nostram internuntium mittit uirum, à suis secretis egregium, Antonium Conzallēm nuncupabant, comite patricio Veneto, qui illic consulem Venetæ gentis agebat, ut diplomata Venetorum principum sigillo insignita declarabant: quique sub principe infante stipendia merebat. Adiuerē itaque nos ex præscripto principis saccarum ferentes promerciale, sumptum ex insula Mederæ quæ Oceano Atlantico innat, è regione Mauritania: tulere etiam commercii gratia sanguinem draconis, & alia pleraque sumpta ab insulis principis prædicti. Dum igitur de saccharo, & aliis mercimoniis sermo fit inter nos, ut assolet merces communibus, percunctamur Lusitanos, unde hæc tam præclara eruerint, & regiones locaque sciscitamus: plura referunt, principem suum subegisse gentes innumeras, Christiano nomini hætenus incompertas, unde & saccharum & draconis sanguis & alia quamplura naturæ conducentia exportantur: addidere etiam ad hæc, parua esse quæ retulissent, si conferantur cum aliis rebus, quas præclare dictus princeps egerat: aperiuntque nobis hunc principem egregium inaccessiblei maria sulcauisset per internuntios nautas, nouasque regiones peragratas, domitas prodigiosas gentes, res miratu dignas repertas: unde innumera lucra comparantur: adeo ut ex nummo denos efficias, nullūque scenus esse, quod lucrum superet huiusmodi. Hæc illi sedulo denarrabant, mirantibus nobis & obstupescētibz præ rerum euentu conspicuo. Ea igitur me inter ceteros accendunt lucri auidiissimum: statui propterea hunc principem coram adire, ut si forte & nobis sulcandi dicta æquora potestatem faceret: quoniam suum est eius freti uectigal, custodit propterea ipse Gaditanum fretum non incuriose. Responsum habui ab eis, qui classem nostram, ut præfeci, adiuerant, me non difficulter impetraturum à principe, ut meo desiderio fiat satis: uerum scirem duorum optionem principem daturum, utrum uellem, sumerem. conditio hæc est, Qui celoces sua impensa expe-

dit, suoque periculo agit omnia, is earum mercium quas ferret, principi quartam det partem, ex uetere instituto: aut princeps suo impendio classem expediat, quo ad armamenta & illa omnia quæ tueri possunt naues ab incurfu hostium, reliqua ageret qui merces ducit, & cum rediisset, principi dimidium daret omnium: & ubi nihil mercis ex navigatione allatum fuisset, omnem impensam & operam luderet mercator: licet haud dubie constet, eos qui illò contendunt, consequuturos lucrum non mediocre: adiecit etiam principem, si qui è Venetis regiones prædictas inuisere uoluerint, id facillime concessurum, imò fauturum plurimum: quandoquidem sibi persuadebat, aromata omne genus, & alia pleraque mihi nautas reperturos, quæ in primis Veneti super omnem gentem callent ad amussim. Propterea principem prædictum adiui, qui me etiam ultra quàm par erat, honorifice excepit, & ea omnia quæ ex relatu suorum acceperam, præsens comprobauit: hoc etiam plus addidit, modo ceptam prouinciam non defererem, se ingentissimis fauoribus & gratiis prosequuturum hoc celebre uotum. Quibus auditis, apud me hæc omnia pensitatus reuoluebam, uegetam ætatem, habilitatem corporis, uires & ingenium, quæ omnem laborem subire poterant: & peragrandi orbis percupidus, accendebar magis, cum præsertim nullus è conterraneis meis hæc aggressus esset, non diffidens ex his magnis laboribus me aliquando, & honorem & emolumentum reportaturum. Deceui prorsus uotum meum absolue, percunctaturus primo negociatores Lusitanos, quas merces magni facerent Nigritiæ, Aethiopes & Australissimæ gentes. Redii demum reuissum eos, qui Liburnicas in litore habebant, & ea quæ in Celticam Galliam uehere institueram, uni affini me commendo, & mercatus Liburnicas, quæ nauigando itineri facerent satis, ad continentem applicui. At naues Venetæ in Galliam uela fecere.

Quando abierint Liburnicæ, & quibus uentis uela fecerint.

Cap. III.

CVM IGITUR eò loci me adhuc continerem, quem Caput sancti Vincentii appellant, aliter promontorium Sacrum, ut præfati sumus. Id gratum principi admodum fuit, excipiebat me propterea solito magis honorificentius, & elapsis quampluribus diebus, iubet celocem armari, quæ uehere dolia nonaginta queat: cui præfectus erat Vincentius Lagus incola oppidi cuiusdam à dicto promontorio distantis miliaris sedecim. Celocem uero muniunt omni comœtuum genere, & earum rerum præsertim, quæ nautis uictum diuturniorem suppeditaarent. Deorum itaque implorato auxilio à promontorio soluimus die uigesimo & altero Martii, anni M D V flante uento Apeliote & Borea: & primo uela dedimus uersus insulam Mederæ iter agentes, cundo ad quartam Lebegii Occidentem uersus itinere recto: Die uigesimoquinto Martii applicuimus Mederæ per Portum sanctum circiter meridiem. Distat dicta insula à Sacro promontorio ferè miliaris sexcentis.



Descriptio Portus sancti & rerum in eo memorabilium.

Cap. I III.

**H A E C I N S V L A** Sancti portus parua admodum est, utpote quæ uiginti quinque miliarium circuitu patet, circa septimum & uigesimum annum à nauibus prædicti principis reperta. Hanc Lusitani iussu sui principis incolunt, aliàs à nostris nunquam cognitam. Huic moderatur Bartholomæus Polastrus dicti principis alumnus. Fert hæc insula innumeras fruges, triticum, siliginem, & alia id genus, boues, iuuenos, apros, & in primis cuniculis scatet, & ibi sanguis draconis, qui lachryma est arboris: nam statò anni tempore arbores ferro fauciant, quæ ubi sunt incisæ, anno sequente gummam emittunt per incisiones. Gumma uero ahenis decocta & defecata, sanguis efficitur, quem appellant draconis. Eius arbor producit fructû cerasi instar mense Martii gustu eximium, coloris Veneti. Insulam circunuectis constat piscium ubertatem maximam esse, in primis dentalium, & ostrearum. Portu caret, stationem uero habet perquam commodam ab omni uentorum afflatu tutam, excipio Subsolanum & Vulturum, quibus haud tuto nautæ se freto committerent. Hæc Portus sanctus appellatur: mel gignit suauissimum, adeo ut nullibi sit præstantius: ceram quoque producit abunde: nam ibi apum confertissima cernuntur examina innumeraque.

Monchicus portus insulæ Mederæ.

Cap. V.

**I L L I N C D I E** uigesimo septimo soluimus, uidelicet ab insula Sancti portus, & eadem die Portum Monchicum applicuimus: is est insulæ Mederæ portus, qui abest à Portu Sancto miliaris quadraginta, & ni nubes cælum inumbrauerint, altera alteram uidet.

De insula Medera, eiusque præfectis.

Cap. VI.

**M E D E R A** insula auspiciis & opera infantis principis colitur, frequens est habitatore. Hæc igitur à Lusitanis incolitur ab annis quatuor & uiginti, aliàs incognita: huic præfecit princeps uiros duos egregios equites: primo nomen est Tristanseræ, & hic mediæ insulæ moderatur: alteri Ioanni Gonzalæ, qui insulæ quod superest moderandum suscepit. Et huic insulæ nomen inditum est à copia lignorum, id enim indigenarum lingua Medera significat, argumentum quòd quicquid inibi erat soli, totum id syluis opacum condensissimis conspiciebatur. Operæpretium igitur fuit his, qui primo coluere insulam, ut igni multo compurgarent: qui adeo grassatus est aliquando, ut etiam uiros corripuisset, ni prope aquis humerotenus immergi sibi consuluissent. Nam dictus Ioannes Gonzales, ut ignem euaderet cum coniuge & natis, famem bidui iugiter in aquis tolerantissime sustinuit. Igne igitur expurgata insula, semini præparatur idonea. Hæc quatuor è partibus colitur, una appellatur Mochricus, altera Sanctæ crucis: tertia Fonzala, ultima Iouis camera. Et licet quamplurimas alias habitationes habeat, hæ sunt tamen potissimæ. Si uiri per censendi forent, hi



proculdubio octingenti essent, è quibus seligi possent equites centum. Insula circuitu patet quadraginta miliarium, portum non habet, uerum peropportunas stationes: feracis est soli, licet saltuosa, instar Siciliae, scatet tamen frugibus ferè innumeris, legit quotannis tritici scaria 30000 Venetorum. Desiit tamen, esse feracissima, licet fertilis adhuc plura producat, nam frequentiore semine attrita est: quoniam indies aratur, atteritur magis. Regio est irrigua fontibus, & amnibus conspicua, octo uisuntur ibi, qui insulam interfluunt: & ibi aquaticæ ferræ, quibus in assamenta secantur ligna, & alia id genus efficiunt, ut sunt mensæ, tripodes, quibus ferè Lusitania omnis condecoratur eximie, necnon circumadiacentes regiones exornantur. Assamenta ibi multiuga uisuntur, aliàs dedolantur in mensas ex cedro miri odoris, nec absimiles cupressu. Ex aliis fiunt abaci, tripodes, cophini, scrinia, & ferè omne genus receptacula, & in primis ex nasso fiunt pulcherrimæ, quæ quasi purpurei sunt coloris. Quoniam uero hæc insula frequentioribus irrigatur fluminibus, memoratus princeps saccareum harundinetum ibi plantari iussit, ex quo saccari quamplurimum legit: inde ueniunt scitissima saccara toto orbe præcipua, primæ decoctionis, necnon mixta, & quantum ex aliorum relatu colligere quui, indies meliora saccara sperant: quoniam ea insula temperie cœli meliore saccarum suapte natura gignit: nam ea qualitas est plagæ illius, quæ Cypri & Siciliae: nunquam algent, & ibi bellaria, & tragemata ex saccaro omnium generum, mellisque plurimum. Ceræ quidem satis, sed non tantum: uineas habet non despicabiles, in quibus taleas & malleolos maluatici plantare iussit princeps infans, afferuntur ex Creta insula, quam hodie appellant Candiam: uberes sunt uinæ, coelo ad id inclinante: uites plus uinæ quàm foliorum ferunt, racemi proceriores, ut mensuram quatuor palmarum excedant, res uisu conspicua miraque uoluptate afficit intuentes: & ibi uinæ quibus color est niger, in arcuatis pensiles. Inde etiam exportantur ex nasso arcus celebres, qui feruntur in Occidentem, & fiunt ligna apta arcubus conficiendis. Et ibi pauci quàm plurimi syluestres, colore ad albedinem inclinato. Perdices neque id genus alia ibi uidebis, præter coturnices, & apros innumeros in montibus. Memini etiam ab indigenis accepisse, ibi cum primo culta est insula, copiam maximam columborum fuisse: quibus capiendis non alia arte usi sunt aucupes, quàm alligato perticæ uncino ex arboribus, quibus illic insident, traherentur ad se non pauentibus auiibus, sed mirantibus ueluti ad rem non uisam hætenus: quoniam nullo habitatore humano culta fuerat insula, à solis auiibus & feris habitata. Fidem huic rei maiorem adstruit altera insula nostris temporibus reperta, natura non absimilis, præsertim in auium aucupio, ea utraque humani ritus experta fuerat: animalia ibi quamplurima usui humano apta: uiri illic etiam census non mediocri, compluriculi dices ac locupletes: omnis insula adeo culta est, ut uiridarium & hortum repræsentet amoenissimum: quicquid ibi legitur ueluti aurum est. Et ibi celeberrima diui Francisci cœnobîa uitæ obseruantioris sanctiorisque. Accepi etiam ab incolis fide hæud indignis, uinas etiam maturefcere circiter sanctam hebdomadam.



Canariæ insulæ numero decem.

Cap. VII.

A' D I C T A insula Mederæ Austro flante soluiumus, quo ducē iter confecimus, donec insulas Canarias applicuimus, quæ absunt à Medera ferè miliaris CCCXX. Hæ sunt decem numero, septem cultæ, tres desertæ. Quæ coluntur hæ sunt, prius priua nomina. Primæ nomen est Fractalancæ, secundæ Magnæfortis, tertiæ Grancamariæ, quartæ Teneriffæ, quintæ Gieneræ, sextæ Palmæ, septimæ Ferro. Nec id est prætereundū, quod ex memoratis septem insulis, quatuor Christianum nomen colunt, uidelicet Fractalencia, Magnæfortis, Gienera & Ferrum.

Tres uero quæ supersunt è septem, idolis seruiunt. Christianis insulis præest eques nobilissimus, qui Ferrara nuncupatur, oriundus ex urbe Sibilæ, ditionis Hispaniarum regis. Qui colunt has insulas, uiuunt pane hordeaceo, carnibus, & lacte plurimo, & in primis caprino, quibus abundant. Hæ uini & tritici impatientes sunt, nisi aliunde importetur eis, prorsus carent: fructus ferè nulli, reliqua uero optima: scatet onagris, id est syluestribus asinis, præsertim ea quæ dicitur Ferrum. Distant inuicem hæ insulæ miliaris quadraginta: atque ita alia respicit aliam, ut de industria continentèrque subordinatæ uideantur, & Orientem prima, ultima uero Occidentem respicit.

Quarum sint rerum feraces Canariæ.

Cap. VIII.

E X H I S insulis aduehitur herba, quæ oricola dicitur, cuius colore uestes inficiuntur, quæ quidem herba Gades in sinu Sibilæ comportatur, & illinc in Orientem, & demum in Occidentem itur: exportatur etiam inde corii hircini copia ingentissima, quod cæteris præstat: seui plurimum, casei uero multum: & incolæ harum quatuor insularum nomini Christiano parent, & Canarii dicuntur. Idioma te differunt, adeo ut alter alterum haud intelligat: mœnia non habent, sed uicos undequaque patentes, uerum in eminentissimis montibus specus excauant, ubi degunt tuti ab omni impetu hostili. Sunt hi montes suapte natura ferè inaccessi, ideo inexpugnabiles, perinde ut nulla uis eò penetret, nisi una fames aditum præberet: & ambitus minoris harum insularum non minus patet miliaris nonaginta. Tres uero quæ idola colunt uastiores sunt, & frequentiore habitatore, præsertim Canaria magna, quæ hominibus circiter octo milibus exornatur.

Teneriffa autem trium maior est, hominum quindecim milia, si utrunque sexum spectes, emitteret. Palma uero rarissimo est habitatore, uisu tamen conspicua, & delectabilis admodum. Id etiam apprime est dignum scitu, quod nulla alia de causa hæc regio est propè inexpugnabilis, nisi ob situs locorum propè inaccessos, & strenuam gentem: fitque propterea ut subdita sit nemini, licet pluribus sit laceffita præliis. Nec silendum puto de insula Teneriffæ, quæ & eximie colitur, & inter orbis insulas est eminentior. Nam cælo sereno eminus conspicitur, adeo ut qui absunt ab ea ad leucas Hispanas sexaginta uel septuaginta, non difficulter eam intueantur: & si leucarum rationem colligas, miliaria ducenta quinquaginta excedunt. Quod cernatur à longe, id efficit acuminatus lapis adamantinus, instar pyramidis in medio. Qui metiti sunt lapidem, aiunt altitudine leucarum quindecim mensuram excedere ab imo ad summum uerticem. Is lapis iugi-



ter flagrat instar Aetnae montis, id affirmat nostri Christiani, qui capti aliquando hanc animaduertere. Hi praefectos habent nouem, quos duces appellant: nec iure hereditario succedunt, sed ius est in armis: inuicem digladiantur, & sauiunt ut beluae: armis carent, quia ferrum non habent, uerum lapidibus & scipionibus res geritur inter eos: nam lignis acuminata cornua adfigunt, ut uicem ferri gerat: nudi ferè omnes incedunt, tamen nonnulli auerse & aduersè pellibus caprinis teguntur: carnem inungunt seuo hircino condito herbarum quarundam succo, ut cutis effecta densior algorem toleret facilius: licet ibi uix algeant, quoniam ad Austrum sunt positi: domos non habent, neque mapalia, nec quidem uiles casae, uerum specus & caernas montium incolunt. Hordeo, carnibus, & caprino lacte paescuntur, abundant nonnullis fructibus, & in primis ficis, metunt fruges mense Martii & Aprilis: fidem habent nullam, nec deum norunt, sed alii alia idola colunt, solem nonnulli, & alii lunam, & planetas, superstitiose admodum idolis seruiunt: mulieribus quidem in promiscuum non utuntur, sed pro arbitrio ducunt innumeras. Virgines coniuges prius non accipiunt, quam à principe deflorentur, & id apud eos ingens decus & honos ducitur. Verum si quis forte argutulus diceret, unde hanc nosti? Id pro responso nobis erit, Incolas uidelicet conterminarum insularum quae Christo parent, ex instituto uitae consueuisse hos infideles crebris incursionibus lacescere, noctu praesertim: & ubi aliquando in congressu succumbunt infideles, captiui ducuntur sexus utriusque, qui sic capti in Hispaniam mittuntur, hanc nos docuere. Vsu euenit aliquando, ut è nostris corripiantur aliqui, quos Canarii ad contumelias seruant, & ut publico sint ludibrio, lanii officio fungi eos cogunt, eisque exenterandis bobus & suibus addictis, quod apud eos ignominiae specimen & dedecoris ducitur magnum: tantisper captiuitatem tolerant, donec permutatione aliqua redimantur. Seruant etiam alium morem Canarii in augurandis principibus. Nam cum sceptrum suscipiunt, complusculi sese offerunt certatim in memoriam & honorem noui principis morituros, & sponte quispiam uitam deuouet: congregantur propterea in ualle deuexa, & ibi peractis nonnullis ceremoniis, ac prolatis uerbis quibusdam, ille qui sua morte festum principis est exornaturus, se dat è rupe praecipitem, perinde ut ferè in frustra concisus exanimetur. Pro qua re quoniam fit in gratiam principis, debet princeps superstitibus agnatis defuncti, prosequiturque eos beneficiis, ac fauoribus innumeris. Hunc morem licet ipsimet improbent, seruant tamen, & pro comperto habemus uerum esse quod retulimus: salient mirum in modum agiles supra quam referre queam, instar funambuli & petauristae corpora librant, & ut hinuli de saxo in saxum migrant, licet multum distent, & id nudis pedibus. Lapidem iaciunt ultra aliorum iactum, & quicquid pro scopo ac signo dederint, nusquam aberrant: uim maximam ac propè incredibilem lacertis inferunt, adeo ut uno uel altero ictu umbonem infringant. Memini dum illic agerem, uidere è Christianis Canariis quendam hoc ludicri genus agentem: conditionem proponebat, propositamque sanciebat pignore, uiris tribus mala Assyria duodena dabat, ut omnes ea iacerent in eum, nec propius accederent quam ad octo uel decem passus, aberraturos omnes asseuerabat: nec ipse eorum poma medica tangere uolebat, nisi manu reperiendo

repercutiendo, alioquin inanes illorum iactus futuros prædicabat. Ille uero duodecim sumebat, & in uiros prædictos uibrabat, nullo aberrante. Abnuere conditionem omnes, quandoquidem probe nouerant quantum præstaret corporis dexteritate, nec eos latebat ipsum etiam plura facturum quam iactauisset. Hæc summa est igitur, ipsos Canarios mobilitate ac agili natura fere omnes anteire mortales. Hi etiam eximium cultum censent, herbarum succo tingere corpora colore multiplici, modo Puniceo, Prasino modo, nonnunquam Venetò, aliquando ceruleo, & nihil cultius ornatiusue ducunt colorum uarietate, & hæc pictura est eius ornatus apud eos, cuius ornatiores uestes apud nos sunt. Ex his insulis, igitur Canariis, duas ego Aloysius præfens inuisi Gomorram uidelicet & Ferrum. Palmæ quidem applicui, uerum nusquam classem deserui, ut ceptum iter consummarem.

Descriptio Capitis Albi cum insulis proximioribus.

Cap. IX.

**SOLVIMVS** ab hac insula flante Austro Aethiopiam uersus, & breui peruenimus ad id loci, cui Capiti Albo nomen est, abestque à Canaria miliaris fere septingentis septuaginta: & illud præsertim est sciendum, quòd qui à Canaria insula ad Caput Album proficiscuntur, hi littora Africæ nonnihil deserunt: quoniam qui Austro ducuntur, ad læuam Africam relinquunt, quantòque magis quis ducit naues in altum, tanto minus continentis uidet, quia Canariæ insulæ plurimum absunt ab littore Africæ Occidentem uersus. Igitur nautæ tamdiu absunt à littore dum nauiant, quoad ultra medietatem itineris peregerint, quo insula Canaria à Capite Albo abest: & demum obliquant ad læuam tantisper, donec Caput Album speculentur à longe, ne prius appellant terram, quàm eminus explorauerint: quoniam ultra dictum caput nihil nisi uastum mare conspicitur, quoad peruenias ad id littus, ubi cum dicto Capite fit sinus, qui dicitur Forna Dargin, cui ab insula quadam sinus eiusdem dicta Dargin, nomen inditum est: quod quidem nomen habet originem à parua insula in eodem sinu sita. Intra sinum per miliaria quinquaginta, & ibi etiam tres insulæ, quibus indita sunt hæc nomina à Lusitanis: primam Albam appellarunt, quia harenis strata est: alteram Garzararum insulam, argumento, quòd Lusitani qui primo coluerunt eam, magnam marinarum auium copiam ibi nacti sunt, adeo ut inde duas naues onustas omni genere auium in Hispaniam duxerint. Tertia insula Cori dicta est: & hæ tres insulæ paruæ sunt admodum, harenosæque ac desertæ. In illa quæ dicitur Dargin, aqua potu dulcis inuenitur, in aliis uero non nisi marina. Et signanter animaduertendum est, quòd hi qui à freto Gaditano soluunt, & uersus hanc Aethiopiam, quæ Austrum respicit, tendunt, nihil culti reperiunt, etiam à Barbaris, donec ad id loci uenias, qui Caput de Chantini dicitur, & ab eo uersus Caput Album semper à latere, & tunc tellus harenosa, quæ est desertæ, & Septentrionalem partem respicit, præsertim eam, quæ montibus adiacet, quæ est nostra Barbaria citra Tunetum, & loca illa omnia à latere, quos quidem montes Barbari appellant Sarra, & uersus Austrum contermina est Nigritis Aethiopie inferioris: uasta est hæc regio, adeo ut si ex transuerso metiaris itinere, dierum sexaginta uel celeris ueredarii, haud conse-



quaris magnitudinem: non seruat tamen uastitatem hanc undequaque, & Oceano alluitur ab altera parte: quæ tota est alba & arida, ac plena harenis, depressa est, nec inæqualis, & usque ad dictum Caput Album, miram præ se fert æqualitatem. Inuenerunt Lusitani primo hoc Caput Album, & in eo nihil præter harenas, nulla herbarum aut arborum uestigia: uisum tamen est conspicuum, quia triangulum representat: nam in fronte efficit pyramides tres, quæ singulæ inuicem absunt miliario. Id latus totum scatet piscibus omnium generum, nec nostris minoribus, forma tamen dissimilibus. Totus is sinus Dargin, & illa ferè omnis regio indigna est aquarum, & ibi arida & petrea tellus, & paulopost uastum æquor, & aquarum concursus ingens: nec fulcant hoc mare, nisi interdum explorantes contis scopulos, qui ibi sunt frequentiores: ob id quandoque obrutæ sunt naues duæ secus aridam hanc. Et sciendum est, quod dictum caput de Chantim uersus Austrum & Septentrionem Caput Album respicit. Et notandum, quod post dictum Caput Album, in mediterraneis est locus, quem Hodenum appellant, introrsus situs ad diatras sex, & is locus nullo muro clauditur. Sed est diuersorium Arabum, & statio Camelorum, quod appellant Arabes & Dromedarii, quos uocant Caruanas, quæ de Sambut ueniunt: & etiam illæ transeunt, qui ab Nigritis proficiunt, & nostras Barbarias inuisunt. Eius regionis incolæ uiuunt hordeo & cariotis, quibus ubertim abundant: alibi etiam in suis locis crescunt prædicta, sed parcius: potus illis camelorum & aliorum animalium lac, uino prorsus carent. Boues fœminas habent & capras, uerum paucas, id efficit sterile solum, & minime herbidum: boues sunt parui, si cum nostris conferantur. Mahumetem colunt, & odere Christianos plurimum: nunquam quiescunt, uagantur semper per desertum. Hi Nigritarum terras adeunt, & nostras Barbarias uisunt, frequentes sunt, & Camelorum copiam ingentissimam habent, quibus comportant æs & argentum, & alia quamplurima. Eæ Barbariis nostris in Atanbut, & ad Nigritas præfatos: inde uero exportant aurum, idque ad nos aduehunt. His est colos niger, uestis alba, laciniis rubricantibus, absque tunica interiore uestiuntur, eodem habitu & mulieres utuntur absque camisiis, ut præfertur. In capite, more maurico peplum gerunt, quo circunuoluunt caput. In his harenosis locis uiisuntur leones, & pardi, struthiones quoque, quorum oua ego comedi non insuaui. Id est etiam sciendum, quod princeps infans Lusitanus prædictus in hac insula Dargin pactum fecit hoc modo, ut nemo finem intret mercaturus aliquid cum Arabibus, præter eos, qui fœdus inierunt, & dictam insulam incolunt: & qui conuenerunt cum principe, in dicta insula negociatores assiduos fouent, qui commercia exercent cum Arabibus, qui hæc maria mercium gratia frequentant, quique uarias merces important, ut sunt panni, telæ, argentum, tapetes, & id genus alia: & in primis triticum, quoniam fame propè iugi laborant, & commutant mancipia cum nostris mercibus, dant etiam aurum. Qua de causa princeps infans illic oppidum erexit, ubi fabri quamplurimi degunt, ut hæc commercia non desinant, sed perpetuo conferuentur: ob id propterea annis singulis eò contendunt Lusitanæ celoces, id est, ad Dargin insulam ducunt etiam Arabes equos pernices, quos barbaros appellant, pro quibus ab eis Nigritarum seruos & uernas accipiunt, nec minore pretio eos uendunt equos quàm decem aut quindecim mancipiis. Eò etiam uidelicet ad

Nigritas plura ex serico elaborata contextaque Maurico more, argentum & alia pleraque comportant ex Illyberi, id est, ex Granata Hispaniarum ditionis, & Beticæ regionis. Afferunt etiam plura ex Tuneto Africæ minoris, quod Barbariæ regiam appellant, & pro his omnibus rursus mancipia, & auri copiam maximam consequuntur. Hi serui primo appellantur stationes Hodeni, & inde ad montes Barchæ, illinc in Siciliam deueniunt: residuum uero uernarum ad insulam Dargin ducunt, & Lusitanis uendunt, illis inquam, qui cum rege de mercimoniis conueniunt, sitque propterea, ut Lusitani quotannis mancipiorum circiter mille ex Dargin aduehant secum, & id illis magnum commercium: nec haftenus, nisi a diebus paucis, inter eos commercia fiebant. Nam prius Lusitani insensu erant his Arginenfibus, & eorum sinum ternis uel quaternis nauibus infestabant, & aliquando noctu mediterranea deprædabantur, & uicos piscatorum aggressi, plura alporabant, & gentis Arabum sexus utriusque quam plurimos captiuos trahebant, qui tandem in Lusitaniam ducti sub hasta ueniebant: pari modo alterum latus ultra Caput Album deprædabantur usque ad flumen Senegæ.

De regno Senegæ, & Azenagis populis,

Cap. x.

SENEGÆ flumen est, quod Azenagos à primo regno Nigritarum determinat. Azenagi homines sunt qui inter nigrum & subcineritium colorem sunt dubii, incolunt quædam loca ultra Caput Album in latere illo quod mox post Caput prædictum decurrit, & introrsus per desertum: plures ex Azenagis contermini sunt Arabibus Hodeni. Hi uiuunt ordeo & cariotis, & camelino lacte: uerum quia proximiores sunt regno Nigritarum, leguminibus aluntur: pauci sunt admodum cibi, adeo ut polline hordei, uel minimo pulmento totam diem alacres uiuant: efficit eos inedia patientes annonæ caritas. Hos aliquando captiuum Lusitanum, uenduntque pro mancipiis domi: præstant hi seruitute uernas ferè omnes, præsertim Nigritas. Vt cunque sit, ab annis paucis redire nostri Lusitani secum in gratiam, & à ui temperant omnes, & commercia inter eos magna fiunt, nec patitur princeps infans, ut eis de cætero inferatur iniuria, autumat eos propediem subituros Christianam legem: nam in biuio & ancipiti adhuc hærent, utrum legi nostræ, an Mahumetanæ seruitutem exhibeant, nihilque de lege huiusmodi apud eos agitatum erat, nisi Azanegi eos edocuissent. Et hi Azanegi prauum morem seruant. Fascia lignea caput inuoluunt, demisso sindonis capite per frontem, ita ut os totum cooperiat: pudet enim eos oris æque, ac inguinis uel cunni: os tectum ut rem pudendam circumferunt, argumento quod ueluti sentina quæpiam halitum tetrum semper emittat, nec detegunt nisi sumendi cibi gratia. Principes non habent, uerum locupletiores inter eos eminent, his obediunt & obsequuntur. In uniuersum pauperes sunt, mendaces, & supra quam referre possim, proditores. Mediæ sunt staturæ, capillum calamistro exornant ut Alamani, promittuntque plurimum, illudque nigrum adipe piscis inungunt, & olent pessime, quod apud eos uirtus & honos ducitur.

Commutatio salis & auri, deque distantia,

Cap. xi.

MAGNIFICIUNT etiam hi populi præpingues & obesas mulieres, & in primis proceriores mammas habentes: propterea ubi annum circiter



septimum & decimum attingere, rumpuntur eis ui à uiris mammæ fune per medium, perinde ut feræ à pectore auulsæ penfiles remaneant: cum uero semel pererint, longiores fiunt, & uisû scediores turpiorêsq̃: neque hi alios nouere Christianos nisi Lusitanos, qui annis circiter quatuordecim eis multas clades intulere, captiuos ducendo plurimos, hastæ demum ut mancipia eos subiicientes. Pro comperto etiam id habemus, quòd ubi hi populi primo Liburnicas & alias id genus naues conspexere in mari uelificantes, antea illis incognitas & inuisas, arbitrati sunt aues esse albis alis aera scindentes, è remotioribus partibus aduentasse. Cum autem uela deprimerent, ut appellerent littus, credebant pisces esse eminus uisis nauibus: nonnulli censebant fore phantasmata cum noctu fulcarent maria: & erant hæ naues eis tericulaméta non mediocria, utpote quæ modo huc modo illuc distrahebantur, instar phantasmatis alicuius ui uentorum ductæ, uariisq̃ in locis eis inferebantur damna à nautis, noctu in primis, cum tamen inter se celoces abessent per miliaria propè centum, prout cõ uenerat inter naucleros, & ut uentorum ratio patiebatur, huc atque illuc pulsæ, sicque intra se ratiocinabantur, si hi essent mortales homines, quo nam modo quirent tantum itineris nocte una metiri, quantum nos nec triduo absoluimus prorsus nauigationis expertes. Itaque loco phantasmatis apud eos ducebamur. Huius rei certiorẽ me fecere ex Lusitanis quamplures, qui per id tẽpus ea littora frequentabant cõmercii gratia. Accepi etiã id à captiuis, qui fere per eadẽ tempora capti fuerant, ex his testatũ fuit nobis, quàm stupidi ad rerum nostrarum conspectum fuerint, quando de nobis talia stolidè sibi persuadebant. Supra etiã stationem Edon introrsus sex dierum itinere locus uisitur, qui denominatur Tagaza, quod nostri interpretatur Auri sarcinã. Vnde aduehitur salis petrei ingens copia, id asportatur camelis Arabum & Azanegorũ uaria loca petentium, nonnulli Tambuto iter faciunt, & Amelum cõtendunt ditionis Nigritarũ, quòd ubi applicuere, mox sal omne expediunt, utputa octauo die, quicquid aduectum est salis uenditur prope Mitigallum CC. uel CCC, demũ suas repetunt casas auro onusti. Et id in primis est sciendum, hoc regnũ Mellis caloribus infestari, ut fere quadrupedia omnia illic fathiscãt, cum nihil pabuli ibi pro quadrupede crescat nisi pestilens, sitque propterea, ut ex centum camelis qui eò onera ferunt, non redeãt triginta domum, hinc quadrupes fere nullum uidebis, ibi pereunt omnes æstu nimio. Arabes etiam & Azanegi illic correpti morbo efflant animam, ægritudinem parit torrens sydus, cui subsunt. Ferunt etiam Tagazam à Tambuto abesse itinere dierum quadraginta equitis unius, & inter Tambutam & regnum Mellis iter triginta dierum intercedit. Percunctatus sum etiam hos quomodo mercatores regni Mellis tantum salis consumant. Referebant Mellitæ nonnihil consumere in regno suo Nigritarum, quoniam uersus Meridicũ positi, non longe ab æquinoctiali, ubi dies cum noctibus semper propè certant de pari, longiusculi tamen dies, quoniam illorum Zenith de directo non est sub æquinoctiali, non enim essent in Meridie. Sunt itaque ultra æquinoctialem nonnihil, & ideo plus diei quàm noctis habent, & ibi feruentissimus æstus. Fitque propterea, ut statis anni temporibus eorum sanguis inficiatur, adeo ut ni sibi sale mederentur, protinus exuerent uitam. Modus medendi hic est, Salis modicum aqua

aqua liquefactum singulo die hauriunt, & hoc eis pro medicina & remedio praesentaneo. Reliquum uero salis in glebas diminuunt tantillas, ut uiri unius humeris singula ferri possint, arte quadam ad id non inepta, usque ad regnum Mellis, quò cum uenerint, singulis camelis duas salis glebas imponunt: & id quadrat oneri, uidelicet ut singulis camelis duae salis glebae imponantur: & postremo in regno Mellis Nigritae, qui Mauri nigri uulgo dicuntur, rursus id onus salis capite portant, ut priui priuas glebas ferant, numerosiores adeo ut propè ferentium uideatur iustus exercitus hominum peditum, qui per uastum iter salem humeris conuectant. Et hi pro leuamine laboris, & fessorum solatio, tridentibus quibusdam utuntur humi infixis, quibus salem felli imponunt tantisper, donec uires reuocauerint. Hoc modo sal praedictum aduehunt usque ad quoddam flumen, cuius naturam non sum percunctatus, an salsum uel dulce esset, nec id ab re dixerim, quoniam aequor creditur à multis. Et his Nigritis ope ræpretium est sic salem suum conducere, quoniam quadrupedibus fere omnibus carent: id soli efficit iniquitas, quòd aut parum fert herbae: aut si fert, id totum est pestilens, ut praefeci. Hinc non difficulter colligimus, quàm frequentiore hominum uehementium salem coetu opus sit, cum tantum salis consumant. Cum uero applicuerint ad id flumen, quod mare propè creditur, qui salem detulerunt, singuli singulos ex suo sale monticulos erigunt: & ita disponunt, ut alter alteri succedat continenter recto tramite, & unusquisque quopiam signo suum aceruum insignit, & demum recedunt omnes itinere mediae diei. Vbi igitur recessere, aduentant alii Nigritae, qui cognosci nolunt, neque aliorum colloquia admittunt, & accedunt cum suis Liburnicis ac nauibus grandioribus ab insulis quibusdam, & littus appellunt, uisòque sale, pondus quoddam auri prope aceruum salis ponunt, prout sibi congruere commercio uidetur, nec ab æquitate absonum, & mox recedunt, salem & aurum relinquentes. Nigritae uero qui itinere mediae diei secesserant, rursus redeunt, & unusquisque suum aceruum uisit, & ubi aurum dimissum placuerit auferunt, salem relinquentes, & abeunt non reuersuri: si uero conditio auri relictæ non placuit, utrunque dimittunt, uidelicet aurum & salem, & iterum abeunt infra praedictum tempus reuersuri. At Nigritae qui cognosci nolunt, rursus accedunt, & eos acervos à quibus sublatum aurum uiderunt, auferunt aut eis quibus adhuc relictum est aurum, addunt nonnihil auri: uel suum aurum (si ultra addere non libet) asportant, salem relictum. Et hoc modo sua commercia exercent, ut alter alterum non uideat uetere instituto. Et licet id forte à fide deuiet, utpote non credendum: illud tamen pro comperto habemus, quoniam à fide dignis est acceptum, à negociatoribus in primis.

Quomodo Imperator negociatorem quendam cognoscere uoluit.

Cap. XII.

NOVERITIS igitur me aliquando negociatores Nigritas regni Mellis percunctatum fuisse talia, cur princeps eorum qui & diuitiis & regno pollet plurimum, non nauasset operam ui uel amore, ut tandem aliquando sciret, quænam gens esset, quæ hominum forma, quod idioma, qui mores forent illorum, qui cognosci nobis: Id habui pro responso, Principem suum iam pridem hoc conatum fuisse, ut cognosceret hos Nigritas, & excogitauisse talia, ut



hos caperet: asseuerabāt ipsum uidelicet habito consilio, tempus aduentus prædictorum obseruauisse, quo consueuerant commercii causa accedere ad littus, & per nonnullos dies præuenisse eorū aduentū, dispositis insidiis hoc modo: iussit nōnullis ē suis prius quā mercatores qui Carauanam ducunt, aduentarent, ad id loci accederent, ubi salis & auri permutatio fiebat, & effossa humo caueas struerent, in quibus ad tempus tandiu delitescerent, donec ex Nigritis qui cognosci nolunt, aliqui aduenirent, aurum deposituri pro sale: & demum erumperent impetum facientes in eos, tres uel quatuor caperent, adseruarentq; diligentissime, & ad principē ducerent regni Mellis. Et ut paucis expediā, successit principi ut disposuerat: cepere quatuor, reliqui fuga sibi consulere: & ex his quos ceperant tres missos fecerunt, rati satis ac super fore, si unus ad principem duceretur gratia gentis cognoscendæ, ne Nigritæ indignabundi succenserent, & temperarent demum à commerciis. Capto itaque Nigrita, ac adducto ad principem adhibiti fuerunt quamplurimi uaria idiomata callentes, alii alia lingua captum interrogantes, ut eius linguam explorarent. Is uero captus ad omnem sermonē conticuit, & nusquam est locutus, nec cibum sumpsit unquam: triduo solum uixit. Quæ res regni Mellis Nigritas in eam opinionem adduxit, ut credant eos populos usu loquendi carere, & suapte natura mutos esse. Alii rentur id euenisse ex indignatione, quod uidelicet proditi fuissent. Retulere hæc principi ægre ferentes, quod nequiuisent principis desiderio facere satis. Animo iniquo tulit princeps, & enixè auideq; percunctatus est suos, quæ hominum forma esset. Responsum est illi, uiros esse nigerrimos, & proceros adeo, ut suam staturam plus palmo excederent: & inter cætera referebant eos labrum inferius promissum ad pectus usque habere, rubrum & introrsus exulceratum perinde ut sanguis exeat, superius uero paruum instar nostri: fiebatque propterea, ut dentes omnes apparerent, quos habent nostris grandiores, duos etiam habent hinc & hinc reliquis eminentiores: lumina uero prominētiora, eadēq; nigra, torui aspectus admodum: ferunt etiam gingiuas ut labrum sanguinem emitteret semper. His uisis principes reliquos pœnituit facti huius, nec deinceps gentem huiusmodi infestant, quoniam ob unius mortem reliqui desistere mercari triennio, quod cedebat in damnum eorum. Nos autem censuimus eis sic labra putrescere ob ardorem torridæ plagæ: & cum sale sibi medeantur, nequiuiere diutius sustinere quin rursus ad institutum uetus redirent, cum sale carere non possent. Igitur rediere elapso triennio, & ex nostris incommodis & ægritudinibus metimur suas infirmitates: nec noster princeps magni facit loquantur uel ne, modo emolumentū ab his sentiat. Id est totum quod à multis accepi eius regionis incolis, & quoniam plures hoc asseuerāt, non difficulter adduci possumus, ut multis credamus. Ego quidem quātum in me est, hæc & alia non impossibilia credere uolo, cum ex usu multarum rerum plura didicerim. Id igitur aurum aduehitur in urbem Mellis, & ibi tripartitur, partem qui Carauanam ducunt, iter per regnum Mellis agentes, Cochium uersus Siriam ferunt: duas uero partes residuas Carauana ex Melle aduehiant Atambutū, & ibi rursus diuiditur, partem ducunt ad eum locum qui dicitur Ato, & inde Tunetum Africæ minoris, quod est Barbariæ caput, & Regia per superius latus ad Oceanum,

Oceanum, aliam uero partem deferunt ad illum locum qui dicitur Hodenum, ut supra memorauimus, & illinc ad Hona & portum Orarani, qui dicitur à Barbaris Marfacubi, à Latinis Portus magnus. Loca sunt Barbariæ in Mauritania, non longe à Gadibus è regione Illyberis, id est Granatæ, aduehunt & aurum à Fezes & amarum, & Choos, & Argis, & Azafi, & Amefa loca Barbariæ extrema, id est, extra fretum Herculeum: illò contendunt Christiani, præsertim Italiæ, empturi aurum, multiugas merces aduehentes. Et ut eò congregiatur unde sum digressus: aurum prædictum quod aduehunt ab dictis Azanegis siue Subcinericiis cunctis mercibus præstat: quoniam illud aurum aduehitur Hodenum, ut præfeci, ad littus maris comportant, & ibi Hispanis uendunt nostris. Propterea Hispani frequentant insulam Dargin, & ibi ferè iugiter habitant commercii causa. Apud hos subcinericios populos non signatur aurum, neque argentum, neque cuditur aliqua moneta, sed res permutant, ac alteram pro altera suscipiunt, dântque uicissim, & hoc modo uitam ducunt. Accepi tamen à nonnullis introrsus apud Azanegos & Arabes eam monetam, quam Lusitani expendunt esse in usu, monetam appellant mitigal, ualoris unius nummi aurei.

Viri honorabiles ac diuites, & ibi mulieres & arma.

Cap. XIII.

**QVI** H A E C deserta incolunt, hi regem non habent naturalem, deferunt tamen plus honoris ac reuerentiæ uni quàm alteri, colunt præsertim locupletiores, & hi maiores habent fautores: ut etiam usu apud nos euenit pluribus in locis. Et licet diuites sint, maiôrque ad eos hominum frequentia palpi & assentationis, ut assolet gratia eat, non sunt tamen principes: Mulieres ibi subcinericiæ, ueste cotonina utuntur. Id genus uestis mittunt Nigritæ. Vestes etiam habent quasdam, quarum in superioribus iam meminimus, Alchizel appellant, tunicis interioribus, id est camisis non utuntur. Armorum genus apud eos hoc est: non enim habent arma quæ ad defensionem induant, ut nos thoracem, & lorica, quoniam nullo alio euitant, ac propulsant uim illatam quàm clypeo. Hastas igitur habent longiusculas, easdemque leuissimas, & tela, non tamen ut nostra uibrant, equis insident ut Mauri: sed non multos fert regio deserta, quoniam herbidi soli non est. Nequeunt propterea multos equos alere, fit etiam iniuria candentis syderis, id est flagrantis solis, ut prope sit exusta. Aquarum est indiga, inde proueniunt tot incommoda, uidelicet sterilitas ferè rerum omnium: ibi tantum ternis pluit mensibus, uidelicet Augusto, Septembri & Octobri. In eisdem etiam regionibus innumeratissimam locustarum multitudinem aera uidi mus inumbrantem: nam ferè singulis trienniis aduehant, & celum obscurât, cateruatimque uolitant, & ubi terras cooperuerint, corrodunt fere omnia, adeoque sunt frequentes, ut spatio miliarium XII celum inumbrent, rubent, & maiores sunt caualetis, non apparent nisi triennio uel quadriennio semel, quæ si quotannis aduenient, corrosa ac deserta iam forent omnia ego aliquando eas uidi cateruatim supra mare uolare, numerus erat propè infinitus.

De sinu Senegæ, disterrinante harenosas terras à feracibus.

Cap. XIII.

**P O S T** Q V A M dictum Caput Album præteriuimus, illud semper con-

b. ii.



tuentes, nostro itinere peruenimus ad flumen, quod sinum Senegæ appellant, illud enim est præcipuum flumen regionis Nigritarum introrsus per hoc latus; Differminat itaque flumen prædictum Nigritas à uiris subcinericiis dictis Azanegis: separat etiam aridam & sterilem tellurem, hoc est, desertum ab irrigua & feraci terra Nigritarum. Quod quidem flumen patentioris est aluei, ostiumque habet spatio unius miliarii: altissimum est, & rursus aliud ostium: demum efficit in umbilico insulam, & denique ostiis duobus exonerat in mare: tunc uidebis breuia, ut in syrtibus harenis obductis, quæ abacos & scamna præsentant: introrsus mare ad miliare: singulis sex horis crescit & decrescit instar flantis & reflantis Oceani: & ubi reuomit aquas, tanta ui immittitur, ut flumen retroagat ad sexaginta miliaria, ut retulerunt Lusitani, qui id coram conspexere aliquando flumen ingressi: at si qui dictum flumen ingredi uoluerint, eis operæpretium est cauere à breuius, & harenis obductis, ne immergantur, quoniam præbent speciem solidæ telluris, & tamen tactæ fathiscunt, & in uagam harenam dilabuntur. Id etiam est notandum, dictum Caput albū abesse ab hoc flumine miliaris fere CCCLXXX, & totum litus harenosum cernitur usque ad ostia fluminis introrsus per miliaria uiginti, & appellatur latus De ante rota, ditionis Azanegorum, populorum subcinericii coloris. Id ante omnia miratu dignum est, quod trans flumen memoratum, homines sunt nigerrimi, & proceræ staturæ, ac habilissimi corporis: & omnis illic regio uiret, ac uernat pomiferis arboribus referta. At citra fluuiū contrarias uices cernas, uidelicet homines subcinericii coloris, staturæ contractionis: hoc flumen ferunt à Nilo deriuari, è quatuor præstantioribus fluuiis unior eadem uices habet cum Nilo, ut ille AEgyptum, ita hic AEthiopiam reddit irriguam. Nam Nilus Babyloniam præterfluens totam AEgyptum madefacit. Hoc flumen alios amnes emittit, & præsertim eum quem Senegæ appellant, & magna sunt flumina, totum latus AEthiopiæ irrigant, cuius tamen latius in sequentibus meminisse est animus: huius etiam commemorat Plinius libro quinto naturalis historiae.

Qui principes ad latus Capitis uiridis regnent. Cap. XV.

REGIO horum Nigritarum, qui primo loco regnum Senegæ obtinent, hi sunt in introitu regni AEthiopiæ, & omnis terra dicitur inferior uulgo dicta terra Bassa, complures populi accolunt prædictum fluuium, uocantur Zilophi, & ulterius per spatium imensum omnis regio dicitur terra Bassa usque Achiaridam, & trans flumen. Si tamen Caput uiride excipias, ubi tellus est eminentior, quam in toto latere ad miliaria fere CCC ultra dictum Caput uiride. Citra uero per miliaria fere centum omnis terra est litus patens, depressius tamen. Noueritis etiam hunc regem Senegæ cum illic agerem, appellatum fuisse nomine Zuchalin. Ibi enim multiplices sunt principes, nos regulos nuncupamus, qui aliquando zelothipia regni conspirant, & regem quem libuerit præficiunt, clarum tamen stirpe, & eum precario dominari uolunt. Nam cum eis non est complacitum exautoratum è regia sede detrudunt: nunquam rex huiusmodi effectus potentior exurgit in electores, & inuicem digladiantur. Non est tamen firmum regnum, neque perennat, ut in Syria Soldanus. Nam assidua expectatione pendet ne regno priuentur. Lis est tamen de paupere regno. Inopes sunt

admodum ferè omnes, quibus reges dominantur: nullas urbes habent, ruscula uero, & mapalia citius quàm domos, quandoquidè calcem non habent, quæ parietes ferruminentur, carent lapidibus, & angusta est regio, utpote, quæ à latere miliaria CC non excedit: Mare autè introrsus tantundem, ut mihi relatum est latitudine etiam uix dictā mensuram excedit. Rex igitur eorū redditus non habet annuos: uerum tributa pendunt reguli illi quotānis: efficit hoc metus, ne indignationē regis incurrant: donāt regem equis, qui illic magni penduntur ob raritatem, Carent etiam phaleris, & omnibus equorū instratis. Rex etiā donatur quadrupedibus aliis, bobus fœminis, capris, & legumine multiplici. His uicitat rex eorum, adiicit tamen ipse ad hæc multa: deprædatur complures, surripit mancipia conterminis ui uel amore, sibi uictū parat: mancipia uero nonnulla cultura addicit, alia exponit mercatoribus Azanegis uenalia, qui eò contendunt causa commercii: equos præsertim adducūt, uendunt etiā Christianis postquam cōsuetudinē habent cum Nigritis: huic regi licet tot ducere uxores quot uoluerit. Itidē regulis licet, & indigenis omnibus, modo alere queāt: nulla lex matrimonium multiplex prohibet. Rex uero supra XXX uxores semper habet: plus tamen unam quàm alterā caripendit. In his tamē ratio stirpis habetur maxime: quoniā quæ loco præclaro sunt ortæ præstāt cæteris. Rex itaq; hanc uiuēdi consuetudinē seruat: uxores suas ruri alit, & asseruat hoc modo: nam singulis coniu-gibus agros, & latifundia armētæque impartitur pro earū uictu, mancipia etiam & ancillas elargitur eis. Mācīpia agros colunt, & alia nauant, quæ ad rem familiarem spectāt. Habent boues tam mares quàm fœminas, quibus arāt tellurem: cum uero ulū uenerit, ut rex rus cōcedat, diuertit pro arbitratu ad quācūq; libuerit: singulæ uero terna uel quaterna obsonia deferūt, adeo ut ipse rex & omnes aulici qui cū eo proficiscūtur, uiuant dictarū regis uxorum expēsis. Nā uidebis singulo mane innumera mācīpia dapes multiugas ferentia ad principē, quæ omnia Condo asseruādā dātur. Condus uero Promo, hic uero Parocho per gradus subministrat, perinde ut paruo temporis interuallo prope dapes innumeræ aduchātur. Cum autē complacitum regi fuerit discūbere, seligit ex his obsoniis quæ uoluerit, reliquū tribuit aulicis, uerū uix unquā eximunt edendi amorē, esuriunt semper, & nunquā saturi, modo huc, modo illuc regem sequuntur, aliena semper impensā. Nec quicquā pensū habet rex, quibus sumptibus, & se & suos alat, huius rei cura spectat ad alios. Cū uxoribus uices alternat, modo hāc, modo illā cōprimit: hinc natorū infinitus prope numerus: quoniā ubi à se compressam mulierē pregnantē senserit, aliā aggreditur. Hunc etiā morē & reguli seruant.

Nigritarum habitus & fides.

Cap. XVI.

MAHVMETEM primi Nigritæ colunt: non tamen adhuc pertinaces sunt in ea fide ut Leuco Aethiopes, quos Mauros albos appellāt, præsertim gregarii: principes uero tenacius colunt Mahumetem. Quippe qui sentiunt cum sacerdotibus Azanegis & Arabibus, qui principes legē huiusmodi docent, & his argumentis persuadent eis legem colendam, quod uidelicet sit absōnum, nec principis ordini consentaneum, ut cum uulgo imperitiore nullum deum colāt, sitq; propterea ut non difficulter principes adducantur ut credāt Mahumeti, quoniā aliorū gentiū consuetudinē nesciunt: sacerdotes tantū, ut præfecimus, Azanegos & Arabes nouere fidei magistros Mahumetanæ. Vbi uero cœpere uersari cum



Christianis, & nostram fidem à nostris sanctiorem extolli, & prædicari eximie audiuere, minus Mahumeti credunt, nostris oblectantur moribus, & arguunt fidem nostram esse sanctiorem & meliorem, ob id quod sumus ditiores ac locupletiores illis, exemplum sumunt ab his mortalibus ad æterna, addentes nos summo opere à nostro deo amari, argumento quod tot diuitias largitur suis, eosque tot animi ac corporis dotibus honestat: nec posse legem huiusmodi, nisi à bono conditore proficisci: nihil minus legem suam non deserunt, licet & nostram probent, aiuntque in utraque lege utrique locum esse salutis. Habitus istorum talis est, Nudi prope incedunt, nisi quod pro subligaculis corio caprino utuntur, hoc pudenda cooperiunt. At principes & locupletiores omnes camisiis cotoneis utuntur, quoniam regio pannis huiusmodi abundat, & ex filis mulierum pensa fiunt: nam filum nent & pannum largiorem palmis binis efficiunt. Non fiunt ibi longiores panni, quonia pectines non habent maiores, quibus texere queat. Insunt propterea ternas uel quaternas telas simul, & tunicas conficiunt largas quidem, sed genua non attingentes, uixque media tegunt brachia: femoralia etiam contonina faciunt, nos brachias appellamus, siue subligacula oblonga, adeo ut tunicam talarem credas. Is habitus est latissimus, perinde ut ora eius pateant circuitu palmorum XXX, uel XL: & ubi uestem subcingunt, innumeras plicas efficiunt ob longitudinem ac latitudinem habitus: nam sinuat instar sagi præcincti: aduersæ & auersæ, id est, retro & ante terram uertunt ueste: & cum sit res ridicula admodum, ipsi tamen rem putant honorificentissimam, uari quoque incedunt, id est, diuaticis cruribus, instar micturientium mulierum. Percunctabantur quandoque nos ipsi, an uidissemus unquam honorabiliorem habitum, quippe qui decentiorem in uiris non credunt. Mulieres partem corporis superiorem, id est, à capite usque ad cincturam nudam circumferunt: inferiorem uero sindone usque ad crura media cooperiunt: pedibus ambulant nudis, is mos est, & uiris & mulieribus tam coniugatis quam nubilibus: aperto capite incedunt, torquem ex capillis agunt, & eo exornantur uiri & ac feminae: uiri etiam pleraque puellaria pensa exercent: nent enim, & pannos compurgant aqua. Ibi semper calores eximii, nec unquam magis algent uel Bruma, quam nos Aprili mense.

Viri habitu elegantes, sed uictu immundi.

Cap. XVII.

H I V S plagæ homines corpora eleganter curant: nam ter uel quater singulo die aqua immerfi lauantur, utpote qui balneis oblectantur plurimum: uerum in culinibus adeo immundi ac turpes, ut dum eorum concinnant obsonia & dapes, stomachum suscitent & nausæam: & earum præsertim rerum quarum prorsus sunt expertes, non solum sunt simplices, uerum etiam stolidi: contra, in illis rebus quas ex frequentiore usu nouere, ut nos, sunt accuratissimi: loquaces sunt admodum, adeo ut uix unquam desinant nugari: ante omnia mendaces, ac fallaces, alioquin hospitales, quippe qui biduo ac triduo domi sua impensa hospitem libenter alunt.

Quomodo inter se concertent principes Nigritæ & regni Gambrae.

Cap. XVIII.

H I P R I N C I P E S Nigritæ sæpenumero inuicem digladiantur: pedites bella conficiunt, quoniam equis carent ob iniquitatem soli: nam ob æstus propè

propè diuturnos uix ibi herba crescit qua alantur equi: loricas nec thoraces habent, quibus uestiantur ad bella, eis prorsus carent: uerum clypeos & scuta ferè omne genus habent. ut uero hostem feriant, telis utuntur quibusdam quæ iaciunt ueloci dexteritate. Nam id præsertim callent, uidelicet uibrare hastas, & iacere tela: his adfigitur acuminatum ferrum ad palmi mensuram, & mira arte fabrefactum, perinde ut cum quempiam fauciauerit, uix extrahi queat, ni carnes lancinentur & atrociter concerpantur, ferro reluctante ex opposito: ut apud nos sagittarum sunt quædam genera. Ferunt etiam enses & fidas quasdam more maurico obliquas, fiunt ex ferro absque calybe, quoniam in regione Gambra Nigritarum ulteriore calybem non habent: & si forte habent id metallum, tamen effodere nesciunt. In bello etiam hastis quibusdam utuntur quæ lanceas præsentant, alia arma non habent: bella illorum sunt atrocissima, quoniam diloricati ut præfecimus, præliantur: hinc maxima hominum strages, audaces sunt maxime, utpote qui ultro sese periculis obiectant, maluntque in bello oppetere quam terga dare, licet fuga sibi consulere queant: nec eos perterrefacit sociorum clades, imò atrociores redduntur, mortem contemnentes, adeo assuevere præliis ac bellis, & cladibus innumeris.

De eo quòd natant eximie, & de regno Senegæ.

Cap. XIX.

**HI NAVES** non habent quibus maria tranent, nec eas uidere ab orbe condito, nisi postquam Lusitani illò sunt profecti: accolæ uero fluminis utuntur cymbis quibusdam, quæ humeris trium hominum deferri possent: his piscantur, & traiecto fluuio uaria loca petunt: sunt etiam isti Nigritæ natatores acerrimi, prout ex usu didici, & accepi à nonnullis, qui ex lectione multiplici id didicerunt. Regnum Senegæ Nigritarum introrsus Orientem uersus conterminum est regioni dictæ Tuchmoræ: at uersus meridiem regnum Gambra contingit, ad Occidentem uero respicit Oceanum, uersus autem Septentrionem Nigro fluuio clauditur, qui ut diximus subcinericijs populos determinat à primis Nigritis: & id flumen prius per annos circiter quinque quam ego eò concederem, Lusitani nauis iam explorauerant: qui quidem Lusitani cum Nigritis pacem iniere, & fœdus maximum, adeo ut deinceps magna inuicem exerceant commercia: frequentarunt propterea regionem huiusmodi annis singulis naues usque ad meum aduentum.

Quas merces Aloysius Cadamustus permutauerit cum principe

Budomeli Senegæ.

Cap. XX.

**TRAIECI** dictum flumen celoce mea, & tantisper nauigauimus, donec deueni ad regionem quæ dicitur Budomel, & is est principum titulus, & dicitur terra de Budomel sicuti nos appellamus principum uel comitum regiones uario nomine. Cum igitur ad id loci perueni, immoratus sum illic nonnihil, quoniam idioma huius principis callebam, & ad id adducebar non difficulter, quoniam audiueram hunc principem esse candidissimæ fidei, & nemini imponere, magnæque probitatis uirum esse, perinde ut tuto merces ad tempus huic uendi possent. Nam ad præscripta tempora ad unguem fidem seruare aiebant inconcussam. Cum igitur mecum adduxissem nonnullos equos, qui illic pretii erant non contemnendi, licet plerasque res alias detulissem, ut sunt

b. iiii.



ex lana panni & ex serico findones more Maurico, & alia quamplurima. Deceui itaque apud principem efficere, ut eum locum adirem, quem ad Palmas ditionis principis de Budomel, ubi non portus, sed statio uisitur: quò cum ueni, reddidi certiorē principē aduentus mei, internuntio Nigrita meo principio, iussique ut meo nomine illi omnia mea offerret, & equos in primis, quibus sciebam principem delectari plurimum. Vt ergo paucis expediam, Princeps memoratus certior iam factus rerum mearum, adit nos equis XV, ac peditibus CL comitatus, mēque commonefecit, an liberet terram appellere uidendi principis gratia, addebātque me minime lusurum operam, nec me unquam poenituum laboris suscepti, gratum animum eundemque liberalem principem gerere. Quibus adductus littori applicui, & uisi principē, nec uidisse poenituit, nam facta non dissimilia uerbis fuisse: excepit me honorificentissime, post multa equos emit meos, & quicquid abs me desiderabat, mox est consequutus: fidi illi ingenue. Rogauit me propterea ut secū irem in regiam suam, quæ introrsus est ad miliaria CCL. Pollicebatur enim inibi se equorū pretium perfoluturū, hortatūque est enixe, ut dies aliquot præstolarer, quoniam inter negotiandum conuenerat inter nos, ut centum mancipia pro mercibus daret. Abduxit itaque equos cum phaleris & alio ornatu, mercēque plurimam, quæ omnia emeram ego non pluris quàm CCC aureis. Deceui igitur secum ire, nec prius abiui, quàm ab eo perpulchra adolescentula donatus fuero: nigra quidem erat, uerū formosa, & annū non excedebat duodecimū. Voluit esse cubili meo addictā usquequaque: suscepi puellam libens, & ad nauem ducendam uni ex meis tradidi. Iui igitur cum principe percupidus nouas res & uidere & audire, sollicitabarque non minus hoc desiderio quàm pecuniarum exigendarum studio uel amore.

Quomodo Aloysius Cadamustus concessit cum principe eò loci qui dicitur Budomel in Mediterranea.

Cap. XXI.

CONTENDI igitur Budomelam regiam principis locum Mediterraneum, prius equis ac necessariis ad uaticum à principe acceptis, & ubi ad quartum lapidem prope regiam principis deuenimus, commendauit me nepoti suo cuidam eius ruris domino quò iam deuenimus: nomen huic erat Bisboror, & is nepos suus me domi excepit honorifice, & ibi XXVIII diebus steti mense Nouembri, & dum illic ago, sæpenumero eo ad principem de Budomel nepote comite. Interea plura memoratu digna uidi mores regionis concernentia: ut etiam hæc attentius uiderim, id effecit, quod ad flumen Senegæ ubi mei me opperiebantur, terrestri itinere sum regressus: nam undabundo mari fidere nolui, quoniam per id tempus admodum sæuiebat, adeo ut ad celoces meas prius redire nequiuero, quàm naues fluminis littori applicuerint: & dum certiores meos reddere studeo, natatorem quæro qui nando literas ferat, quibus meis nautis compertum fiat me non posse aliter classem repetere, ni prius ipsi naues ad flumen dirigant, ob procellosum mare. Scirent propterea me usque ad id loci terrestri itinere contendere. Quæro igitur ab incolis, an quispiam natator adsit, qui uice ueredarii fungi uelit, quique calleat artem nandi, & ad meos ire non formidet, introrsus mare ad tria miliaria. Mox sese multi ultro offerunt id nauaturos: uerum quia æquor incredibili

bili feruore concitatum erat, uix mihi persuadebam hominem huiusmodi nando id consequi unquam posse, & eo minus adducebar ut crederem, quo breuia innumera conspiciebam prope littus iactu arcus: hi sunt harenæ acerui, qui ubi onera sentiunt quæpiam, mox euanescent, & naues uorticibus obruuntur. Cum uero supra aquam eminent, uidentur abaci uel scamna, quibus si infederis illico rues. Et inter hæc breuia feruet mare atrocius utpote coartatum, nihilq; adminiculi ibi comperies, quo innixus uires lassas foueas. Timebam igitur illis ne à profluente pessundarentur. Vtuncque fuerit, Nigritæ duo affuere nauaturi quod petebam. Quæro quam pro labore tanto mercedem cupiant, respondent maiulias duas ex stanno pro unoquoque petere: quatuor enim huiusmodi maiuliaz nummum nostrum aureum efficiunt. Acceptis igitur literis, se mari iactabundo credidere: horresco referens, quas difficultates subierint hi natatores, dum superare breuia contendunt, perinde ut crediderimus aliquando eos submersos. Nam urinabant sub aqua spatio horæ, nec uidebantur. Tandem alter illorum cessit uiribus undabundi maris, nec sauiantes undas domare potuit, rediit ergo uoti impotens. Alter uero maiorum uirium compescuit rabiem maris, & ad elassum peruenit, responsumque retulit: quod factu uisum est mihi ferè impossibile. Hæc itaq; summa est, hos Nigritas uidelicet nando ferè omnibus mortalibus præstare. Quæ uero uiderim dum agerè apud hunc principem, hæc sunt: Primo nolim credas ibi esse urbes, neque oppida, licet dicantur principes ut præfecti: nam illorum rex rura tantum & mapalia possidet: & is princeps quo cum egi plura, partem regni eius tenet, quæ res est parui momenti. Nec principes habentur quia ditiores nummis uel thesauro aliquo inueniatur: non enim in pretio est aurum, præsertim moneta, quæ nulla est apud illos: sed obsequio & fide præstant nostris principibus: mira est obedientia quam exhibent principibus subditi.

Mapalia, & rura Budomel, & mulieres.

Cap. XXII.

VT NIHIL prætermittamus dignum scitu, noueritis hunc principem semper esse errabundo nõ absimilem: quiescit ferè nunquã: modo huc modo illic cõtendit, & eo præsertim ubi sunt suæ coniuges. Nam ut retulimus, mapalia & ruscula habent, ubi multiplices adseruantur coniuges. Et id rus quod ego iuxta domus principis nûcupatur: ibi uidebis circiter XL uel L humiles calas confertas paleis, id est mapalia in ordine continenterque dispositas, ut altera sequatur mox altera: his circumdedere sepes nõ ex tribulis uel spinis, uerũ ex proceris arboribus dimisso interuallo quod ostii uicem suppleat: quò cum es ingressus, aulam cõperies ruralem septã sepe arborea, Cortile appellatur à rusticis. Nouè ex huiusmodi aulis domum principis præcedunt eo ordine, ut ex altera in altera aditus interior pateat, ibi nouem mulieres hic princeps habebat: sunt etiam in aliis ruribus coniuges quam plurimæ, quæ huic principi inseruiūt pro suo arbitratu. At quælibet ex his mulieribus quinque uel sex adolescentulas AEthiopas domi alit, quibus pro libito princeps potiri potest, citra omnem coniugis indignationem, quippe quæ haud ægreferunt uetere instituto principis, ut hac Veneris uarietate coniunx princeps oblectetur. Suntque hi Nigritæ admodum proci ac salaces in Ve-



nerem, nullaque satiantur libidine. Percunctatus est me propterea princeps, an aliqua nossent, quæ Venerem excitarent frequentius: nam unus tot sceminis uix satis facere quibat. Induerat enim opinionem hanc, uidelicet Christianos esse ingenii acerrimi, & ferè nihil nescire. Adiciebat ad hæc, si uoto huic suo turpi quidem fecissem satis, me beneficia innumera ilico consequiturum. Laborant zelotypia hi principes adeo atroci, ut nec ipsis natis satis ac super fidant. Vni igitur principi patet ad mulieres aditus.

Quibus stipetur princeps lateronibus.

Cap. XXIII.

H V I V S principis latus custodiunt uiri C C quocunque pergere contigerit: & licet frequenter per uices succedant qui principis habent custodiam, nõ de sunt tamen usquequaque innumeri, qui undequaque salutatum ad principem ueniunt. Ante regiam igitur principis ubi ipse diuersatur diutius, præcedunt septè atria, & ante ea plateæ quædam uisuntur, in quorum diametro arbor est proceræ & umbrosa, quæ principis fores obseruantibus, umbram amœnam præbet. Habet itaque princeps dispartitam familiam, & qui propius regiam degunt, hi sunt principi magis accepti, dignioresque: & quo magis elongantur à regia, tanto minoris census, ac fere gradus nullius dignoscuntur. Has igitur graduum differentias ostendunt domus ex industria continenter in ordine dispositæ, ut cognoscas eos esse excellentiores qui regię principis sunt proximiores, pauci tamen ad fores principis accedunt. Id enim fere solis Christianis licet, & Azanegis sacerdotibus, qui principem legem Mahumetis docent, quibus maior potestas agendi quæcunque est apud principem, quàm ipsis suis Nigritis.

Mos salutandi principem, & principis consuetudo.

Cap. XXIII.

P R I N C E P S igitur memoratus magnam præ se fert arrogantiam, quippe qui non prodit in publicum, nisi mane & uesper, nec tamen à uestibulo regię digreditur, ibi sese mira superbia spectandum suis præbet illustrioribus. Is igitur princeps cum uariis de causis quempiam admittit audiendum, tali dignatur reuerentia. Cum itaque hi qui ad principem petunt admitti, ad fores iam accesserint, utraque genua flectunt, & humi fere strati harenam identidem nudi reiciunt in terga, caput etiam harena aspergunt, ut speciem humilitatis præ se ferant: & is est mos adeundi principis. Nec ibi aliquæ comperies eminentiæ tantæ, qui aliter principem adeat suum, quàm nudo corpore, uerendis tantum corio tectis, humi reptans, ac harena aspersus totus: & ubi ad principem iam deuenere, humi uolutantur, ut sues in cœno: cum iam propius ad passus duos accesserit, sistit gradum, rem suam principi explicans, harenam semper in terga proiciens capite demisso in ingentissimæ subiectionis specimen. Et princeps simulat supplicantem non uidere nisi furtim, nec propterea ab aliorum colloquio téperat. Vbi uero Vassallus desiit exponere res suas, tunc intuitu insolentissimo toruorque uerbis duobus dat responsa, ut nec breuius sit responsum Laconicū, qui solo elemento mentem suam declarabant: ut si annuendum erat, per V, id est uolumus: si cōtrā, per N, id est, nolumus. In hoc igitur superbix fastu uersatur princeps, in tantoque æstimatione & ueneratione apud suos, ut ipsi nos nec deo immortalis maiorem exhibeamus reuerentiam: id efficit timor incredibilis, nepe de nutu principis eorum uita pendet. Nam pro re quaque minima morte plectuntur, & mulieres

ac filii

ac filii uenales exponuntur excandescere principe. Hæc sunt igitur quæ miram obedientiam ostendunt, cum subditi à principe patiuntur, quæ uix hosti col liberent.

Moschea principis, id est, templum idolorum, & mos

sacrificandi & discumbendi.

Cap. XXV.

A DEO MAXIMAM cum principe familiaritatem contraxeram, ut uel Moscheam ingredi mihi fas esset: id est enim idolorum templum, ubi sacra fiunt. Cum igitur aduersperascebat, presbyteros suos Azanegos siue Arabes accercebat: nam hi apud eos uice sacerdotum funguntur, & sacris præstant ceremoniis, ac legem docent Mahumetis. Ingrediuntur itaque in cellam sacratiorem optimates eminentiores, gratia orandi: sic enim orant stantes, & cælum subinde respicientes, terram sæpenumero deosculantur: & princeps sacerdotem imitabatur agentem hæc omnia spatio mediæ horæ. Et ubi desierat orare, percunctabatur me, quæ nam de hoc ritu orandi mea foret sententia, libenterque me disserentem de nostra fide audiebat: dixi ego plura, ut decuit, de celebritate nostræ fidei, cum principem beneuolum haberem auditorem: ostendi enim falsum esse principem & alios omnes qui legem illam obseruabant: addidi nostram sanctionem esse, idque comprobabam innumeris argumentis: nec prius desui concionari quam excanduerint maiores satrapæ, qui indignabantur suam fidem abs me in ordinem redigi. At princeps risu uultum soluebat, adstipulabaturque meis dictis, asserens & ipse nostram fidem non iniuria colendam esse, & nostrum deum eo argumento esse, & magnum & probum, ob idque multiplicia dona nobis elargiretur, diuitias, opes, dexteritatem ingenii, uires, & pleraque alia. Suam tamen apprimè extollebat, subdens eam faciliorem aditum ad salutem eis præstare quam nobis nostrâ. His rationibus nixus, quoniam inquit, Vobis datû est præsentibus bonis frui, erit præsens uita uobis pro paradiso illa æterna. Nos uero qui per uarias uitæ interturbationes uitam trahimus assiduo, scimus nobis haud defuturâ illam æternam felicitatem: quoniam perpeffi laboris, & susceptæ æruminæ præmium nondum sumus consequuti. Validas ad hoc adducebat rationes uir, ut erat ingenii elegantis, nec nostra sibi displicebant, neque difficulter nostram fidem induisset, ni pauisset exui regno. Id enim acceperam à nepote, qui me enixe rogauerat, ut nostram fidem principi exponerem, affirmabaturque rem dignam esse, uerbum dei. Idque perlibenter audiendum fore censebat. Mores igitur huius principis iam retulimus, & præsertim eundem morem in uictu seruat, quem rex Azanegæ, suscipit à suis coniugibus dapes, ut etiam ceteri Nigritæ principes: humi procumbentes epulantur absque nitore & elegantiâ uitæ, perpauci cum rege discumbunt, id solis licet sacerdotibus, aut regulis quibusdam, uel saltem eminentioribus optimatibus. Reliqui ignobiles XII uel X simul discumbunt, & inter epulandum ferè omnes ex eodem catino sumunt, & quidem non immoderate, uerû frequentius, utpote qui ter uel quater interdium epulatur.

Legumina & uinum quæ ex regno Senegæ proueniunt.

Cap. XXVI.

IGITUR regnum Senegæ, ulteriôrque plaga Nigritarum, uinum, triticum, siliginem, hordeum, auenam, haudquaquam fert iniuria candentis syderis, cû præsertim ibi mensibus nouè iugiter non pluat, uidelicet à mense Octobris usque



in mensem Iulii. Id efficit ut iacta semina non germinent ob terræ calorem nimium, producit tamen milium, fabas, & fassolos omne genus, quæ omnia nusquam elegantiora uisuntur. Sunt fassoli instar nucis auellanzæ faberrime facti, diceretis torno aliquo insculptos ac striatos, adeo uariantis naturæ ars in eis ludit, res uisû conspicua. Fabæ uero largiores, & proceriores, rubent colore uiuacissimo, aliæ albicantur, cernuntur uisû conspectiores: mense Iulii seminantur, Septembri leguntur. Cum autem tellus cœlesti rore perfunditur, id est, uberiori pluuiâ, tum terram mirum in modum colunt, non amplius quàm trimestri spatio seminant, & legunt satis ignaui sunt cultores, & uix tantum seminant, quantum ad uictum sit sufficiens, nec in horreis congregant triticum uel alia. Is itaq; mos colendi agri seruatur, instrumenta quædam rustica habet, quæ bipaliis non sunt absimilia, eis terram egerunt ritu contrario, quàm nos consueuerimus: nam cum ligonizant terram, ante proiciunt, non ut nos, qui terram egestam semper ad nos trahimus, adeo ut pedum plantas ligonizando cooperiamus terra, nec altius quàm tres aut quatuor digitos agunt bipalia uel graues uomeres: aliter ipsi non arant. Verum quia terra est feracissima, suapte natura quamplurima producit, horum potus præbet succus palmæ, lac & latices: nec ea est palma quæ fert cariotas. Alia est arbor, quæ ibi minime frequens est: & hæ arbores anno continuo succos emittunt instar lachrymarum: succos appellatur mignol: & ut uberiores habeant succi prouentum, arbores fauciant: & statim profilit succus, qui excipitur uase aliquo, ut thura leguntur, huic liquori colos est subcinericius: & serui lactis præsentat, nec maior est prouentus quàm binæ uel ternæ mensuræ die noctûque: huius est incredibilis suauitas, & ut uinum inebriat, ni aqua immixta fuerit: qui prima die prouenit ex fauciata arbore, is est dulcior, & omni uino uel perquam dulci præstat, & indies suauitatem amittit, fitque acidum & acre, tamen tertio aut quarto die magis homini conducit: id sum ego expertus pluries, & non minus, quàm uino aliquo eleganti hoc succo oblectabar. mignolum appellant, neque eo uti possunt omnes abunde, hoc est, ad uoluptatem, licet ad hilaritatem plurimi, & in primis illustriores: non habent harum arborum uineas, sed sparsas & uagas, ut fere cuique pateant, qui liquorem huiusmodi elicere uulnerata arbore uoluerit.

Varii fructus, & miræ naturæ oleum.

Cap. XXVII.

FRUCTVS habent multiplices, nec nostris absimiles, suaues sunt licet syluestres, qui si ut apud nos colerentur, essent profecto multo meliores: regio est patens, & aprica ad omnia producenda prope apta, pascua ibi quamplurima, & arbores eminentissimæ, nobis tamen incognitæ: lacus ibi quamplurimi, qui aquam potu non insuauem propinant, neque nimium uaste expanduntur, uerum profundissimi: & ibi pisces innumeri, licet nostris absimiles: inque his serpentes degunt, incolæ calcitrices uocant. Fert etiam hæc regio miræ naturæ oleum, quod pollet triplici uirtute, odorem uidelicet uiolaceum habet, saporem uero oliuæ: & si adhibitus fuerit dapibus, eas ut crocus inficit: quanuis ipsum crocum superet uberiori colore. Sunt & ibi arbores quædam quæ fassolos producant rubentes cum macula nigricante, quæ est illis pro insigni, & à nostris oculis dicitur, alii hilum appellant. producit igitur quàm plures, sed paruos admodum.

Angues immanes, qui deuorant capras, & anguium fascinatores.

Cap. XXVIII.

**I N V E N I V N T V R** ibi multiplices animalium species, præsertim serpentum ferè omnium generum, uenenosi alii, alii innoxii sunt, duorum pedum mensuram excedunt. alas nec pedes habent ut serpentes, alioquin immensi, & tantæ quidem uastitatis, ut integras capras hauriant, nec lancinent, solide deuorantur: ferunt incolæ serpentes huiusmodi congregari statis anni diebus, & migrare in loca quadam ubi fornicarum est uis magna, quibus est colos albicans quæ suapte natura humiles quasdam casus instar specus exstruunt: nam ore terram portant, & ferruminant absque calce, dices clibanos aliquos uel ruscua in ordine disposita. Nam ex huiusmodi casis uidebis C & CL. continenter sub ordinatas, ut alteram sequatur altera miro naturæ ordine. Sunt etiam hi Nigritæ fascinatores, id est incantatores eximii, fascinant præsertim serpentes. Huius rei me certiorem reddidit adolescens quidam, qui anno superiore agens apud nepotem principis de Budomel, & cum hospitio receptus dormiret, audiuit innumeras serpentum sibilationes, quibus expectatus dum attentiore animo euentum rei expectat, intelligit nepotem principis euigilauisse & domum egredi uelle: percontatus est propterea adolescens nepotem principis quò nam nocte intempesta concederet: cui nepos (iam inelamauerat seruos à pedibus ut sternerent came lum) Sum inquit profecturus non longe, mox rediturus. Iuit igitur nepos & fascino compescuit serpentes, ilicòq; rediens rursus alloquitur hospitem Ligurem, Audiui sine, inquit, circiter noctem mediam exhibilantes serpentes? At Ligur, Audiui quidem. Subiecit itaque principis nepos dictus Bisboror: Erant inquit serpentes, quibus hæc plaga scatet, obsederant enim dñm gregem deuastaturi: ni ego occurrissem malo tanto incantatione, qua utimur frequentius. Ligur uero his auditis, dixit se mirari plurimum, & rem hanc Christianis prope incredibilem fore: tum nepos ad Ligurem, Non est, inquit, cur mireris ob hæc minima: nam princeps noster multo maiora efficit incantatione cum libet. Cum enim inquit, cupit præsentaneum uenenum habere quod ilico mortem afferat, inficit ibi arma ueneno, designato in terra circulo, & fascinatione serpentes eò concedere compellit. Quò cum uenerint, speculatur uenenosiores quem interficiat, ueneni colligendi gratia, reliquos uero missos facit. Occiso itaque serpente, eius sanguinem cum semine arboris cuiusdam miscet, & ea mixtura arma illinit, quæ sic illita ubi fauciauerint condito mortè afferunt, licet paruum uulnus existat, modo sanguinis nihil non elicerit. Subdidit etiam Ligur nepotem prædictum hortatum cum fuisse, ut rei uideret exemplum. Verum Ligur parum huius rei curiosus reuocit experiri rem huiusmodi. Omnium igitur consensu Nigritæ sunt incantatores eximii. Sunt tamen etiam apud nos huius facti haud expertes, imò sagaces, contra serpentes præsertim.

Cap. XXIX,

**I N R E G N O** Senegæ Nigritarum boues solum, & bucculæ uiuantur inter animalia domestica: nam capras & pecora ibi non uidebis ob ardorem torrentis syderis. At boues tam mares quàm femina nostris multo sunt minores, uixq; ibi uaccam rubentem comperies, aut albæ aut nigræ omnes sunt, uel utroq;



colore distinctæ. Ex rapacibus leones, & pardi frequentiores, nec non lupi, capreoli, ac lepores prope innumeri. Sunt etiam in eamet regione elephantum syluestres quamplurimi, nō domantur ut alibi, & ferè gentium ubique efferantur, propterea & gregatim incedunt, ut in nostris nemoribus apri, cicures uix reperiuntur ibi. Hi igitur duos eminentiores dentes habent hinc & hinc, instar aprorum, uerum ritu contrario: quandoquidem alteri scilicet apro in superiora retorti sunt dentes: alteri scilicet elephantum dimittuntur in terram: nec (uel senecta) huic sunt decidui, uitam concomitantur: hominem nisi læsus non lædit: & ubi lædit, manu hominem comprehensum iacit in sublime ultra arcus iactum: ea dicitur manus elephantum, quam alii promuscidem appellant, eam emittit & retrahit, pro suo arbitratu nullusque inuenitur tantæ pernicitatis, quæ suo incessu non comprehendat, licet gradatim solum ambulet effectus, magis fruiunt dum pauent, ne catulis uis inferatur, & quatuor ad summum pariunt uno partu: matribus uix est cura sobolis, arborum foliis uiuunt, & fructibus: nā promuscide arborem deuastant, adeo ut si stipitem manu complexi fuerint, quantumcunque magnum ab arbore dispartiant: manum habent in inferiore maxilla, quam exerunt & retrahunt pro libitu, hac cibum capiunt, & hauriunt potum omnem, & ori administrant suo, os habent in pectore, frequentia incolunt nemora, ac luto plurimum ut apri oblectantur. Sunt & alia ingentia animalia, uerum syluestria.

De Psitacis & aliis auibus.

Cap. xxx.

AVITIORVM sunt complura genera, & in primis Psitacis scatet regio: nam hos odere plurimum Nigritæ, quoniam totam plagam ferè circumuolitantes, fruges & præsertim legumina deuastant: multiuigi sunt, uerum è paruis & grandioribus, complures ego attuli: distinguuntur colore triplici subcinericio, uiridi ac ueneto, quod adhuc ferè inuolucres ex nido subripui, sed mox periere. Adultos igitur centū quinquaginta in Hispaniam detuli, eos singulos singulo aureo nummo uendidi. His itaq; mirum est ingeniū, & solertia nidificandi: nam excelssimā quærunt arborem, quæ furculos habeat subtiles ac tenues, cuiusuis ponderis ferè impatientes, horum cacumini adligant dependentem furculum, cui nidum mira industria fabricatum suspendunt, instar pilæ rotundum, relicto solum foramine admodum angusto, quod ostii uicem suppleat: aiunt id efficere alitè, ut serpentum fallat astutias. Nam nidum pensilem petere nequeunt, quippe qui furculo tam tenui nusquam seipsum crederet, mole grauati corporea. Igitur his artibus tuta est à serpente auis, licet parua. Ibi etiam sunt gallinæ quædam, quas appellant Pharaonis, ex oriente deferuntur, his regio ubertim abundat. Sunt & anseres non ut nostræ, sed colore & pennis multiuigis uariatæ.

De emporio, & qui eò confluant.

Cap. xxxi

QVONIAM obigit illic moram trahere diuturniorem, decreui eo-

rum emporium, siue nundinas quasdam uisere: nam die lunæ & ueneris in pratis quibusdam conueniunt à quatuor uel quinque miliaribus circumstantis regionis: qui enim magis distant, alia emporia & nundinas adeunt. In his igitur nundinis compertum habui quàm indigi sint rerum multarum, quàm profunda egestate laborent, id declarabant eorum uiles merces, hæ enim erant cottoni elaborati mulierum pensis, nec eorum ingens copia, panni ex cottonis. Insuper legumina, oleum, milium, & pelues ligneæ, storias, tegetes appellant, palmarum foliis complicatas, & alia complura usus illorum non inepta, hæc mulieres uendunt: at uiri arma, & auri non nihil, permutant omnia, pro re altera, rem alteram consequuntur, quandoque pro binis ternas, aut pro ternis binas: pecuniâ signatam non norunt, nec nummos omnè genus regio cudit. Hi igitur Nigritæ in promiscuum ibant ad me stupidi, & admodum admirâtes effigiem Christiani, & in primis albicantem colorem, necnon habitum, & corporis formam ac habitudinem insolitam: habitus is erat diplois ex serico nigro, damascum appellamus, chlamys item ex panno coloris cyanei, identidem pannû ex lana contuebantur, & diploidem loco miraculi cuiusdam: nonnulli albedinis periculum faciebant, arbitrati non esse colorem naturalem, sed factitium. Igitur ut certiores huius rei fierent, sputo illitas manus admovebant brachiis & manibus meis, ut experirentur utrum colos foret à natura, uel ab arte. Vbi uero uidebât sputû nihil de albedine ademisse, sed albicantes carnes fore, rursus admirabantur. Ad has itaque nundinas ut multa experirer, utque scirem an aurum illic foret uena le concesseram: uerum ut præfeci, auri parum illic sum nactus promercale.

De equis ibi uenalibus, & pabulo, & eorum incantatoribus.

Cap. XXXII.

**I L L I C** igitur equos magni pendunt, quandoquidem difficulter eò ducuntur, nec nisi à nostris Barbaris per Azanegos & Arabas illò ducuntur. Illorum propterea ingens pretium est, nec facillime ibi aluntur ob aridam tellurem: nam torrida est plaga, quæ pabula non producit, facitque æstus nimius, ut equorum inguina intumescant, ut uix meire possint. Crepant propterea stragula huiusmodi labefactati: pro sceno utuntur faxiolorû laceramentis, sole fixatis, id uicem sceni supplet: nam ubi legerint faxiolas, secant eorum caules, & sole exiccant: loco auenæ succedit milium, quo mirum in modum pinguescunt: pro equo instrato phaleris, & reliquo ornatu dant mancipia nouem, ad summum quatuordecim, prout equi, & forma elegans, & agilitas persuaaserit dandû. Cum autè emerint equos, mox accersunt fascinatores equorû, huncq; ritum seruant: rogum accendunt sarmentis, & herbis quibusdam suapte natura fumum exhalantibus, & equo per lorum apprehenso, sistunt ipsum supra fumantem rogum, uerbis nonnullis prolatis, unguento tenuissimo equum illinunt, & in domum adducunt, ubi ad xv uel xx dies delitescit, à nemineque uidetur. Interea etiam appendunt collo equorum effascinationes quasdam corio rubeo inuolutas, & hæc agunt affirmantes strenuiore tuioreque bello futuros equos.

c. ii.



De fœminis &amp; earum mira alacritate.

Cap. XXXIII.

HUIVS itaque regionis mulieres hilares sunt supra quàm referre possum, gestiunt, exiliunt, saliant, & perlibenter chorizant, & in primis adolescentulæ noctu solû dum luna est pernox, in suis tripudiis: differunt à nobis quâplurimum. Res nostras admirantur ferè portentis loco, ut sunt balistæ & tormenta omne genus. Nam cum uisum uenissent classẽ, iussi in uacuum exonerari tormenta, ut edito reboatu terrorem parerent his populis. Territi igitur tormenti inaudito, atrocique bombo, credidere dæmonum opus, non mortalium artem adiicientes uno ictu posse huiusmodi tormenta supra centû homines prosternere, tibias etiam admirabantur: & cum uidissent exornatas, ut fit, instar animalis alicuius credidere uiuum animal uarias emittens uoces, non instrumentas: quod ubi intellexi ne hac opinione ducti diutius fallerentur: dedi tibias illis contræctandas, tunc cognouere artem esse, non animal neq; phantasma, adeoq; eis oblectabantur, ut dicerent rem coelestem fore ab ipso deo fabricatam, tanta concinitate ac melodîa allecti, & in primis uocum uarietates admirati, remq; nullam uidisse pulchriorem prædicabât. Nauim etiam per singula membra & minores partes scrutabantur, ut malum, anchoras, uela, remiges, & id genus alia dicebantq; oculatam nauim esse, quoniam in fronte uidentur sculpta lumina, quod solum fit causa ornatus: ut fit quandoque in carpentis & curribus. Propterea asseuerabant nos fore eximios incâtatores, nec dæmonibus abfimiles, utpote qui sulcabamus mariâ gradu citatissimo instar phantasmatis, & itinera quâplurima in mari metiebamur, ipsi uero uix de loco ad locû terrestri itinere ire nouerant, & id præsertim admirabantur, nos uidelicet in tantum à continente recedere aliquando, ut per complusculos dies terra nusquam appareat, & tamẽ non ignorabam us ubi gentium essemus, & quonâ tenderemus: quod esse non potest iniquiuit citra magicam artem: quod profecto haud dicerent, si nauigandi callerent artes. Non minori etiam admiratione afficiebantur, uisis candelis accensis, quippe qui nulla alia luminaria unquam uiderant præter quàm ignẽ. Vbi igitur uidere ardere candelas, dixerunt rem esse pulcherrimam. In eadem regione mellis est plurimum, nam id è fauo mellis ore sugunt, ceramque abiiciunt emi propterea ego fauû mellis, & more nostro à cera melle disgregans, percunctatus sum de cera eos quid sentirêt: qui aiebant se eam nihil pendere, uti rem inutilem. Confeci itaque ex cera huiusmodi candelas, ipsis cernentibus, & iussi eas accendi, quo factò, magis ac magis admirabantur, profitentes nos ferè nihil nescire.

Quomodo Antonietus, & Aloysius in mare conuenere non longe à Capite uiridi.

Cap. XXXIIII.

IN HAC regione instrumenta musicalia habent ferè nulla, præter duo & ea melodîæ & concentus propè nullius: uidi instrumentum quoddam, sembugam appellant, quod fidibus binis tantum pulsatur, & nulla inde concinitas, digitis pulsant: res rudis, & propè momenti nullius. Ut igitur præfeci, oportuit me illic per dies aliquot diuersari causa explorandæ mercis, ut si forte fortuna aliquid occurrisset, quod conduceret commercio: & id eo libètiùs ferebam,

bam ut res nouas uiderem, quas referrem aliquando. Cum itaque decreuisssem à continente soluere, & in altum facere uela desiderio uidendi adhuc maiora: cum præsertim à principe infante certior factus fueram, non longe à regno Senegæ esse regnum quoddam, cui nomen est Gambraë, & prout referebant Nigritæ principi infanti. Id regnum auri est feracissimum, adeo ut si eò contenderent Christiani, inde consequerentur diuitias innumeras. His igitur allectus cum ut aurum consequeretur, tum etiam ut orbis partes incompertas mihi antea uisere: expeditus à principe ad nauim redeo meâ, parâs uela facere uentis, ut in pelagus altius eueherer, relicurus latus quo appulerant celoces. Dum itaq; hæc meditamur, repente naues apparuere in falo fluctuantes, nam uicissim altera uiderat alteram, nec ignorabamus eos esse Christianos. Congressi igitur mutuo conspectu frui affectantes colloquuti sumus: moxque patuit alterâ nauim fore Antonieti cuiusdam Liguris, qui maria fulcare probe nouerat: alteram uero aulicorum quorundam principis infantis. Hi igitur uiri conuenerant fide data, ut Caput uiride superarent desiderio uidendâ nouæ regionis. Inui itaque cum eis amicitiam, & fœdus ingens, ut simul maria fulcantes nouas regiones adiremus. Vnâ igitur soluimus, uela dantes uersus dictum Caput uiride Austro duce, à latere semper ut præ oculis continentem haberemus usquequaque. Sequenti itaq; die uentis prosperis Caput prædictum cœpit nobis apparere: nam distat à regno principis Budomel unde solueramus miliaria ferè quadraginta.

De Capite uiridi, & eius denominatione, & moribus gentium.

Cap. xxxv.

**ID I G I T V R** promontorium Caput uiride idcirco appellatur, quia constitum est arboribus densissimis, eisdemque uiridibus ac uirentibus anno fere continuo. Huius notitiam habuere primo Lusitani superiori anno meæ nauigationis: appellarunt itaque hoc promontorium Caput uiride ab arboribus, uti ab harena Caput album denominatur. Hoc itaque Caput uiride eminens est admodum, & uisu pulcherrimum: inter duos montes medius exit. Tandem in mare prominens uaste, uariisque rusculis Nigritarum, & mapaliis septum undequaque ab ea parte præsertim, quæ respicit Oceanum. Sunt tamen hi Nigritæ ex regno Senegæ. Ultra Caput prædictum uisuntur tres paruæ insulæ non longe à continente, sed prorsus desertæ ab hominibus: uerum scatent arboribus instar Capitis uiridis. Cum uero aquæ penuria non mediocri laboraremus, iecimus ancoras, ut aquæ nonnihil inde hauriremus. Insulæ illi quæ uisa erat uberior, adhæsimus. Appulsi igitur huic grandiori insulæ fontem quempiam quærebamus, nullumque nacti sumus præter quandam scaturiginem, que uix poterat nobis auxiliari sitientibus. In eadem igitur insula inuenimus nidos complures, & oua alitum diuersarum, quæ nobis haud erant incognita. Ibi stetimus per totam diem, piscatique sumus uaria piscium genera sagenis alios, alios hamis quibusdam cepimus, in primis dentales, & ostreas ueteres pöderis librarum XII uel XV, pro unoquoque piscium. Mense Iunii postero die illinc soluentes, ad nauigauimus littora haud prope deferentes. Id est etiam sciendum quod mox post Caput uiride littora se sinuant, & in ipso recessu fit sinus pulcherrimus: terra est plana & referta arboribus innumeris, quibus non prius decidunt folia,



quàm alia subnascentur, uirent semper, & licet distent à mari iactu arcus, uidentur tamen à longe ipsa contingere maria. Res profecto est uisu conspicua, & ut fatear ingenue, ego quidem uarias orbis partes peragraui cum ad ortum, tum etiam ad occasum solis, uerum nusquam amœniorem uidi, ea complusculis irrigatur fluuiis, quorum quoniam sunt nauium impatientes, non meminimus. Vltra sinû degunt bini populi, alii Barbazini, Serreti alii dicuntur: hi quidem sunt Nigritæ, uerum regi Senegæ non parent: regem non habent nec principem, licet uni magis quàm alteri honorem maiorem exhibeant. Principem non eligunt qui uitæ ac necis potestatem habeat, cum in se tum etiam in natos: nam morem Nigritarum principum aspernantur, qui ubi libuerit pro mancipiis, & uxores, & natos subditorum uendunt: fitque ut eorum uita semper sit in ancipiti, interque spem & metum suspensa. Idola colunt quàm qui maxime, legem habent nullam: uiri sunt truculentissimi, arcu utuntur ac uenenatis sagittis, perinde ut fauciati ilico pereant, modo sanguis uel mediocris exeat. Hi sunt nigerrimi, ac staturæ habilissimæ: regio frequens est nemoribus, quæ lignis sunt referta plurimû: irrigua est fluminibus quàm plurimis, ideo ferè inaccessa, nec patet adeuntibus aditus nisi per nonnullos angiportus ex circumadiacentibus, timent propterea neminem. Id sunt experti aliquando Nigritarum reges, qui cum bellum eis intulissent, sunt pessime accepti ab his populis. Discurrunt igitur latus prædictum. Austro flante peruenimus ad ostium fluminis, quod Rium appellant Barbazinorû, latitudo fluminis ostii est iactus arcus, huius nominis memini ego in charta nauigationis, quam edidi nuperrime. Abest hoc flumen à Capite uiridi miliaria ferè LX. interdiu solum nauigabamus, occidente sole iactis anchoris ad passus X, uel XII, aquæ longe à continente miliaria IIII uel V. Cum uero illucescebat, uela faciebamus in altum, positis prius speculis in suggesta celocis, qui eminus specularètur scopulos maritimos, ubi uidissent mare luctari & fremere cum scopulis occurrentibus, mox renuntiarent uelificantibus. Dum igitur ad nauigamus, ad ostium alterius fluminis deuenimus: id erat Rii Senegæ magnitudine haud impar. Viso ergo flumine tam præclaro, decreuimus quempiam è nostris mancipiis emitte, qui terram exploraret: terra erat aprica, & omni arborum uarietate exornata, adeo ut nos summo opere eò inuitaret. Adduxeramus enim nobiscum è Lusitania mancipia complura, quæ Turcimanos appellamus. Hi sunt Nigritæ, quos rex Senegæ Portugalensibus siue Lusitanis (qui eò proficiscuntur commercii causa) uendit. Hi igitur Turcimani siue mancipia (Sclauos uulgo appellant) Christi fidem in Lusitania susceperunt, & Hispanum idioma callent: nam \* nos mutuati eramus à dominis ea lege, ut pro huiusmodi seruitute, quam nobis exhibituri erant Turcimani cum rediissemus, seligerent ipsi quemcunque libuisset ex omni mancipiorum coetu, Turcimani uero libertatem perpetuam consequerentur. Iactæ igitur sunt sortes, ad quem spectaret suum Turcimanum emitte in litus. Cecidit fors super Ligurem, qui conducto cymbam expediuit, qua discedens à classe in littore mancipiû exponeret lege data, ut caueret ne continentem appelleret ultra quàm foret necesse: satis ac super erat, si mancipium in sicco poneret, & mox in altum nauim duceret, ne incautus à Barbaris deprehenderetur. Instituunt igitur mancipiû, ut cum terram attigerit, quærat quæ gens, qui princeps,

qui princeps, qui mores sint regionis. Sciscitaretur etiam an ibi copia auri foret, uel alia quæ commercii conducere. Vbi itaque mancipium terræ tenuit, actum adfuerit Nigritæ eius regionis, qui eminus speculati fuerant aduentantē clāsem. Idcirco uenerant ad littus sagittis & arcubus onusti, delitescētes in frutetis & uepribus, ut quempiam ē Christianis improuidum corripere. Viso igitur mancipio, propius accedunt, colloquunturque nonnihil, & mox exertis ensibus & machæris, plagis innumeris mancipium confecerūt: cui prius proxima nauis auxiliari nequiuit, quā uitam exhalaret. Quod ut compertum habuimus, stupidi rem ægre tulimus, intelligentes gentem sæuam & atrocem esse, quandoquidem in sui consimilem Nigritam tam truculenter sæuierant, sciētes haud dubie sæuituros in nos magis, si potestatem in nos haberent. Relicto igitur littore, huiusmodi ceptum iter persequēbamur, ducti Austro, in conspectu continentem usqueaque habentes. Littoralis regio amēnissima erat, arboribus innumeris fulta, & folis patentis, nec inæqualis. Et tandem peruenimus ad ostium fluminis Gambær, quod patebat latitudine trium uel quatuor miliarium, ubi magis in arctum exibat. Ingressi igitur flumen ostii tam patentis, duximus ibi posse nonnihil quiescere, ut mox postridie certiores fieremus, ubi nā gentiū essemus, & an illic esset Gambær regnum, cuius desiderio flagrabamus mirabilem in modum.

De flumine magno nauigato ab almadiis.

Cap. XXXVI.

APPVLSI igitur ostio Magni fluminis, quod in primo ingressu præ se ferebat latitudinem sex uel octo miliarium. Censuimus propterea hoc præclarū flumen fore regni Gambær, cuius desiderio afficiebamur plurimum: nobis etiā non difficulter persuadebamus, illic auri plurimū esse, aut forte aromata quæpiam, uel alia quæcunque mercimonia, quibus locupletati domum alacres rediremus aliquando. Luce itaque sequenti uentis prosperis minorem celocem præcedere iussimus, uiris & armamentis fultam, cum eaque ē nostris cymbis unam has paruas naues ex composito præmisimus, quippe qui adhuc ignorabamus altitudinem fluminis, uerebamur propterea ne tantarum nauium foret impatiēs. Expeditis itaque his nauibus, nautas commonefecimus, ut aquæ altitudinē contis explorarent identidem, & ubi cognoscerent eam satis fore nostræ classis, gradū referentes signo aliquo nos certiores facerent. Iuere nostri & cum aquæ multum reperissent, nos monuere. Quibus cognitis, uisum est aliam expedire nauim aliquanto maiorem, armis probe communitam, & illam Antonini licet multo minorem, lege præscripta, ut si forte fortuna occurrissent illi Nigritarū almadiæ (id est nauis genus) rem ipsi non discernere, neque congregarentur, sed statim gradum reuocarent, iter ad nos dirigentes: quandoquidem eō nos concesseramus non belli sed lucris gratia, quærebamurque ut omnia pace & concordia fierent, quod non ui sed ingenio nos consequi posse sperabamus. Euecti itaque in interiorē fluminis partem, nostri subinde uada & fluminis profunditatē contis tentant, inueniuntque in horas altiores aquas, & ingētium nauium capaces, & altitudine mensuram passuum XVI excedere: prouecti ultra ad miliaria duo, uident fluminis littora conserta arboribus pulcherrimis hinc & hinc, animaduertuntque flumen immensis orbibus & recessibus implicari, ut Mæandrus ali-



quis. Deceuimus propterea gradum referre, & dum hæc meditamur, ecce à tergo ab ostio cuiusdam parui fluminis quod exonerabat in magnum, mox emergunt tres almadiæ, nos lembos appellamus, fiunt ex cauata arbore, nec maiores cymbis nostris, quas trahunt naues, sunt agiles nimium, uerum parui ponderis capaces. Quæ ubi liburnicas nostras & celoces conspexere, credere nos eò contendere, ut uim inferremus aliquam: nam edocti eramus illorum consuetudinē fore, ut arcubus uterentur, & sagittis ueneno infectis fere per totam plagam regni Gambrae. Et licet nostri satis ac super eos eminus propulsare quiuissent, ut tamen dicto parerent nostro, uisis almadiis concito gradu ad nos redeunt: non tamen facere potuerunt etiam effusa fuga, quin semper ad iactum arcus post terga Nigritas haberent. Mirum est quàm pernices sint hi ueti hoc nauium genere. Cum autem nostri consecuti classē fuissent, ingressi celoces innuebant Nigritis ut propius accederent. Illi uero gradum sistentes nusquam propius accessere. Erant uero in his almadiis homines XXV, uel ad summum XXX. Nos admirabantur plurimum, ut rem sibi & ipsorum prædecessoribus hætenus inuisam incognitamque, naues uidelicet id genus, ut sunt nostræ, & homines albos. Pleni itaque admiratione non loquebantur, licet à nobis ad colloquia mutua inuitarentur signis, ut assolet quibusdam. Abiere igitur, & ea die nihil ultra tenuimus.

Quomodo Nigritæ nostros sunt adorti in flumine.

Cap. XXXVII.

MANE itaque sequenti nos cum paruis nauigiis soluimus illinc circiter diei horam tertiam uentis prosperis, ut nostros adiremus socios, ut sic demum tutius interiora fluminis peragrarē possemus, & tandem aliquando deorum munere mitius hominum genus quàm id erat quod nuperrime uideramus in almadiis, nancisceremur. Igitur cum sociorum classē inuenissemus, unā omnes uela dentes uersus prædictum flumen iter direximus, præmissa parua celoce, sequentibus nobis continenter, ut altera ex ordine post alteram iret. Et cum iam ingressi essemus ferè ad quatuor miliaria, ilico à tergo almadiæ quædam (unde uenerint adhuc incompertum habeo) ad nos citatissimo gradu contendebant. Quibus uisis, mox in eos uela fecimus, ueriti ne nos suis uenenatis sagittis impeterent: non enim ignorabamus eorum sagittandi mores. Classe igitur reuocata in orbem, quàm citius potuimus nostros armauimus, ante omnia præcautes, ne nos incautos & inermes hostis inueniret: uix tamen nobis erant arma ad hostem propulsandum. Diuisa itaque in duas partes classē, quasdam Nigritarum naues circundedimus, percensuimusque eorum cymbas, quæ XVII erant, maiores nostris nauigiis, quæ nostra ferunt flumina, easque impellunt remigiis innumeris. Sublato itaque remige, quisque illorum nos admirabatur, utpote rem nouam & incognitam. Percensiti tunc à nobis, plures non apparuerunt quàm centum & quinquaginta uiri: profecto si ad corpus spectes conspicui, nigerrimi quidem, uerum habitu albo induti non indecoro. Habitus is erat tuni-  
cis quibusdam, camisias appellamus: ex cotonina alba induebantur: in capite paruum habebant pileum, ut mos est Germanis: id plus habent quàm Alemanni, uidelicet in pileo ex utraq; parte nescio quid alas præsentens duas: in medio pen-  
na emi-

na eminebat, ut est uidere apud nostros milites, qui talibus plurimum gaudent: utcunque fuerit nos iudicabamus hunc habitum militiæ conuenire: eratque in fronte cuiusvis almadix Maurus quidam stans, clypeum teretem in brachio habentis clypeus uidebatur ex corio confectus: & neuter bellum infererebat, sed alter alterum admirabatur. Vbi itaque uidere à tergo uigere alios, qui clandestine aduenere, mox demissis remigiis expediunt arcus, nihilque promentes in nostros sagittas dirigunt: quibus conspectis, nostri tormenta exonerant: uerum aquis immer si lapides iacti, neminem occiderunt. Perterrefacti tamen tormentorum reboatu & strepitu insueto, steterè pauidi admodum. Cum uero cognouere neminè læsum his tormentis, uerum eorum iactus emori in aqua, rursus reassumptis animis magis ac magis in nos sæuiunt, aerem sagittis obtenebrantes celeritate incredibili. Et ià propius accedebant, audaciores solito: at nostri balistis eos propulabant, & catapulis plagisque onerant innumeris. Primus igitur qui iecit in eos is fuit Liguris filius nothus, qui Nigritæ unius pectus transfixit, moriq; ilico coegit. Susceptus is itaque à suis, extractæque sagitta admirationè peperit id teli genus Nigritis omnibus: nec ob id tamen temperabant à sagittis suis, siebântque in horas atrociores: contrà nostri eos male accipiebant, perinde ut paruo temporis momento è Nigritis plures ceciderint, ex Christianis uero, quæ deorum gratia fuit, nec unus periit. Profligatis tot Nigritis, qui ob cladem acceptam indignati plurimum, celocem minorem circumuenire satagebant uno impetu omnes, quod ut animaduertimus, mox in mediũ recepimus celocem prædictâ, & rursus exonertis tormentis (bombardas uulgo appellant) stragem intulimus maximam. His uisus Nigritæ iam ferè fauci omnes in diuersa abeunt, nos uero catenis iniectis id curabamus, ne naues in uarias partes dilapsæ, uirium minus haberêt, unâ omnes ferebamur connectis nauibus & uentis prosperis, ultrâque progrediebamur cudentibus iam Nigritis, id in primis obseruantes, ut cum Nigritis mutuo colloquio frui possemus aliquando.

Decretum factum in flumine Gambre.

Cap. XXXVIII.

IGITUR ADEO mancipia nostra Nigritas inclamarunt, ut eorum fessi clamore Nigritæ, tandem aliquando permiserint unam ex almadis suis propius accedere, ut puta ad iactum arcus. Percunctati sunt itaque eos nostra mancipia, cur in nos tam atrociter sæuirent, cum præsertim non alia de causa illuc concessissemus, quàm commercii & pacis, concordiaque, prout melius declarabat cum reliquis Nigritis regni Senegæ contubernium, & frequentior necessitudo. Ad hæc etiam nostri adiciebant, uenisse è partibus orbis remotioribus, ut munere perpulchro suum regem nomine regis Lusitanorum donarent, quandoquidem is enixe peroptabat ab eorum rege arcte diligî & amari. Rogabant præterea ut dicerent, ubinam gentium rex per id tempus ageret, & quis princeps huic regioni dominaretur, quodque huic flumini nomè inditum foret. Addebant etiam ut ad nos tuto & pacifice accederent, accepturi è rebus nostris quicquid libuisset, & è suis darent pro suo arbitratu, modo omnia pace, & citra bellum contumeliâque fierent. In hæc ferè sententiâ



nobis responsum est, non quidem eos latere, quæ gens foret Christiana natio, & unde ueniret, scireque quid egerint iam pridem cum rege Senegæ, & aliis Nigritis suæ ditionis, qui quoniam nobiscum degunt boni esse non possunt: quippe qui non ignorant Christianos uesti humana carne, nec alia de causa emere Nigritarum mancipia, nisi ut mandant & lancinent ut ferinas carnes: propterea apud eos iuratissime asseuerabant, nullum Christianis amicitia locum superesse, sed cordi eis hæsisse, omnia sua quæ classe attulerant, diripere & deprædari, regique suo dono dare, seque trucidare atrocissime, regē abesse illinc iunere triū dierum, regnum esse Gambra quod quærebant, flumen magnum esse, nomen quidem non reticuit, uerum ego non memini. Hoc igitur accepto responso, ut par erat, indignati in eos uela fecimus, qui effuse fugientes, mediterranea petiere. Hunc finem habuit congressus noster. His peractis explorato omnium uoto contendebamus rursus interiora fluminis penetrare, uel ad miliaria circiter centum, quæ res, ut patuit omnibus, permouit multos, quos proprii laris cura sollicitabat nimium, nec sunt passi nos ultra progredi, affirmantes satis ac super egisse, dum in has partes à sua urbe remotissimas sospites deuenissent, addentes nolle de cetero laceßere fortunam, & discordia ingenti concio soluta est. Nos autem qui callebamus horum consuetudinem, scientes quàm duræ ceruicis forent, quantumue profilirent ubi non exaudirentur, conducibilis fore duximus, si eis pro tempore cederemus. Sequenti igitur die illinc soluimus, uersus caput uiride iter facientes, ut deorum auxilio in Hispaniam rediremus aliquando.

## CAPVT

XXXIX.

P E R I D tempus quo in ostio fluminis moram traximus, semel tantum septentrionem uidimus, qui adeo demittebatur, ut crederetur mare ferè contingere, ab aquisque non plus uidebatur abesse, quàm lanceæ tertia parte, & ibi sydera sex conspicati sumus, quæ magna erant, & mirū in modum splendebant, ea mentiti sumus pyxide, & infra scriptam figuram præsentabant.



Censuimus propterea huiusmodi astra plaustrum austrinum efficere, licet priorem stellam in ordine minime uidere potuerimus, quoniam haud quadrat rationi ut eam prius uideamus quàm septentrionem perdiderimus, id est, ab nostris oculis euauerit. Inibi etiam comperimus noctem horarum tredecim, diem uero undecim, ingrediente mense Iulii, quo regio illa eximie flagrat, habet tamen uarias temporum uices, hyemem & ipsi appellant, quoniam ab dicto mense usque in mensem Octobris terra irrigatur imbre & pluuia ferè continua, & præsertim in meridie exurgit quædam nebula, quæ celum inumbrat, nec supra terram multum tollitur in Subsolanum & Apeliotem. A Subsolano uero ad Vulturum transit fulgoribus eximiis, & tunc imbre tellus madefacta semini præparatur. Vti agunt Nigritæ in regno Senegæ: Viuunt milio, leguminibus, carnibus & lacte. Accepi etiā introrsus non pluere, nisi ferè feruentem aquam, & ibi cum diescit non uisitur aurora ante emersum solis, ut usu euenit apud nos, quoniam semper inter auroram & solis ortum nonnihil temporis intercedit,

cedit: imò quamprimum nox abscellit, ilico sol emergit absque alio medio. Verum licet sol uideatur, non tamen illuminat ad spatium mediæ horæ: uidetur enim pati deliquium in ortu: propterea obumbratur aliquantisper. Causam uero, cur sol ibi citius uideatur quàm alibi gentium, nullam aliam afferit, nisi quia regio patentis est soli & depressi uacatque montibus, qui forte alibi obstant, ne sol oriens mox cernatur. Huic sententiæ astipulantur locii qui aderant omnes.

Quomodo Antonietus Ligur, & Aloysius Cadamustus in secunda  
nauigatione nouas inuenere insulas. Cap. XLII.

MORE S igitur & qualitatem huius regni Gambraë, quantum ego colligere potui in meo itinere, uix referre possumus: quoniam, ut præfecimus, incolarum sæuitia, & eorum in primis qui littoralia incolunt, consequi nequiuimus uotum nostrum: nam gens suapte natura ferox, colloqui cum mitioribus noluit, nec commercia tractare quæpiam. Igitur noueritis nos cognita huius gentis feritate haudquaquam ultra progressos fuisse, nautis reluctantibus, sed in Hispaniâ, flumine illo Gambraë non suprato, rediisse. Anno itaque sequenti præfatus Ligur, & ego Aloysius unanimes rursus classem expediuimus, cum animum applicuissimus ad hanc prouinciâ nauandam, ut tandem aliquando dictum flumen explorantes, regnum Gambraë ingrederemur. Hæc ergo ut percrebuerit ad aures principis infantis, sine cuius comitatu expeditio hæc fieri non poterat, complacitum illi plurimum fuit, quod hæc nobis cordi fuissent: & ut huic pio proposito, nec pœnitendo uoto fauens subscriberet, unam è suis celocem armat eximie, & omni genere annonæ communiuit. Soluimus itaque à loco quodam qui dicitur Lanchus, qui parum abest ab Sacro promontorio, siue Capite sancti Vincentii, ingrediente mense Maio prosperis uentis, & iter fecimus per Canarias insulas: eas tamen ex composito prætereuntes, utpote rem non incognitam nobis, si superiorum meministis. Austro ducebamur, & labentibus aquis, quæ flante Noto mirum in modum fluunt, peruenimus ad Caput album: quo uiso, duximus classem in altum: & sequenti nocte adortus est nos uentus Auster, cuius impulsu regredi oportuisset, ni non nihil ad occidentem declinauissimus. Sustinuimus igitur hanc uenti sæuitiam noctibus duabus, & diebus tribus: die uero tertio terram in conspectu habuimus, quod nemo nostrum autumasset. Cœpimus itaque gestientes exilire omnes, terram identidem inclamantes, admirati nimium ibi terram reperiri, cum prorsus id nesciremus. Expedita igitur cymba duos homines emisimus, qui explorarent iam uisam tellurem. Iuere itaque, & duas prægrandes insulas uidisse renunciant: quod ut accepimus, mox ruimus in dei laudes, qui sua clementia incredibili hæcenus incognita nobis cognoscenda præpararet: res profecto nouas, & toti Hispaniæ incompertas. Ut igitur oblatam à deo terram aliquando peragraremus, rerum nouarum percupidi, fortunam experiri uolentes nostram, uela fecimus uersus huiusmodi insulas: quò breui peruenimus: & ubi in conspectu fuit, uisa est maxima, tantumque obnauigauimus ut stationem non incommodam reperiremus. Appulsi igitur, prius iactis ancoris, cymbam bene armatam emisimus, ut compertum nobis fieret, an



insula coleretur ab humanis. Ingressi ergo nostri insulam; neminem unquam conspexere humanum; neque extabant uestigia itinerum, quibus cognosci posset quam culta foret insula. Hoc cognito, manē sequenti, ut animo satis facerem meo, iussi ex meis decem armari, cum telis, tum etiam balistis, ut interiora insulae adirent, si forte ultra quosdam colles, qui ibi attollebantur, homines forent. Iuere igitur, & collibus superatis inuenere neminem præter columbos, & ferē omne genus auitiorum: nam columbi capiebantur pro libito manu hominis: non enim pauebant ad uiri conspectum, utpote ad rem sibi hætenus inuisam. Cepere igitur ex his quamplurimos, quos scipionibus occiderant, nobisque attulere. Ex alia regione apparuere tres alia insulae magnae, quas ipsi non uideramus: nam ad septentrionem nobis remanserant. Visum est etiam eis duas alias insulas uidere uersus occidentem in uasto mari: uix tamen id comprehendebant ob magnam distantiam: neque nos eas uisere magni fecimus, quippe qui animum induxeramus ceptum iter persequi, nec tantis suppetebat tempus, uerebamurque ne frustra tereremus, diuertendo ad inhabitatas insulas. Interea dum his ego insisto quatuor insulis, alii uidere decem paruas insulas, quas cum adiuissent, nihil præter aues inueniunt, & pisces ingentissimos: Ut igitur reuertar unde sum digressus, solui ab hac insula, iter meum persecutus, & ecce duae aliae insulae: & cum oram unius percurrerem, mox incidimus in cuiusdam fluminis ostium, & censes aquam potu fore non insuauem, littori applicuimus: erat enim insula, confita omni arborum genere pulcherrimo: & dum fontem quaerimus quempiam glebas salis albas minutulas nanciscimur secus flumen. Legimus ergo nonnihil salis, quod itineri sufficeret nostro: nam ibi sal effuse affluit. Haulimus etiam aquae non parum. Erant ibi testudines innumerae, quibus pro tegmento natura uastissimas testas dederat, magnitudinis tãtã, ut pro clypeo non inepte sufficiant. Nostri itaque esculentis huiusmodi oblectati plurimum, exenteratis testudinibus multiiuga eduliorum genera fabricabantur, asseuerantes eis alias se solitos ubertim uesci, & cum primis in sinu Argino, cuius in superioribus affatim meminimus: nam is sinus scatet huiusmodi testudinibus: hortabanturque ut ego eis uesci uellem. Escaui igitur cibum inibi insuetum, ut complura experirer: uisus est non insuauis: albicat enim caro hæc: nec multum est absimilis uulnibus carnibus, si fragrantiam & saporem spectes. Cum itaque placuisset comedisse, cibum approbans, in naui plurimum asseruari iussi, ut quandoque leniret famem. In primo etiam itinero meo, quod prætermiseram, comedi ex leophante satis illecebri. Piscati sumus etiam in ostio dicti fluminis, ubi tanta uis erat piscium, quantam uix referre quibo: quandoquidem ferē credulitatem omnem excedit. Erant ex his piscibus compluseuli, quos nemo nostrum uiderat unquam, uerum pergrandes, & ad cibos humanos non inepti. Ostium uero fluminis in tantam exibat latitudinem, ut onerariam nauim centum quinquaginta doliorum capacem haud grauatim exciperet: adeo patebat, ut paucis expediam, ut unius iactu arcus latitudinem eius metiri nequiuisses. Illic statua fecimus biduo animi causa, ut feriati aliquanto à laboribus, animi deinceps ad dura promptius euigilarent. Annonam omne genus inde exportauimus, ut futuræ fami consultum iret, inter cætera columbos innumeros. Nec id præteribo, nos illi insulae, cui primo applicuimus,

plicuimus, Boni uisus nomen indidisse: argumento, quòd prima à nobis uisa foret. Alteram uero, quæ inter quatuor eminet insulas, Diui Iacobi nuncupauimus, ob id quòd ea die, quæ in honorem sanctorum Iacobi & Philippi concelebratur, à nobis est reperta.

De loco dicto Duæ palmæ, & de fluuio Gambre nauigato.

Cap. XLI.

HIS PERACTIS die memorato ab his insulis soluimus, per Caput uiride tenentes iter: & breui deorum munere peruenimus ad id loci qui dicitur Spedegar, in conspectu tellurem semper habentes: & ibi locus alius, qui ad Duas palmas appellatur: is est inter Caput uiride & sinum Senegæ prædictum, & quoniam iam terra erat nobis aliàs cognita, audacter dictū caput percurrimus, adeoque id concite à nobis actum est, ut sequenti mane dictū Caput superauerimus: & tandem aliquando rursus ad prænominatū Gambre flumen peruenimus, & intrepidi dictū flumen nauigare cœpimus obstante Nigritarum nemine: nam almadix nusquam apparuere. Interdium solum adnauigabamus, contis explorantes fluminis alueum: ecce quædam almadix Nigritarum, uerum secus litus fluminis euntes, nobis haud erant impedimento: & introitus ad decem miliaria insulam quandam paruam reperimus: quò cum applicuissimus, è nostris quidam uitam exiit: nam febre diutius laborauerat: & licet ægre tulerimus omnes uiri exitum, tamen quoniam deo maximo complacitum fuerat, ut decuit fideles, nusquam eius potentiam detrectauimus: uerum pro more humano satis mœsti, humauimus hominem iam uita functum: & quia huic Andreæ nomen fuerat, insulam de nomine uiri appellauimus. Est itaque à cunctis deinceps dicta insula Sancti Andreæ. Soluentes igitur ab hac insula, dictū flumen nauigauimus: sequebantur à longe quædam Nigritarū almadix, quas inclamans mancipium nostrum, quod Nigritarum idioma nouerat, tantum effecit, ut propius accesserint Nigritæ, à nobis cum uoce, tum etiam rerum nostrarum assidua ostetatione allecti: pollicebamur enim eis pro colloquio plurima, hortabamurque: ut omnem de nobis suspicionem feritatis exuerent: quandoquidem hi eramus, qui humanitate & comitate cæteris præstamus mortalibus. His ergo prouocati propius accessere, iam nobis fidentes: quare unus ex Nigritis celocem est ingressus intrepide, & cum Turcimano, id est, mancipio nostro colloquutus, admirabatur nimium nostrum morem nauigandi, & in primis uela: quoniam ipsi solo remige impellunt naues, rati nullum alium inter mortales modum fore maria sulcandi, albicantesque homines cum infueto habitu magis ac magis demirabantur: nam his est habitus ex cottonina quadam alba admodum, quæ instar camisix uestem eis suppeditat: complusculi etiam nudi incedunt. Excepimus itaque Nigritam honorificentius quàm potuimus, muneribus nostris hominem propè onerantes. Qui nostra consuetudine delectatus, percunctabatur de multis nostros. Postremo aperuit nobis id esse Gambre regnū, quod errantes iampridem quærebamus: & illorum dominum dixit esse Farolangolum, eūque abesse illinc itinere dierum decem introitus meridiem uersus: ipsum tamen subesse maiori principi, id est Regi Mellis, qui magnus Imperator Nebeorum dicebatur. Adiecit tamen, non esse longe à littore fluminis utrinque regulos com-



pluſculos, in quorum contubernium & neceſſitudinem mox, ſi libeat, ſua opera recipere-  
mur : & in primis pollicebatur id ſe nauaturum apud regulum Bati-  
mauſam: quoniam iam intelligebat nos & probos & comes uiros eſſe. Hanc igitur  
uirum huius nobis conceptam opinionem gratam habuimus ſupra modum,  
eumque è noſtris adnumerauimus in celoce receptum protinus, & tandem na-  
uigando deuenimus ad eum locum, quem appellant Batimauſam, qui noſtra ſen-  
tentia abeſt ab oſtio fluminis quadraginta miliaria.

De principe conciliato muneribus noſtris.

Cap. XLII.

ILLVD eſt etiam ſciendum, quòd dum ſulcauimus flumen Subſolano  
ueſti ſumus : & is locus ubi iecimus ancoras, multo anguſtior erat oſtio flumi-  
nis, & mea ſententia latitudine miliarium non excedit, in eumque compluſculi  
fluuii exonerant. Vbi itaque applicuimus ad id loci, decreui-  
mus mancipium noſtrum (quo interprete utebamur) cum Nigrita, quem prius conciliauerant no-  
bis munera & blanditiæ, ad principem mittere Batimauſam, quem perpulchro  
munere donauimus. Id erat munus tunica quædam ſericea, contexta more mau-  
rico: nos tunicam interiorem appellamus, ſiue camiliam: inſtituimusque Turki-  
manum, ut munus his uerbis exornaret : Nos uidelicet huc contendiffe, ut fœ-  
dus & neceſſitudinem eximiam nomine regis Portugalliæ, ſiue Luſitaniæ ſecum  
iniremus, uelleque commercia exercere, ubi ſibi complacitum fuiſſet: & ſi noſtra-  
rum rerum egeret, eis æque ac ſuis uteretur, noſtrum regem nuſquam deſutu-  
rum, ut illi morem gereret uſquequaque: aliæque quamplurima adiecimus, quæ  
ſciens prætereo, ne ſurgat opus in Iliada magnam. Profeſtus eſt itaque manci-  
pium Nigrita comite: & ut breue faciam, principi noſtro nomine cuncta expo-  
ſuit. Quo effectum eſt ut maximam cum principe amicitia conſlauerimus, per-  
mutauimusque plurima. Dedit enim pro noſtris mercimoniis mancipia, & auri  
quidpiam: aurum tamen ibi infra ſamam nominis reperimus, utpote qui audie-  
ramus regionem huiusmodi ſcatere auro plurimo. Inuenitur quidem aurum: ue-  
rum magni penditur ferè ut apud nos: ſciunt rem præclarâ eſſe, licet cum rebus  
minimis permutent: quæ ſi à nobis conſideretur, ſunt proſecto uiles: apud eos ta-  
men ſunt in pretio non mediocri. Id efficit regionum uiuendi uaria conſuetudo, ibi  
etiam ſtetimus ad dies ferè quindecim. Interea ibant cateruatim Nigritæ ad  
clafſem noſtram, loco miraculi noſtra & nos ducentes: nonnulli ut permutarent  
ſua: alii ut rem non uiſam prius conſpicerent: accedebant aliqui, ut fuſaras uen-  
derent, id eſt genus mercis cottonum, & eius filum, & tunicas ex eodem: hæc  
erant multiuigi coloris, ut ſunt punicei & albicantis, necnon uermiculati colo-  
ris. Ferebant & feles propè omne genus: quandoquidem ea regio ſcatet anima-  
libus huiusmodi, uenduntque pretio uiliori, ut puta marchetis decem, non ta-  
men ipſa pecunia: ignorant enim omne genus pecuniæ: uerum re quapiam,  
quæ decem marchetorum pretium non excedat pro ſele quolibet. Adduce-  
bant & alia quamplurima, ut ſunt pelles felium, & caſtoreum, & id genus alia  
dabant unciam caſtorei, id eſt muſcati, pro re pretii marchetorum quadragin-  
ta, uel ad ſummum quinquaginta: non tamen pondere aliquo permutabant:  
nam omne genus ponderis neſciunt: uerum ſi res data ſpectetur, uncia pondus  
expleret

expleret. Ferebant inter alia cariotas, id est, dactylos palmarum fructus, & fructuum genera omnia. Ex his nonnulli syluestres erant, non tamen insuaues: ego tamen his abstinui metu profluvii corporis: soluunt enim mirum in modum aluum. Itaque ibat ad nos quotidie frequens hominum turba, nec idiomatis unius: uarium erat linguarum genus, nec desinebant uecti cymbis suis (almadias uocant) ultro citroque commeari flumen sulcantes, traicientes de loco ad locum, modo huc, modo illuc uecti, ut apud nos in quibusdam fluminibus est uidere, ut puta Lugduni Galliarum urbe in Arari flumine placidissimo: uerum omnis eorum nauigatio remigiis absoluitur: his mirum in modum stantes naues impellunt: utrinque in puppi plus remigum maior est numerus, modo hinc, modo illinc, ut medio aequè utrinque librata nauis incedat, in neutram partem magis declinans. Stantes itaque remigant, ui lacertorum nullis inhærentibus remigiis. Verum sic fabricantur remigia. Habent lanceam longitudinis passus unius & dimidii, in cuius summitate alligant asserulam quandam teretē, uti nos in mensa utimur pro patinis, cum loco argenti uel stagni ligna succedunt, frugalitate, uel potius pauperie suadente: hoc instrumento nauigant, & quidem citatissime: almadiæ suæ à latere semper litus haudquaquam deferentes, finitque ibi paruorum amnium ostia complura, quæ exonerant in mare: his se committunt tutius, nec multum ab regionibus suis recedunt, ne ab suismet Nigritis corripiantur, & captiui facti demum pro mancipiis uendantur Christianis. Dum itaque illic mercamur cum Nigritis, ægrotare nostri cœperunt febre adrapida & calidissima: propterea ut nostris consuleremus, protinus illinc soluimus, rursus ad ostium dicti fluminis reuertentes.

De syluestribus elephantis, & quomodo capiantur.

Cap. XLIII.

DE REBUS huius regionis quæ referri possunt à nobis, qui eas uel subiecimus oculis, aut à fide non indignis accepimus per id tempus, quo illic fuimus, de fide ipsorum potissimum auspicabimur. Idola igitur summopere colunt ritu multiplici, fidem non mediocrem fascinationibus adhibentes: patrant & alia innumera dæmone suadente: deum tamen norunt, licet cognitum non obseruent: alii Mahumetem spurcissimum uenerantur, & hi ut apud nos Aegyptii populi uagantur extra solum patrium: & in primis apud Mauros degunt: incolæ uero regionem non excedunt suam. Viuunt ut Nigritæ regni Senegæ prædicti, & ferè eisdem cibis aluntur. Id plus habent, quod orizam uberius ibi legunt: quoniâ in regno Senegæ non nascitur. Vescuntur canibus, quod nusquam alibi comperimus. Vestiuntur cotoninis: at Nigritæ ferè in uniuersum nudi incedunt: nam apud illos maior est cotonorum copia. Mulieres uniformem habent habitum: prius tamen quàm adolescant, corpora compungunt stigmatibus nonnullis, quæ igne inurunt, ut perpetuò remaneant. Notæ huiusmodi præsentant ornatum quendam factum in sindone opere polymito ex serico contextum, coloris multiplicis. Plaga est admodum torrida: & quanto accedunt magis ad Austrum, eo plus sunt exustiores: & cum primis secus flumen calor grassatur eximie ob arborum frequentiam: Nam æstus ubi exhalare nequit, urget magis. Arbores uero ibi sunt tantæ magnitudinis, ut earum ambitus sit pedum XVII, licet eminentia d. ii.



altitudinis non quadret magnitudini: non enim altius tolluntur quam pedes  
 x x, cariosæ sunt tamen, & sine senectâ, ut euenit annosis arboribus, siue carie  
 quapiam commaculatæ erant & corrosæ. Aiebant etiam incolæ multo eminen-  
 tiores arbores in regione huiusmodi esse: faciuntque hæc arbores, ut non difficul-  
 ter credamus terram illam feracissimam fore: quoniam ubi arbores adolescunt  
 in tantum incrementum, regio haud dubie non potest esse non irrigua. Fert  
 etiam hæc regio elephantes, sed sylvestres, neque ibi cicures sunt aut doman-  
 tur, ut alibi gentium. Vidi ego aliquando quatuor ex huiusmodi nemus egre-  
 dientes, quos ubi sum è naui speculatus ego & focii complusculi, exiliuimus è na-  
 ui contendentes ad eos: qui ubi nos conspexere, mox nemori sese dedidere. Vi-  
 di & exanimatum elephantum, quem occidi iusserat princeps quidam dictus  
 Gnumimenfa, in gratiam meam. Is princeps accola est ostii fluminis Gambræ,  
 & profectus est uenatum concomitantibus compluribus Nigritis, biduo ferè  
 continuo. In hoc igitur uenatu oppetiit prædictus elephas. Pedites exeunt ad  
 uenationem, arcubus & machæis armati, & sua arma omnia illinunt uene-  
 no præsentaneo. Nec id uos lateat, hos populos elephantos in nemori-  
 bus uenari, ubi cœni plurimum cernitur: Nam id genus animalium suapte  
 natura ut sues in cœno uoluntantur creberrime. Hi itaque Nigritæ pone ar-  
 bores delitescunt, ac prætereuntibus elephantis sagittas & uenabula infigunt,  
 saliantque miro modo de loco in locum, ab una arbore ad aliam, donec feri-  
 ant elephantum: qui cum maxima mole prægrauetur, nequit insidiantis ictus  
 uelocissimos deuitare. Si tamen id tentarent in locis apricis & patentibus Ni-  
 gritæ, in eis potissimum ubi nullæ uisuntur arbores, non euaderent profecto  
 uires elephantorum: quandoquidem nullus hominum tantæ pernicitatis in-  
 uenitur, quem mox elephas non comprehendat etiam non currens, sed gra-  
 datim incedens: id efficit animalis uasta magnitudo, & ubi usu euenit, ut ira-  
 to omine elephas in agris patentibus hominem sit consequutus, non euadat  
 quidem: nec aliter lædit quàm promuscide: manum appellant. Hæc itaque ho-  
 mines corripit circumamplexu, & adeo iacit in sublime, ut sæpenumero cor-  
 repti hoc modo prius efflent animam, quàm terram contigerint. Hæc elephan-  
 tis promuscis non multum absimilis labro suillo. In hoc differunt, quòd huic  
 ea est uolubilis ad nutum, ut modo uibret, modo pro libito retrahat. Id à com-  
 plusculis Nigritis accepi: non efferantur tamen, nisi prouocati: nec hominem læ-  
 dunt, nisi prior iniuriam intulerit ipse. Vidi ego aliquando illic occisum ele-  
 phantem perquam mediocrem, cuius dentium amplitudo palmos ternos ex-  
 cecebat: eminebant ad duos palmos: uerum palmus contactus carne maxillæ  
 immergebatur, ut totus occultaretur, ut sunt aliorum radices dentium: & quo-  
 niam eorum senectâ dentibus cognoscitur, aiebant argumêto dentium amplitu-  
 dinis ferè despicabilis, ipsum haudquaquã annosum fore, si conferatur cum aliis  
 proceribus, quorum dentes tantæ sunt magnitudinis, ut uicem postium sup-  
 pleant, & pro palis sepes muniant, teste Plinio: & ut ipsi referebant, nonnullis  
 eò amplitudinis crescunt dentes, ut duodecim palmorum mensuram excedant:  
 & licet præferim, hunc elephantum, si spectentur cæteri, minime fuisse  
 conspicuum: erat tamen tantæ proceritatis, ut unus plus carniū haberet,  
 quàm

quam tauri quinque nostri . Donauit me igitur hoc elephanto princeps eo pacto, ut tantum carniū assumerem, quantum libuisset, reliquū uero uenatoribus impartirer: quoniam illi in cibatu elephantos gratissimos habebant. Inuitabar propterea identidem ab eis, ut & ego carne huiusmodi uescerer. Iussi igitur partem animalis concidi in frusta, & ad classē deferri meam, mōxque ahenis excoqui subiecto igne. Alii aliam partem torrebant, perinde ut & clixum & tostum comederim: non quidem uoluptatis, quæ nulla erat, sed experientię causā, ut iactare possem me aliquando esitauisse eas carnes, quibus conterranei nunquam uesci consueuere, hæc summa est, carnibus uidelicet huiusmodi me minime delectatum fuisse . Insuauis est gustu & asperrima, durāque nimium. Tuli etiam ad classē promuscidis partem, id est manus elephantis: euulsi etiam ab eo pilos, qui nigricabant, & quasi duorum palmorum mensuram excedebant, erantque amplitudinis haud contemnendæ . Hos igitur, & carnis nonnihil in Hispaniam detuli, & omnibus principem Don Hurich prænominatum donauit, qui hæc omnia loco præclari muneris excepit, ueluti rem nouam, & hominibus regionis illius hætenus incognitam: nam hunc principem delectabant eximie, quæ ab remotioribus partibus orbis deferebantur: & in primis obseruabat uir princeps, ut earum rerum fieret perticeps, quæ opera sua & diligentia completa fuissent.

De tibiis elephantis, & cabalino pisce,

Cap. XLIII.

NOVERITIS igitur, elephanti pedem teretem esse instar pedis equi obrotundum circumquaque, uerum ex callo nigerrimo amplissimoque, inque pedis callo ungulæ quinæ in una parte pedis: ea uidelicet quæ proximior est plantæ: nam singulæ ungulæ grossiori argentei mensuram haud excedunt: licet parui elephantis occisi pes esset: uerum planta pedis eius unius palmi & medii excedebat latitudinem, pro quadrata qualibet parte: quoniam, ut præfeci, pedes habent obrotundos, ut sunt apud nos lignei asserculi, quibus in mensa uiri frugi utuntur: Galli transciū, nos talieros siue orbes appellamus. Donauit me præfatus Nigritarum princeps pede elephantis alio, cuius planta mensuram trium palmorum superabat: id egomet sum metitus astantibus complusculis, eandemque latitudinem omni ex parte habebat. Donaui igitur principem rursus hoc pede, & dente palmorum duodecim, mire à natura exornato. Hæc itaque omnia princeps prædictus ceu rem præclaram mulieri ducissæ Burgundiæ dono dedit. Nec est quod credant aliqui elephantū non habere plicatiles tibia: quoniam falluntur plurimū: nam plicant genua ut cætera animalia, & pro libito humi se prosternunt, & surgunt cum libuerit, contra quorundam opinionem. Flumen itaque Gambra, & eius regionis complures omnes calcatricem nutriunt, & in primis piscem miræ naturæ, instar uituli marini, ni caput equinum haberet. In hoc tamē uitulum marinum imitatur, quod uidelicet modo aquaticum, terrestrem modo est animal, utroque elemento uiuens: uastum corpus habet, ut bos scæmina quæpiam: licet crura sint multo graciliora: bisulcos habet pedes, & ut dictū est, caput non absimile equo: dentes duos habet, hinc & hinc proeminentes, ut est uidere in apri: suntque hi dentes tantæ magnitudinis, ut duorum palmorum



impleant mensuram. Egreditur interdum hoc animal flumen & terras petit, ut quadrupedia: nec alibi quàm hic huiusmodi piscis inuenitur. Apud eisdem Nigritas reperiuntur uestertiliones & noctuæ magnitudinis trium palmorum, & multiplicia auitorum genera, quæ præsertim à nostris non mediocriter differunt. Sunt & innumeri psitaci, & pisces complurculi nostris prorsus absimiles cum gustu, tum etiam forma: in cibatu tamen haud insuaues.

De flumine Casamanse, & capite rubro.

Cap. XLV.

EFFECIT igitur nostrorum aduersa ualetudo, sicuti retuli in superioribus, ut operæpretium fuerit mox ab regione principis Batrinense abire: quare illinc soluentes, breui flumen euasimus. Cum igitur superauissemus flumen dictum, & annonæ omne genus plurimum nobiscum haberemus, uisum est fore laudabile, si ultra dictum flumen uela faceremus: ad id accedebat maior solito securitas, utpote qui ternas naues habebamus: & dum hæc tractamus, quadam die circiter diei horam tertiam uela dedimus felicibus uentis: quia uero uix euaseramus sinum Gambraë, & ab ea parte continentis, qua dominatur Notus siue Auster, mare sæuiebat magis, nos Occidentem uersus Zephyro prouehemur abeuntes à continente: terra tamen quam deseruimus, erat æqualis admodum, & innumeris scatebat arboribus: uerum ubi altum tenere rates, mox apparuit angulus quem dicta terra faciebat, haudquaquam dignum memoratu, cum in eo nihil foret conspicui: & id pro comperto habuimus: ilico ultra dictam frontem instar anguli omnis littoralis plaga nobis sese uno intuitu præsentabat. Nauigabamus igitur discedentes ab ea quantum poteramus: quoniam allatrabat eam undabundum ac atrox mare introrsus ad quatuor miliaria. Certiores de hac re nos reddebant duo homines in prora speculæ fungentes officio, necnon alius in celsò naui malo, qui prædicebat scopulos, & alia discrimina maritima, ut sunt breuia & syrtes, & in mari terras ab aquis desertas aliquando, scias appellamus. Interdiu solum adnauigabamus, uix uela facientes, ne in scopulos incideremus nolentes, noctu semper pauentes custodem habebamus uigilem: ibant nostræ celoces continenter, id est, mox post alteram altera, iactis sortibus, quis præcedere deberet: nam quisque alium præmittere uoluisset: uerum ne quis ferret grauatim frequentius quàm ceteri subire pericula, alternatim id præcedendi officium nauabamus. Igitur à latere regionis prædictæ iter facientes, ita tamen ut terram conspiciarem usquequaque, die tertio postquam illinc solueramus, peruenimus ad ostium fluminis cuiusdam non mediocris, quod patebat quingentis ferè passibus: & procedentes quasi ad occidentem mox reperimus paruum sinum quendam: ubi ancoras iecimus, cum iam aduerserauisset. Cum uero illuxit, uela dantes uentis, dum insinuamur nonnihil cedentibus terris, ecce ostium alterius fluminis, quod magnitudine cum illo Gambraë fluuiio propè contendebat: in cuius ripis utrinque arbores conspiciebantur innumeræ: & quoniam uisa est plaga ferax, illi appropinquare decreuimus. Ostio igitur applicuimus, & quisque nostrum cymbas emisit suas, necnon & Turcimanos, qui & interpretis & exploratoris uices supplebant aliquando, prout & tempus & loca exigebant. Hos igitur emisimus, ut terram & mores hominum ac flumina,

flumina, & siquid ultra dignum erat scitu, explorantes nobis referrent. Profecti igitur, & dicta exequentes rediere, id noui afferentes, flumen uidelicet uocari Ra. ditionem esse principis Casamálæ Nigritæ qui interiora fluminis incolebat ad triginta miliaria: uerum principem domo per id tempus abesse, & bello uacare contra uicinum regulum. His itaque cognitis, die sequenti illinc abiuiumus. Nec præteribo sinum hunc Casamantam abesse à sinu Gambrae ad leucas fere XXV. quæ miliaria centum efficiunt.

De fluminibus ibidem repertis, & gentibus.

Cap. XLVI.

CVM à flumine memorato recessissemus, littori semper inhaerentes, ad quoddam caput deuenimus, nostra sententia à prædicto flumine distans miliaria XX. & id caput eminentius est nonnihil si terræ circumadiacenti cōferatur: & quoniam in fronte præferebat terram rubram, Caput rubrum nuncupauimus: & rursus superato Capite, nauigantes deuenimus ad ostium alius fluminis patens nostro iudicio iactu arcus, quod prætereuntes ibi nihil immorati, sinum sanctæ Annæ appellauimus, & persequuti iter nostrum, peruenimus ad flumen aliud haud impar illi sanctæ Annæ, & hoc sinum nuncupauimus sancti Domini. Is abest à Capite rubro miliaria fere LX. Illic abeuntes nauigando semper à latere post unius diei nauigationem deuenimus ad uastissimum cuiusdam ingentissimi fluuii ostium, quod primo conspectu censuimus sinum esse quempiam. Verum quoniam altrinsecus conspiciebantur arbores innumeræ Austrû uersus præsertim, flumen esse cognouimus: nam ostium fluminis patebat fere miliaria XX. Triuius igitur tempus traiciendo dictum flumen, & ad ulteriorem ripam deuenimus: mox apparuere insulæ quædam. Decreuimus propterea illinc prius haud quaquam soluere, quàm de regione comperti aliquid habuissemus. Iactis itaque ancoris, stationem inibi fecimus nostram: & ecce sequenti mane almadiæ duæ ad nos citatissimo gradu contendebāt, quas ut uidimus, pauere coepimus, & resumptis animis, ad arma concursum est, ut si forte uenissent uim illaturi, non inermes deprehenderemur: non prius tamē appropinquauere nobis, quàm erecta hasta quapiā, cui adligauerāt sindonem albam, ut securitatē accedendi peterent. Signo huiusmodi hoc uiso, & nos idē dedimus concordia signū: quo conspecto Barbari accessere propius, & in primis maior almadiæ celoci meæ appropinquat, nōsque lumina nusquā desistentes contuebatur, uiros albos admirati, nauēq; nostras mirari non desinebāt, malūmq; & antenam, res illis incognitas conspectabant prope stupidi. Quare percupidus ego noscere gentē, & ad mutua colloquia descēdere, monui mancipia nostra, ut compellerent hos Nigritas. Verū lusere operam loquendo, quoniā nusquam nostrā linguam intellexere, minūsq; nos ipsi eos intellexeramus: quod summo pere dīplicuit. Illinc igitur soluimus, ubi sciuiumus nos terere incassum tempus: decreuimus conducibilius fore, si gradū referentes ultra non progredieremur: quandoquidē quanto magis ultiores plagas adiuissimus, tanto minus eorum idiomatis capaces eramus, nullāq; commercia sperabamus, ubi sermonis mutui copia non dabatur, reluctante natura. Hæsit itaq; cordi nobis regredi, & lares patrios repetere: non prius tamē illinc abiuiumus, quàm merces nonnullas cōmūd.

d. iiii.



tauerimus biduo in ostio fluminis commorati. Vidimus etiam ibi Septentrionē prope terram contingere, adeo deprimebatur. Deprehendimus etiam ibi naturā quādam pugnātia, quā nusquam comperimus, ubi Christiani degunt, aquā uidelicet crescentem, decrecentēque decremento, autūque imparibus. Nam Venetiis, & alibi gentium, mare flat horis sex, & in totidem reflat, id est, crescit & decrescit paribus spatiis. Illic uero increscit mare horis quatuor, & idem decrescit horis octo, idque fit impetu tanto, ut non sit satis existimare an res credulitatem omnem superet, adeoque mare sauebat, ut tribus ancoris iactis, ex protra irreuocabili ferē pondere, ne sic naues fisti satis poterant: & usū aliquādo euenit, ut atrox tempestas eō discriminis nos adduxerit, ut ui coacti fuerimus uela facere non sine discrimine uitæ, quoniam maior feruor & æstus procellosi maris erat quā uis uentorum.

Quomodo illinc soluimus ob id quod idioma nesciebamus.

Cap. XLVII.

ABIVIMVS itaque ab ostio huius uasti fluminis, ut rediremus Hispaniam, iter facientes per has insulas, quæ à continēte per miliaria fere triginta ab sunt, hæ enim sunt numero quatuor: duæ maiores incoluntur à Nigritis, soli sunt non inæqualis, nec eminentis: uerum depressi admodum: inque eis arbores magnæ proceritatis: nulla etiam ibi sermonis commercia fuere, quia alter alterum haud intelligebat. Inde igitur soluentes, uersus patriam contendebamus, quō deo miserante breui peruenimus laboribus innumeris superatis.

## LIBER SECVNDVS NAVIGATIONIS

ex Vlis bona usque Calechut, Traductus ex idiomate Lusitano, in Italicum sermonem.

Cap. XLVIII



QUICQUID ego uidi accepique ab aliis per id tempus, quo eas partes adiui, id totum retuli in superiore tractatu: uerum post me easdem partes adiungere complusculi, & comprimis Portugallenses, qui orbis explorandi causa ab eorum rege ex composito missi fuere: nam fato iam functus, suo principi infanti Don Hurico rex Lusitanæ celoces duas expediuit, duce Petro Sinzia alumno præfati principis: huic princeps iussit ut totum latus Nigritarum excurreret, & nouas regiones adiret. Hunc igitur Petrum classis præfectum concomitatus est adolescens quidam, cum quo necum maxima intercedit amicitia, quique dum peragraui easdem partes, amanuensis meus fuit. Cum itaque redirent præfata celoces, ego Aloysius Cadamustus concesseram eō loci, qui dicitur Lachus, non longe à Sacro promontorio Lusitanæ, aliter dicitur Caput sancti Vincentii. Dum igitur illic agerem, ecce dictus Petrus præfectus classis & amicus ille meus diuerterunt in ædes meas, qui abs me amice excepti, omnem suam nauigationem sedulo exposuere, locaque, & quibus nomina indidissent haud reticuerūt, explicantes singula ex ordine, prout in sequentibus mox colliqueſcet, & in primis sunt orſi à sinu Magno, quem nos adiueramus.

Primo

Primo loco itaque dictus amicus referebat se lustrauisse duas memoratas magnas insulas, quas cultas esse asseuerabat, & in primis ad alteram illarum propius accedentes, cum incolis Nigritis colloquuti sunt, licet alterum alter haud intellexerit: uisere tamen eorum domos, quæ sunt mapalia, id est ex paleis humiles casæ, pastorales domos appellamus, inibique colossos & statuas ligneas idolorum comperere, quibus satis ac super cognouere eos idolorum seruituti esse addictos. Vbi igitur nihil consequi ab eis potuere linguæ difficultate, illinc abiungere iter suum persequuti à latere semper, donec deuenire ad ostiū cuiusdam magni fluminis, quod, ut aiebant, patebat longitudine trium uel quatuor miliarium, aiuntque dictum flumen abesse à sinu Magno, cuius meminimus, miliaria fere quinquaginta, per latus semper: affirmabātque dictum sinum uocari de nomine cuiusdam reguli dicti Belegne, cuius regio adiacet dicto fluminis ostio. Denique abiimus à fluminis prædicti ostio, à latere semper maria sulcantes, quoad pertuenimus ad quoddam Caput, quod Verge appellant, cuius plaga asperatur montibus, non tamen multum attollitur, distatque eorum sentetia, flumen prædictum à Capite huiusmodi miliaria fere centum & quadraginta. Suntque in his montibus arbores prope innumeræ, sua uiriditate uoluptatem contuētibus etiam eminus afferentes: proceræ igitur sunt, & conspicuæ admodum.

De Capite Sagres, & aliis tribus, ac de nominibus ingentiū fluminū. Ca. XLIX

SUPER AVERE igitur dictum Caput Verge, à latere semper nauigantes itinere miliarium LXXX. Et ecce aliud Caput apparuit eminentius eis omnibus, quæ unquam uiderant ipsi, nam tollitur in sublime supra omnem æstimationem, & acuminatur instar adamantis, scatetque multiugis arboribus, huic nomen indidere Sagres, in memoriam eius arcis, quam in fronte promontorii Sacri princeps infans beatæ memoriæ condi iussit, quam appellauit Sagren. Hanc Lusitani Caput Sagres de Signea appellant, addebantque nauclei memoratos populos idolorum latræ plurimum uacare, argumento imaginum lignearum, quas colunt impense, nec prius discumbunt cibum sumpturi, quam dapes obtulerint suis idolis. Sunt nigri, & ferro candente notas & stigmata inurunt corpori, præsertim in fronte: hi tamen citius in subcinericium colore inclinant quam in nigrum: pro subligariis, quibus pudenda contegunt, libris utuntur arborum, cætera sunt nudi, arma habet nulla, quia ferro carent. Viunt oriza, melle ac leguminibus, fabis uidelicet & fasilis nostris non absimilibus, licet elegantioribus, carnibus uescuntur uaccarum, caprarumque: non tamen ad satietatem, quoniam nec huiusmodi abundant. Et ultra dictum Caput aiunt esse duas insulas perquam mediocres ob angustiam illarum incultas: altera illinc miliaria sex, altera octo distat, scatent tamen arboribus: habent etiam illius fluminis accolæ almadias instar nostrarum maximas, his maria sulcant, hæ enim sunt triginta uel quadraginta hominum capaces: stantes remigant, ut præfecimus: aures habent circumquaque terebratas foramine multiplici. In his foraminibus appendunt anulos aureos, ut olim margaritas Aegyptii: ferunt etiam appensos anulos naribus, quos haud quaquam detrahunt, nisi cibum sumpturi. Idem agunt & scæminæ: id plus habet mulieres principum & optimatum, quod perforata circumferunt labra. Inque eis condalia, anulorum genus, ut alii Mauri gerunt, adimuntque pro arbitrio, & id est principatus uel magnæ



claritudinis specimē præclarum. Ultra dictum Caput Sagres ad miliaria ferè XL, inuenitur alius sinus dictus nomine sanctus Vincentius, cuius ostium patet ferè miliaria quinquaginta, secus latus prædictum. Est alter sinus dictus Viridis, magnitudine excedit signum sancti Vincentii. His fluminibus & finibus indidere nomina Lusitani nautæ, quos rex Portugalliæ eò miserat explorandi orbis gratia. Regio est tota implicata montibus, unde & amnes, & parua flumina complurcula deriuantur, redduntque irriguam terram, nec peragratu est difficilis. Ultra dictum sinum Viridem ad miliaria circiter CC & quatuor aliud Caput apparet quod Latum appellarunt, ob apricitatem regionis, quæ à dicto Capite auspiciatur. Post hoc caput mons est eminentissimus, totus arboribus confitus iugiter uirentibus. Superato dicto monte introrsus mare ad octo miliaria uisuntur insulæ quædam paruæ, quarum maior ambitu patet miliaria quasi duodecim, hanc Syluestrem appellarunt, montem Leonem dixerunt huic succedit ima, sed patens regio tota harenis strata, ut plerunque in litore maris est propter fluxum & refluxum iactabundi sali. Cum uero præterieris montana Leonis, mox fluuius laticulus ingens, cuius ostium circuitu patet miliaribus fere tribus: hunc fluuium Rubrum appellarunt, ducti hoc argumento, quod terra erat rubra, & in eundem colorem aquæ, quæ solent esse cerulei coloris, inclinabant: huic flumini adiacet promontorium, quod de nomine fluminis nuncuparunt, eisdem moti causis. Contra autem dictum promontorium uisuntur duæ insulæ pari nomine nuncupatæ, & inde Septentrio uisitur, non plus distans à mari quàm hominis mensura, adeo ut uideatur contingere aquas. Distat autem ostium prædicti Rubri fluminis ab hac insula miliaria quasi decem. Superato monte Rubro tellus se finuat admodum aquis impellentibus, & fluuius ingens, quem appellarunt sinum sanctæ Mariæ niuis, quoniam ea die quæ est Virgini beatæ celebris, quia in exortu Canis, cum candens sidus dominatur plurimum, conspectæ fuere niues, fluuius huiusmodi repertus est. Ab altera parte fluminis est frons quædam è regione, cuius paulum introrsus mare est quædam insula, ubi mare harenam emittit, & efficit breuia innumera, estque procellosum admodum, ob montes adiacentes, & exonerantes in id fluuios, propterea insulam dixerunt Scamnorum, quoniam sic egestæ harenæ referunt scamna, & abacos, ut dictum est abunde superius. Ultra dictam insulam eminet Caput magnum, cui nomen diuæ Annæ indidere, quoniam ea die est repertum. Abest autem promontorium huiusmodi à dicta insula miliaribus XXIIII.

De flumine Palmarum, & aliis compluribus.

Cap. I.

ULTRA itaque dictum flumen sanctæ Annæ ad miliaria ferè LXX per latus inuenitur aliud flumen, cui ob copiam palmarum nomen à palmis inditum est: ostium autem huius fluminis licet uaste pateat, est tamen repletum harenis, & breuius, quæ quasi inaccessum ipsum faciunt, quoniam non superatur absque magno discrimine. Item abest Caput sanctæ Annæ ab hoc flumine miliaribus prope LXX, totumque litus est aridum, & nullius ferax, licet pateat plurimum. Ibi etiam inuenere aliud flumen, quod appellarunt Sinum fluminum, argumento, quod quando repertum est id flumen, conspexere innumeros amnes, & aquarum

rum decursus incolarum arte factos. Supra dictum flumen ad miliaria XX III, per litus semper, caput quoddam inuenitur, & in mare multum eminens, in quo mons peraltus: hoc promontorium appellarunt Caput montis. Ultra quod progrediendo ad sex miliaria, inuenitur aliud paruum Caput, neque eminens, & in eo paruus admodum mons, quem Cortesium nominant. Ibi igitur collucentes ignes quamplurimos uidere, præsertim super arbores, & in litore uasto: nam hos accenderant incolæ regionis, ut eminens nos ueluti è specula conspicerent: erant enim illis nostra nauigia hæcenus incognita. Superato dicto Capite, secus litus nemus condensissimum conspicitur, cuius arbores maris aquas obumbrant, adeo ipsi mari adiacent. Post hoc nemus apparere quædam almadiæ, & in qualibet illarum uiri tres nudi, qui pro armis clauas quasdam gerebant: nam hæ clauæ referebant suo modo tela: habebant etiam cultellos paruos in manu, & clypeos duos, arcus uero tres. Hi igitur celoci appropinquare, auribus & naribus perforatis, alii habebant dentium humanorum torquem collo dependentem: hos compellere & alloqui uariis interpretantibus mancipiis cepimus: uerum licet Turciani nostri forent Nigritæ, & uarias noscent linguas, nusquam tamen consequi potuerunt, ut mutuo se intelligerent: & quanuis alter alterum intelligere nequiuisset, tres tamen ex illis ingressi sunt nostras celoces, quorum unum cepimus ducendum ad principem, quoniam rex iusserat, ut quoties euenisset, ut ultra progredi nauigando complacitum nobis non foret, ex ultima regione quam adiuuissimus, uirum quempiam ui uel amore abduceremus. Ut itaque dicto principis pareremus, hunc ui abduximus Vlisbonam, quem alloquutus est mancipiorum Nigritarum genus multiplex. Sunt enim Vlisbonæ propè ex omni genere mortales complurculi: propterea sperabat princeps se abductum uirum per diuersa mancipia posse de rebus nouis percunctari. Cum igitur tentassent omne genus linguarum, ut caput Nigritam intelligerent, uicissimque intelligerentur, nullus unquam est id consequutus, præter feminam Nigritam, quæ addita erat seruituti cuiusdam patricii Vlisbonensis. Hæc itaque uirum huiusmodi intellexit, & mutuo fruebantur colloquio: nec est consequuta decus huiusmodi idiomate proprio, uidelicet patrio, uerum lingua quadam media, quam uterque probe callebat. Igitur interprete femina huiusmodi nihil noui habuimus, præter id, quod in ea regione unde abduxeramus uirum hunc, unicornes uiui reperiebantur, & aliæ res quamplurimæ. Quare cum dictus princeps hominem domi tantisper habuisset, donec uir edoctus est res regni sui præclaras, denique decreuit eum missum facere, prius datis homini nonnullis muneribus, quæ ipse petierat. Expedita itaque celoce iussu principis, hic Nigrita patriæ restitutus est honorificentissime. Ultra igitur hunc locum unde abduxeramus uirum huiusmodi, nemo est adhuc progressus usque ad eum diem quo ego solui ab Hispania, qui fuit M. CCCXCIII mensis Februarii primus. Caterum nemori prædicto nomen est inditum sanctæ Mariæ finis. Nec id prætermiserim, quod die septima dum redirem secus litus nauigans, uidi Caput Album, quo postera die superato circiter meridiem in mari apparuit belua immanissima, habens effigiem piscis, quæ in nos gradu citatissimo contendebat: hæc à nobis in præora existentibus conspecta est ilico, quam ut uidimus, cepimus trepidare, quippe



qui uastiore nūquam uideramus. Ibat igitur belua huiusmodi tanto impetu ac fragore, celſoue capite, ut nos perterrefaceret plurimum: quare in re subita præſentaneum cepimus conſilium: decreuimus propterea nobis fuga conſulere. Datis itaque uento uelis quàm celerius potuimus, altum petentes, euasimus diſcrimen deo fauente. Præuentus eſt ergo piſcis huiusmodi ſpatio unius miliarii: nec propius acceſſit: tunc eſt à nobis conſpectus ad regulam, nam diligentius formam beluæ conſiderauimus. Cum enim caput ſupra aquam efferbat, uidebatur alas quaſdam habere inſtar alarum molendini, quod uento circumagitur, ubi non adest aquarum copia. Ob id, noſtra ſententia, uiſa eſt belua non minor liburnicis, id eſt, galleis noſtris. Quam ob rem Hiſpani omnes qui aſſuevere magnis nauigationibus, fatebantur ingenue, nunquam uidiſſe atrociorē uastiorē uel beluam, quam tantopere formidauiffent: licet innumeras uidiffent balenas. Confeſſione igitur eorum hæc belua balenam ſuperat magnitudine.

De digreſſu & regreſſu Luſitanarum nauium.

Cap. LI.

NAVE S igitur quas miſit ſereniſſimus rex Portugalliæ, hæc fuere, primo tres, quarum duæ doliorum XC capaces erāt, baloneros appellant, aliæ uero doliorum L. poſtremo nauem onerariam mediocrem, que annonam omne genus uehebat. Hæc igitur omnes ferebant homines ſupra centum & octuaginta. Soluere enim ab Vliſbona nona Iulii M. CCCXCXVII duce Vaſco de Ghimam. De cima uero Iulii M. CCCXCIX nauis quæ tulerat dolia L, Vliſbonā rediit: præſectus uero claſſis ad quandā inſulam Capitis uiridis applicuit, ut germanū ſuum, qui graui ægitudine adſtictabatur, in terram exponeret. Altera nauī retenta doliorum XC capace, aliam uero combuſſit uiſorum penuria, & alterā quæ uehebat annonam, rogo demandauit, quoniam etiam digreſſuri domi decreuerāt, ut ea non rediret.

De Melindæ regno, & de urbe Calechut, ac aliis compluribus locis.

Cap. LII.

CVM ITA QVE rediremus domum, erant nobiſcum homines circiter quinquaginta quinque, qui multiplici genere morborum adſtictabantur: aliis & ora, & fauces morbus corripuerat, aliorum crura ac genua, tabe ſanie, uel adrapido dolore labefactauerat iugis ægritudo. Nouas igitur regiones plus ſolito adiueramus ad leucas ſerè octingētas. Ultra uero compertam regionem, ubi Caput bonæ ſpei uſque ad cognitam plagam tempore regis Don Ioan. ſuperaruntq; dictū Caput ſpei leucis ſerè ſexcentum, à latere ſemper populi ſunt Nigritæ: & peractis dictis ſexcentum leucis, mox apparuit flumen ingens, cuius in oſtio eſt frequens uicus Nigritarum, qui quaſi eis Mauriſ ſubiiciuntur, qui introſus degunt, Nigritis bella inferunt aſſidue. Dictum flumen auro ſcater ingentiſſimo, ut referebant accolæ fluuii: rogabant nos propterea, ut illic nouam lunā opperiremur, & pro mora pollicebantur auri plurimum. At præſectus claſſis ſiſtere gradum noluit, ſed progredi celerrime cupiebat. Progreſſi itaque ad leucas trecentas quinquaginta, naſti ſumus urbem circumdatam muro, cultāque à populis, Indis haudquaquam abſimilibus, domus ibi ex lateribus & calce pulcherrimæ, ritu maurico. Appulimus tandem his oris, & à rege Mauro perbenigne excepti

excepti sumus, à quo consequuti fuimus itineris ducem, pilotum appellant. Traiecturi eramus sinum quendam, cuius naturam ignorabamus: urbs Melindæ appellatur, in ingressu ostii sinus sita est, quem sinum altrinsecus Mauri innumeri uicatim accolunt. Is igitur pilotus linguam Italicam probe nouerat. Superauimus igitur sinum traiectu leucarum septingentarum: & tandem deuenimus ad urbem Christianorum pergrandem, quæ magnitudine superat Vlisbonam, Calechut appellant, cuius sinus frequens est urbibus, & oppidis Maurorum: & in capite sinus sunt quædam angustię maris, ut dicimus strictum Romanię. Superatis his angustijs, aliud mare occurrit, id est, sinus, mare Erythræum appellant, siue Arabicum: & ab hoc latere domus scelestissimi Mahumetis abest itinere trium dierum, Mecha dicitur, ubi arca Mahumetis, & ibi pæclara ciuitas, à Mauris culta, & mea sententia, is est sinus Arabicus, in quem, ut meminit Plinius, Alexandri Magni & Romanorum arma penetrauerunt, & Romano tandem paruit imperio.

De situ urbis Calechut, & de moribus regis, & de eius regia.

Cap. LIII.

ET VT reuertar descripturus urbem Christianorum Calechut, Vlisbona maiorem esse noueritis. Hæc igitur colitur ab Indis Christianis, qui in eum colorem inclinant, qui est inter nigrum & album, Bigas appellant: ibi templa compluria, & tintinnabula: uerum sacerdotibus & cultu diuino carent, tatum in suis delubris uiuantur uasa quædam cum aquis, tum etiam balsamo plena, omniq; triennio immerfi flumine quodam baptizantur. Is fluuius præterluit urbem, ubi templa ex lateritijs costilibus calcæque fabricata conspiciuntur more maurico. Diuisas uidebis urbes per uicos & angiportus, ut mos est in Italia, stratas nos appellamus, Galli ruas. Huius urbis regi incredibilis seruitus exhibetur à subditis, uiuit more regio ac sublimi fastu, longum seruorum ordinem post se trahens: admissionales, & ædituos ac cubicularios habet quamplurimos, regiamque pulcherrimam. Verum rex urbe aberat, cum præfectus classis nostræ appulit portum Calechut: qui ubi de eius appulsu certior est factus, mox illinc soluit, agebat in quodam oppido, quod distat à Calechut quinque uel sex leucis. Rediit igitur Calechut uiris ferè quinquaginta concomitantibus: & demum triduo transacto, iussit accerfiri præfectum classis nostræ: quem, ubi terram tenuit, illico excepere hominum quinque milia, & ad regiam deduxere principis, uiris duodecim comitatum: cuius fores obseruabant æditui decem, clauas gestantes ex argento faberrime factas. Deinde peruenere ad cubiculum regis, ubi rex iacebat in lecto imo, qui sic condecorabatur: Primo totum cubiculum stratum erat uiridi serico, uillosoque, uelutum appellant: at eius parietes cooperiebantur serico multiplicis coloris ritu Damasceno contexto: cubile uero instratum erat stragulo albicante, uerum aureis filis intertexto, conopeoque ditissimo inumbrabatur. Tum rex lecto sic est orsus ab imo, Qui mortales forèt, quò nam peterent, auide percunctatus. At nostræ classis præfectus, O rex inquit, Christianorū mos est, ut cum principem princeps per internuntium alloquitur, prius non promat legatus sui principis mentem, quàm astantes paululum secesserint: tunc rex innuit suis, ut parumper secederent: moxque præfectus classis regem his dictis alloquitur,



Regem uidelicet Portugalliæ iam pridem compertum habuisse, quanti facundus foret, utpote rex celsitudinis immensæ, ac Christiani nominis non contemptor, cupiebat propterea enixe in eius amicitiam, & necessitudinem recipi, si pacis & concordiæ supererit locus quispiam: & quòd in huius rei certius argumentum, per suum legatum condigne eum saluere iubeat, ut Christiani reges seruant, ut mutuis consalutationibus apprime gaudeant. Rex itaque legationem, & regis consalutationem perquam humane excepit, iussitque uni è summatis locupletioribus, ut præfectum nostræ classis honorifice domi exciperet, monuitque ducem, ut sereno animo conquiesceret.

De aromatibus & moribus Calechut.

Cap. LIIII.

IN HAC itaque urbe Calechut uisuntur ditissimi mercatores innumeri: hi sunt qui regem tum muneribus tum ingenio sibi conciliant, & ferè pro libito gubernant cuncta. Habent propterea Molcheam in foro, & ibi commercia exercent sua, plerunque sunt Mauri, uiri acres & exerciti mercimoniis. In urbem itaque Calechut comportant aromata ferè omne genus, uidelicet cynamum, piper, gariophyllum, zinziberim, thus, lacham. Sunt & syluæ sandalii condensissimæ, non tamen huiusmodi aromatum genera ibi nascuntur: sed ferè undequaque importantur, ab insula præsertim, quæ abest ab urbe Calechut leucis CLX, à continente autem leuca una, in eodem latere ubi sita est urbs Calechut. eò itur terrestri itinere XX dierum spatio: incolitur à Mauris, neque Christianis: Mauri dominantur, & inde plura aromata Calechut exportantur, quoniam ibi est emporium, & eorum statio: potior illorum moneta appellatur saraffi ex auro obryzo defecatoque: hanc cudit Soldanus Syriæ dominus, pondere nostri nummi aurei, eam granis binis excedunt saraffi: & ibi Venetorum, & Genuensium auri expenduntur, & moneta parua argentea, quam cudere Soldanum arbitrantur. Ibi etiam sunt panni ex serico omnium generum, coco alii, alii Tyrio, purpura, uel buccino infecti: ibi etiam uidebis byssinum, id est coccum Tyrio infectum, & id genus complura sunt, & panni auro intertexti plurifariam, Attalici dicuntur: æra autem fabrefacta, & stannea uasa plurima comperies. Et ut tandem finiam, ferè ibi nihil desiderant, quod ad humanum cultum pertineat. Et hæc mea sententia ex Babylonia Aegypti comportantur, Cayrum appellant,

De nauibus quæ cauent à magnete, & de pretio aromatum.

Cap. LV.

PORTVGALLENSSES in urbe Calechut commorati sunt, à die decimonono Maii usque in diem uicesimum quintum Augusti: & per id tempus uiderunt innumeras naues, ut puta supra mille ac quingentas, quæ ultro citroque commeant commercii gratia, & præsertim aromatum. Inter has naues quæ magnitudine alias excedit, non est capax CC doliorum. Earum sunt magnæ quædam, nonnullæ uero paruæ: unum tantum malum habent, id est arborem, nec nauigant, nisi uentum habeant in puppi, adeoque æstibus maris inturbantur, ut nonnunquam semestri ferè continuo, ut tranquillum fiat mare expectent: submerguntur plurimæ, & miro artificio sunt fabricatæ: sunt ta-

men

men debiles perinde ut armorū pariter ac tormentorū sint impatientes: quæ uero cōtendunt ad insulas, ut inde cōportent aromata omne genus, fundi sunt perquā mediocri, adeo ut paruo ad nauigandum alueo egeant. Aliæ sunt quæ idcirco absq; ferro sunt, quoniam uim magnetis pauent: nam is lapis uisitur supra diætas insulas, qua iter ipsi faciunt. Dum urbi appellere usu uenerit, illarum statio est in terra, in luto tamen. Id enim curant ex composito, ut tutius degant in arido: cum increfcit mare, dant operam ut eius æstu naues impellantur in sicum, & ibi tantisper manent, donec finitis commerciis soluere illinc complacitū fuerit: mare ibi crescit & decrefcit singulis sex horis, ut apud nos. Visuntur aliquando in sicco naues quingentæ uel DC, que res propè est incredibilis. Ponderus cinnami, id est cantatorum quinque pretium X aut XII ducatorum non excedit, si suam monetam consideres, id est zaraffos, ferè idem pretium erit, ut præfecimus. Vbi uero legitur, minore multo pretio, ut puta sex aureis pondus uenditur cinnami, tantundem uenditur piper, ac gariophyllum: zinziber uero dimidio minus. Lachaa uero ferè nihili uenditur, id efficit copia ingens, propterea uilipenditur. Itidem sandalium, cuius nemora uisuntur: pro his rebus nihil præter aurum & argentum, aut choralium recipiunt. Merces uero nostras præter linum paruifaciunt. Linum igitur ibi est in pretio: nam nostri nauæ camisas complures pretio non mediocri uendebant permutatione aromatum: licet ibi tela sit perquam subtilis & candida, quæ, ni fallor, Babylonī, quæ est urbs Nili, quam Cayram appellant, tunditur ut hic. Si soluendum est uestigal, pro centum quinq; soluunt: pretiosos lapides tulere paucos, & eos ferè pretii nullius: quoniam ut uerum fatear, defuit eis aurum & argentum, quibus commercia exercebant. Dicunt etiam subesse aliam causam, cur non tulerint lapides, quòd uidelicet maiore pretio quàm autumauissent uendebantur. Itidem de margaritis aiebant, nos tamen secus credimus: sed nobis persuademus eos perquam uili pretio uendi, licet à Mauris emantur, qui semper plus æquo rem æstimant, proque re una quatuor petunt, procaces nimium: attulere tamen hos lapides, uidelicet berillos, topazios, zaphyros, adamantes & chrysolitos, aiunt tamen præfectum classise misse lapides pretiosos complures, argumēto quòd omne suum argentum cum lapidibus huiusmodi permutauerit, uidelicet uasa aurea argenteaq; cælata, quæ causa splendidioris apparatus secum tulerat.

De Mecha ubi est arca Mahumetis, & de monte Sinai, & mari rubro.

Cap. LVI.

NAUES quæ comportant aromata omnium generum, inibi plerunque eundem sinum prægrandem traiciunt, quem Lusitani superatis illius angustis cymbis quibusdam, mare Erythræum, id est, rubrum traiciunt: dehinc terrestri itinere ad domum quæ dicitur Mecha, ubi Mahumetis arca uisitur, quæ à litore maris rubri abest introitus itinere dierum trium. Inde ad Babylonem, id est Chayrum Nili contendunt, transeunt ad radices montis Sinai, & demum per ficcā harenā, ubi turbo quandoque adeo sæuit pulueris, ut uento puluis agitatatus uiatores obruat: ita nonnullæ naues circumeunt totum eum sinum: aliæ fluuiū illum, ubi comperere gentes multiplices propè Mauris adiacentes, cum



quibus diutina bella agunt. Reperitur etiam in Calechut uinum maluaticum, quod fert Creta, id est Candia insula: ex Chaira tamen comportatur eò loci. Aiunt etiam quod nunc anni octuaginta faciunt, quibus nonnulli Christiani alibi eò iuere commercii causa: nam hi pileos gerebant in capite albos, oblongosque, ut solent Germani: barba his erat promissa inter nares & os, ut Byzantii mos est aulicis: cætera tonsi: barbæque huiusmodi mastuchos appellant: hæc ferebant uiros loricated ferreis loriceis, ac thoracibus, nostris non absimilibus: hastisque quibusdam utebantur, tormenta etiam habebant, uerum nostris minora: postquam consueuere singulis bienniis semel eò contendere, classẽ non mediocrem trahentes, utputa nauium XX aut XXV. Hanc gentem incolæ Calechut adhuc nesciunt, mercẽque præter linum quod deferunt candidum subtilissimũque, nauibus malos quatuor habentibus, ut Hispanæ, exportant aromata, eos igitur ex Germania aduenisse minime arbitramur: nam id haudquaquam nos lateret: uerum plus fidei habet, ut sint Tartari è Roscia profecti, ut referunt quidam, qui crebro arant maria: tamen breui speramus huius rei certiores fieri, interprete Medio piloto, qui secum profectus est, nunc apud præfectum classis captiuum agit: nam nolens nauigat.

De cibatu regis Calechut, & eius populis.

Cap. LVII.

AD DICTAM urbem Calechut Christianorum magnam uim tritici comportant Mauri suis nauigiis: una die uiuit homo pane ualoris trium quattrinorum, qui tertiam solidi partem complent: panem conficiunt absque fermento, non habent clibanos, uerum sub cineribus, ut nos aliquando placentas torrent, eũque faciunt in diem: oriza abundat, & bobus, uerum nostris multo minoribus, abundant etiam lacte & butyro, Assyriis malis, eisque dulcioribus, pomisque omne genus cetrinis, aliisque fructibus mitioribus compluribus: Cariotas habent recentes, & passas, & propè fructus omnium generum. Rex eius urbis ab omni morticino abstinet: nam is mos inoleuit apud eos, ut ipse rex, ac reliqui aulici & probi ferè omnes nihil edant, quod mortem patiatur: nullo ergo animali uescuntur, hoc argumento, quòd dominus noster Christus deus omnipotens tulit sententiam in Christiana historia, ut qui mortem intulerit, & ipse pereat, alludentes ad illa uerba: Qui ferit gladio, gladio peribit, uiri potius stolidi quàm simplices: at populus in promiscuum, & carnibus ac piscibus uescuntur, soluti his curis: non tamen necant bona animalia, ut sunt boues, eosque benedictos dicunt: & cum prætereunt, contingunt manibus, eosque deosculantur, ut nostri simplices deosculantur sanctorum imagines, cum manum ad os referunt deosculando non alia magis de causa, quàm quia ea tetigit imaginem. Verus itaque rex illorum lacte uiuit ac butyro, oriza quoque & aliis compluribus: eundem ritum in cibatu aulici & summates obseruant. Hic itaque rex arroganti ac superbo fastu recumbit, palmarum succo pro uino utitur, e uase argenteo bibit, ita tamen ut uas labra non contingat. Suspenso itaque uase, instar crateris uinum demittit guttatim, & ori infundit. Pisces ibi nostri haud sunt absimiles, regio frequens est piscatoribus: maiores equos nostris habent, uerum Mauri eos non magni faciunt.

De cogni-

De cognitione Christi quam habent, & de notitia pontificis Romani.

Cap. LVIII.

CHRISTIANI qui urbem Calechut incolunt, equitant elephantés, quoniam ea regio animalibus huiusmodi abundat: quæ ubi mansuescunt facillime rex cum aliquò contendit: trahit secum innumeram peditum multitudinē: nonnulli uero elephantis uesti, regem concomitantur. Rex uero humeris hominum nobilium fertur: uiri pubetenus tantum uestiuntur, cætera usque ad inguina nudi. Veste utuntur cotonina, quoniam eo panno abundant plurimum: utuntur & pannis sericeis, & in primis illustriores: at alii aliis utuntur uestibus, prout patitur illorum census & opulencia. At nobilium uirorū mulieres, etiam supra cincturam carnes uelant telis subtilioribus. Egregiæ uero scemina usque ad pubem tantum corpora tegunt. Mauri autem more suo uestiti incedunt, cooperiti ad talos usque. Abest hæc ciuitas ab Vlisbona leucis milibus & octingentis: quæ ratione subducta, ut leuæ cuilibet dentur miliaria quatuor, is numerus leucarum efficiet miliaria quindecim mille & ducenta: tantundem metiri oportet in regressu: quare si pensitatus quis consideret, quanto temporis interuallo id itineris perfici possit, comperiet profecto tantam locorum distantiam metiri non posse citius quàm decimosexto mense. Mauri uero nauæ ad ulteriores regiones duce Septentrione nauigant cum instrumentis quibusdam ligneis, quadrante uidelicet & astrolabio. A dextris semper cum sinu persicum traiciunt, referunt pilotæ illorum, id est duces itineris, quod ad meridiem supersunt insulæ XI mille illis inaccessæ, quas non adeunt, quoniam nimium tendunt ad meridiem, adeo ut non sit tutus accessus. Forte fortuna hæc sunt, quas nuperrime rex Hispaniarum inuenit. In Calechut habent mediocrem notitiam presbyteri Ioannis, uerum non exercent inuicem commercia, neque consuetudines: quoniam multum abest ipse à Calechut, introrsus plurimum. Christum credunt natum ex Virgine maria, neque peccasse unquam, & ab Iudæis cruci affixum, mortuumque, ac Hierosolymis sepultum. Papam uero sciunt Romæ degere: alioquin sanctæ Romanæ ecclesiæ notitiam haud habent aliam: norunt literas, & sua lingua scribunt.

De aromatibus, ubi nascantur.

Cap. LIX.

IBI IGITUR sunt innumeri elephantorum dentes, ac cotoni, sacchari: plurimum, & mea sententia quicquid est quo uita carere non possit, eo hæc regio exornatur ditaturque mirum in modum, crediturque uinum fore in pretio, quandoquidem eo libenter utuntur Indi Christiani: expetunt etiam oleum admodum. Ibi etiam eximie iustitia colitur quàm alibi gentium: nam si quis furatur aut occidit, ritu Turcarum palo affigitur atrocissime. Qui uero uestigalibus imponere uult, si deprehensus fuerit, totum perdit, mercēque ludit omnes. Inibi rursus inueniuntur unguenta ferè omne genus, ut sunt castoreum, ambra, storax, & id genus alia. Insula uero quæ mittit aromata, Zellum appellatur: ea est ultra Calechut urbem ad leucas fere C & LX, ubi oriuntur aromata: at arbores cinami & piperi fert alia insula introrsus continentem. Aiunt etiam circum urbem Calechut nasci piper & cinamum, uerum non ad perfectionem. Gario-



phylla deferuntur à remotiore plaga: reubarbari ibi plurimū, & aromata minitiora complura. Zinziber in mediterraneis oritur electissimum. Sinus quem præfeci, colitur eximie altrinsecus à Mauris. Post hæc intellexi melius à nonnullis, ipsum tantū à latere uno habitari à Mauris, ab altero uero uersus meridiē ab Indis Christianis, eisdēque albis ut nos, in littore maris æque ac in mediterraneis. Is est tritici ferax plurimi. fructuum & carniū, & propē omnis annonæ. Inde plura ad urbem Calechut deferuntur: nam regio ubi uisitur Calechut, obducta est harenis, habet humum ieiunam: & præsertim tritici & id genus est impatientis. Ibi etiam duo uenti solum flant in æstate, uidelicet Subsolanus, & hyeme Fauonius, siue Zephyrus: rerum omnium sunt elegantissimi pictores: urbs muro ambitur nullo, uerum domos continenter & in ordine positas, uicōsque maurico more habet. Eadem insula quæ fert cynamum, mittit & gemmas absolutissimas.

Portus aromatum Soldani.

Cap. LX.

QVOAD res Indas inuentas ab istis quibusdam meis literis reddidi uos certiores sigillatim: post uero superuenit pilotes ille, quem ui ceperant. Is uisus nobis est ex Dalmatia oriundus, tamen reuera erat Iudæus, ortus Alexandria: aut non longe ab ea terrestri itinere: iuuenis admodum Indiam adiuit, nunc in urbe Calechut uxorem habet & natos. Is dominus erat quatuor nauium: ibat propterea interdum cum classe, & de eius regione mira referebat: de diuitiis præsertim ac aromatibus, & cinamomo perquam eleganti, quæ omnia ueniunt ex insula quæ ultra Calechut ad leucas centum & quinquaginta uisitur, parūque abest à continente: oram Mauri tenent: piper uero & gariophyllum mittit ulterior regio, & in primis Iudæa, & ibi rex Iudæorum, uidelicet illarum decem tribuum, quæ ex AEgypto traiecerunt in Arabiam, superato mari Erythræo. Affirmant etiam innumeros esse idolorum cultores, gentiles uocant & Christianos propē nullos. Verum falluntur plurimi, qui arbitrantur ob id Christianos esse complures, quod uidelicet ecclesiæ uisuntur cum tintinnabulis plurimæ, quæ templa tamen sunt idolorum, quod profecto magis quadrat rationi: nam absolum esset dicere, quod ibi Christi nomen colatur absque diuino cultu, & præsertim à Christianis. Igitur ibi nec sacerdotes cernuntur, nec fiunt sacrificia quæpiam: asseuerant itaque nullos esse inibi Christianos, quàm eos qui presbytero Ioanni parent, qui distant mirum in modum ab urbe Calechut, cum citra mare Erythræum existat, non longe à rege Melindarum, in Africa introrsus multum uersus Nigritas, prope Guineam. Is presbyter alibi Soldano confinis est, haud longe à Nilo, ubi Babylon urbs uastissima, nunc Cayrum dicitur. Hic itaq; presbyter Ioannes habet sacerdotes qui diuina exequuntur, ut nostri Euan-gelia colunt & obseruant, necnon alia ecclesiæ mandata ut reliqui Christiani haud contemnunt, parūque in cultu diuino à nobis differunt. Soldanus autem in mari Erythræo portum habet, & ex Alexandria AEgypti ad portum maris Rubri contendunt itinere terrestri dierum octuaginta: tantum abest ab Alexandria. Ibi uideas aromata omne genus: eò enim comportantur ex urbe Calechut. Non longe etiam à dicta urbe uisitur quædam insula distans à continente leuca una, ubi innumeri piscatores uisuntur, qui margaritas multiplices piscantur.

piscantur. Ibi nullæ sunt aquæ ad potandum suaves : uerum hi nautæ proficiuntur ad quoddam flumen sine utribus ac doliis, sed solis nauibus hauriunt aquam. Armenta, cum naues rediere, ilico currunt ad mare, ut aqua dulci satientur, quam abunde naues, ut præfeci, comportant. Hæc insula est citra Calechut itinere leucarum sexaginta, & colitur à Gentilibus, id est idololatræ. Vaccas & boues eximie colunt, utpote benedicta animalia. adeo ut si quis læserit quodpiam illorum, is protinus morte pœnas luat, non aliter quàm pro furto. In cibatu igitur animalia huiusmodi non habent. De insula uero Taprobane, de qua satis ac super scripsi, alia non habemus, nisi quod credimus ipsam innatare uastissimo pelago, & abesse plurimum à continente.

De instrumentis nauigandi, & quanti merces inibi uenduntur.

Cap. LXI.

IN VRBE Calechut est templum, quod ingredi nefas est. Impune id ingredi non licet cuiquam die Mercurii ante meridiem : nam si quis ante id horæ ingressus fuerit, mox moritur ob dæmonum conspectum, qui per id tempus inibi ferè innumeri conspiciuntur. Addebat etiam Iudæus qui captus fuerat, diem esse quendam in anno, quo in dicto templo suapte natura lampades quæpiam accenduntur, & rem monstrificam ac portentosam efficiunt. Inibi nauigant absque pyxide, sed solo quadrante ligneo : quæ res uisa est difficilis admodum, & in primis cum celum inumbratur nubibus, adeo ut stellæ uideri non possint. Ancoras habent perquam mediocres, quas quando iaciant adhuc igno-ramus. Temones nauium alligant funibus, & longitudine excedunt nauium transtra palmis ternis : omnia nauigia eius regionis fabricantur incolæ urbis Calechut, quia alibi arboribus & omne genus lignis carent. Potiores merces eius regionis sunt corallia, & æra fabrefacta in uasa, ut in cacabos & sartagine, uel ahe-na, & id genus plura, necnon in laminas. Conspicilia magni penduntur plurimum, adeo ut alicubi gentium par unum conspiciolorum pretio uendatur eximio. Sunt etiam ibi in pretio telæ rudiores, uinum & oleum : panni ex auro ferè nulli, & alii panni ferè omnium generum.

De elephantis, & titulo regis Portugalliæ.

Cap. LXII.

HIC NOSTER rex Portugalliæ in his rebus animi est quidè non mediocris, uerum eximii: argumento est classis quam parat in expeditionem Indicam: nam in præsens naues quatuor expediuntur, ac celoces duæ omni annonæ genere perquam munitæ, ut mense Ianuarii præsto adsint ingentissimis refertæ mercimoniis, inque eis armamenta omne genus, ut si forte fortuna rex Calechut renuat oblatam conditionem, & nostræ gentis contubernia spernat, discat ui dare aliquando, quod amicè potuisset. Hæret igitur animo illi, ut cum opus fuerit, sua classe naues fuitiles ac nullius pæsi regis Calechut profliget. Quod si pro arbitratu succedet, quoniam uix referre possum, quàm parui sint momenti, & uirium nullarum orientaliū meridionaliūmq; nauigia, ubi nostris collata fuerint: inter cætera fulcare maria nequeunt, nisi uentum habeant in puppi: uerum ibi nauium propè infinitus numerus uisitur: & ultro citroque commeat ferentes aromata ferè omnium generum. Potissima animalia eius regionis sunt elephanti: his bella conficiunt:

c. iiii.



turres quasdam imponunt eis, capaces trium uel quatuor uirorum, qui de turribus huiusmodi præliantur: moderatorem habent, qui turrita animalia regit, ut commemorat Plinius. Eis reges se suæque tutantur: alii in exercitu ad bella ducent elephantorum M D C. alii M D C C C. alii minus, prout sumptus exigunt illorum. Quando naues appellunt onustæ, id fit ui elephantorum: currunt effusissime: & licet uix sit dicto fides, fabulæque censeatur, rem tamen ueram denarramus. Aiunt etiam quanuis ibi sit copia elephantorum, eos tamen uendi pretio ingenti, si alias res spectaueris. Præfectus classis nostræ, nec alii lapides pretiosos tulere: quare nobis persuademus haud difficulter, lapides huiusmodi inibi haud quamquam reperiri, sed è lōgiore regione conuehi, sitque propterea ut eius regionis principes magni pendant lapides pretiosos, storax, castoreum, & alia id genus plurima. Quicquid autem deinceps de rebus huiusmodi comperti habebimus, mox uobis colliquescet. Hic rex noster harum regionum iam titulum gerit, uidelicet, Rex Portugalliæ & Algarbiorum citra & ultra mare in Africa, & Guineæ dominus: & per nautas suos cum Arabibus, Persis & Indis commercia exercet.

Quomodo rex Emanuel dedit præfecto classis regionum trophæum.

Cap. LXIII.

ANNO M D, rex Portugalliæ serenissimus classem nauium duodecim in Indiam expedit, cui præfecit Petrum quendam Aliares, ac Abrilum Fidalcū: & hanc classē omni genere annonæ & armamentorum communiuit diligentissime, tantūque annonæ naues comportarunt, ut uictui mensium decem & octo abunde sufficeret, data eis lege, ut ex duodecim nauibus decem ad urbem Calechut contenderent, duæ uero in Arabiam. Igitur hæ duæ diuertunt commercii gratia in eam regionem, ubi locus est dictus Zaphal, secus iter quo itur Calechut. Itaque naues decem prædictæ eas merces domo secum attulere, quas crederent Indis & Persis haud fore ingratas. Ergo octaua mensis Martii anni prædicti, nauibus iam præparatis itineri, rex Portugalliæ concessit ad locū quendam ad secundum urbis lapidem, cui nomen est Sanctæ Mariæ de Baleira, non alia de causa, nisi ut daret præfecto classis nostræ regionum trophæum. Hæc itaque classis soluit illinc die Lunæ nono Martii, cælo sereno, ac felicibus auspitiis. Igitur die XIII, dicta classis superauit insulas Canarias. Item die XXII præteriuit capitis uiridis insulam. Item die XXIII quædam nauis digressa est ab aliis, & quod concesserit, adhuc nobis est incognitum: nam nusquam apparuit.

Quomodo naues iactabantur fluctibus.

Cap. LXIII.

VIGESIMAQUARTA Aprilis, die Mercurii, in octaua Paschæ dicta classis uidit continentem quendam: ob quam rem gauisi sunt plurimū: propterea misere exploratores, qui uiderent quæ gens illas terras incoleret: qui mox comperere ibi esse arborum uim maximam, & gentem quandam litus obseruantem. Iactis itaque ancoris, rursus cymbam mittunt, quæ diligentius scrutentur regionem, ac eius incolas. Iuere igitur: & ubi redierunt, retulere gentem esse eius coloris, qui mediū est inter album & nigrum, eosque uiros habere habilissima corpora, ac capillum promissum, & nudos esse, sicuti exeunt ab utero matris, omnique uerecundia carere, & eorū singulos arcus ferre cum sagittis, utpo-

te qui

te qui littori fluminis custodiae praeerant : uerum nullus erat in dicta classe, qui eorum linguam calleret. His ergo conspectis cymba rediit ad classem : & dum nox humida caelo praecipitat, surrexit atrox tempestas, quae plerumque noctu saeuit : mane uero sequenti sublati ancoris, adhuc undabundo mari ac saeuiente, percurrimus tamen littus quasi ad Aquilonem, flante Euro, ut si forte fortuna nacti fuissetus portum aliquem, ubi tutius classis conquireret. Tandem peruenimus ad portum quendam, ubi iecimus ancoras : etiam nacti sumus Ananinos, qui paruis cymbis portabantur : hos adiuere è nostris quidam, & duos ex eis ceperunt, & ad praefectum classis duxere ut intelligerent quanam gens esset : quoniam idioma illorum nemo adhuc intelligere potuerat : nam nec nutu, nec signis quae exponebantur intelligebant. Igitur praefectus classis praedictos Ananinos penes se nocte una habuit : & ubi uidit nullum esse cum eis humanae uocis commercium, eos dimisit indutos tunica interiori, & ueste alia birretoque quod eis summe placuit, nam nudi incedeabant : propterea omne genus uestis admirabantur, utpote rem hactenus non uisam.

De radicibus, quibus panem ibi conficiunt, & quibusdam aliis moribus.

Cap. LXV.

E A D I E quae erat octaua post festum Paschae, id est uigesima sexta Aprilis, praefectus classis nostrae decreuit missam audire : propterea iussit praeparari tentorium, sub quo diuina officia celebrarentur : & post missarum solennia omnes dictae classis concioni diuinæ interfuerunt : eo etiam conuenere multi ex illis populis, qui tripudiis & saltationibus insisterant, quique cornu intonare, dum diuina celebrarentur : & mox peractis missis unusquisque dilapsus est in suam nauim. Incolae uero regionis illius desiliebant in mare, immergebanturque usque ad ulnas canendo, gestiendo, multaque alia laetitiam prae se ferentia agendo. Post haec praefectus classis cum pransus esset, signum dedit cunctis ut naues pro libito egrederentur. Itaque egressi omnes ceperunt cum incolis eius regionis ludere, magnam uoluptatem sumentes ex illorum saltationibus & tripudiis : & demum ceperunt exercere inuicem commercia : nam incolae pro panno, papyro, & aliis minimis, arcus & sagittas dabant : & tandem in his permutationibus mercium totam diem consumpsere : & inibi inuenere flumen ad potandum suauissimum : & cum aduerserauisset, redire ad suas naues omnes. At sequenti die praefectus classis decreuit aqua & lignis rursus nauem communire. Igitur illius iussu nautae omnes aequatum & lignatum profecti sunt, adiuuantibus illis populis : nam cateruatim confluebant, ut nobis essent auxilio. Iuere etiam è nostris complusculi, ut illorum domos & habitacula uiderent : habitant enim longe à mari ad tertium lapidem : & permutarunt suas merces cum psitacis & radice quadam, quae dicitur igname, qua panis illorum conficitur, eoque utuntur Arabes : nam nostri pro his rebus dederunt supradictas merces : & ibi sex dies permutando nostra cum suis triuimus. Quo ad mores illorum non ab re fuerit pauca commemorare. Sunt igitur, ut supra meminimus coloris qui est inter nigrum & album, pardum appellant : nudi semper incedunt, nullus est eis pudor, neque uerecundia : capillum promittunt, barbā uero & oculo rū palpebras uellunt, & inibi depingūt uaria colore multiplici, ut albo, nigro, &



coelesti, necnon rubeo : & ferunt labrum oris inferius perforatum, & in foramine huiusmodi ponunt ossa instar clauis : alii autem lapillos ferunt eiusdem coloris, adeo ut uideatur totum labrum gemmatum : itidem mulieres agunt, suntque sine pudore, uerum pulcherrimæ, & capillos per humeros leniter demittunt : domos habent ligneas, quas foliis & ramis arborum cooperiunt, suffulciuntque eas innumeris columnis : & in medio earum ad parietem collocant rete bombicinum appensum, in quo homo inuoluitur : & rursus rete aliud, quoad continenter plura in ordine disponant, interque ea rogos accendunt, efficiuntque ut in cœnaculo uaria cubacula & retia parietum uicem suppleant : nam retibus discretæ sunt eorum habitacula.

De psitacis inibi repertis.

Cap. LXVI.

IGITUR eadem regio caret ferro & omnifariam metallo : propterea ligna incidunt lapidibus præcutis : abundant uero omni genere auitorum, præsertim psitacorum multiuigi coloris, tantæque proceritatis, ut cum gallinis magnitudine contendant. E' pennis uero auium pileos & birreta conficiunt. Terra abundat arboribus ferè omnis generis, aquisque irrigua admodum : milium fert, & ignamen herbam, unde panis illorum conficitur : necnon gossipii mittit plurimum. Ibi animalia uidimus nulla. Regio est uastissima, & an sit insula uel cotinens, nondum satis liquet : uerum nos inclinauimus in eam sententiam, ut sit continens, ob immensam uastitatem. Cœli est saluberrimi, & incolæ retia habet ferè innumera : quoniam omne uitæ suæ tempus terunt piscando : nam piscantur pisces quasi omne genus. Inter cæteros pisces qui inibi eminent, unum uidimus, qui dolium non quidem mediocri crassitudine excedit : & rursus idem longitudine duo dolia superat, & formæ est obrotundæ, caput habet ut sus, uerum oculos paruos, dentibus caret, sed aures longitudine & latitudine brachii mensuram excedunt : in inferiori parte corporis duo habet foramina, cauda illi est oblonga, eademque lata supra brachii mensuram : & loripes erat : in aliqua corporis parte uidebatur habere suis cutem : corium densum supra digiti mensuram. Interea temporis dum illic agebamus, præfectus classis decreuit de his rebus regem reddere certiores, & in ea regione uiros duos, iam ob scelera morti addictos dimittere : nam ex his complures secum trahebat. Itaque ilico præfectus classis nauim expediuit in Lusitaniam, quæ regem harum rerum certiores faceret : nec ob id numerum duodecim nauium minuit : quoniam hæc nauis ultra dictas duodecim naues ad tales casus ducebatur. Literæ erant eius tenoris, quod narrabant ex ordine omnia nuperrime inuenta à Lusitanis. Hoc facto mox mittit quosdam, qui in littore crucem eminentissimam figant, ceu nostræ fidei trophæum : & in eodem loco duos, ut præfeci, morti addictos deseruit : qui ubi uidere se destitutos omni Christianorum auxilio, flebant mœstissime. At incolæ regionis illius eos solabantur, miserati eorum conditionem.

De ingenti tempestate, qua naues quatuor submersæ sunt.

Cap. LXVII.

IGITUR sequenti die, secunda erat Maii, anni eiusdem, explicuimus uela, iter

iter dirigentes uersus caput Bonæ spei : & id maris iter leucas ferè habet MCC, id est, miliaria quatuor mille. Die uero duodecimo eiusdem mensis nobis nauigantibus Cometa quidam apparuit Arabiam uersus, cuius radii promittebantur plurimum: sicque cometa diebus octo aut decem iugiter apparuit die noctūque: & tandem die dominica, uicesima quarta mensis Maii, dum iter nostrū prosequeremur, & classis omnis felicibus uētis potiretur, capientes uentum non pleno malo, sed medio, ob pluuiam quæ præcesserat, ecce uentus turbinis repentino flatu inuasit nautas, egitque ut naues propè omnes submergerentur : nam quatuor ex nostris nauibus inuertit submersitque, nec ultrà earum quampiam uidimus: adeo enim concite eas corripuit tempestas, ut eis auxiliari nequiuimus : quippe qui parum & nos aberamus à morte. At naues septem quæ supererant, uentū in puppi accipientes, dei clementiæ haud diffidentes nauigabamus. Dum itaque priore tempestate perterriti mœstissimum iter prosequeremur, ecce atrocior procella cœpit mare interturbare, & effecit ut plus solito sæuieret : adeoque iactabamur fluctibus, ut uideremur cœlum conscendere, dum fluctus nos in superiora impellebāt: cum uero demittebamur, ipsum Acheronta petere arbitrabamur, tanta erat inundatio aquarū. Vela facere uentis prohibebat tempestas : igitur luctamur cum Neptuno, & in uarias partes disjungimur : eoque discriminis perueneramus, ut altera alteram conspiciere non posset : nam nauis quæ classis præfectum uehebat, id est prætoria, cum duabus aliis iter aliò cepit : quò tamen pergeret non satis sciens. Alia uero nauis, quæ regis nomen obtinebat, aliò profecta est, comitantibus duabus aliis. At ea quæ sola supererat, infelicior cæteris, errabunda per se mare sulcabat. Sic itaque alto iactati per dies X, hanc maris sæuitiam perpepsi sumus.

De Zaphala auri mina.

Cap. LXVIII.

TANDEM sextodecimo Iulii fauentibus superis, Arabiæ littora cōspeximus, & illò nauigia dirigentes ancoras iecimus. Erat ibi ingens piscium copia : cepimus ex eis complures : nec tamen quisquam nostrum continentem applicuit : solum enim littori adhæsimus : uidimus tamen regionem illam populis ferè innumeris cultam. Tunc sublatis ancoris, & secus littus iter prosequentes nostrum, plurima uidimus flumina, ac animalia complura. Erat profecto frequens habitatore, cum hominibus, tum etiam multiuguis animalibus : tandem nauigando peruenimus ad quandam auri minam : ea est in loco qui dicitur Zaphala : & ibi erant duæ insulæ, ubi naues duæ Maurorum commorabantur commercii causa : hæ enim aurum uehebant ad regnum Melindæ : quæ quidem naues ubi nostram classē conspexere, mox effusissime fuga sibi consulere terram petentes : & aurum quod uehebant, in mare proiecerunt, ne nos eo potiremur. At præfectus noster ubi hæc uidit, in eos uela fecit, cepitque naues huiusmodi, in quibus parū adhuc supererat auri. Captos igitur compellere cepit & percunctari, quænam gens foret undèue ueniret, & quò pergeret. At dux Maurorum, Mauri, inquit, sumus, regi Melindæ necessitudine arctissima coniuncti, ex insula quæ Zaphal dicitur uenimus, uxorem ducebam mecum, & dum classē uestram conspeximus formidantes, terram appellere



festinantius uoluimus, ea maris obruta est fluctibus: idem casus nato obtigit meo. Tum nostræ classis dux, ubi accepit eum regis Melindæ affinem esse, ægre tulit eorum iacturâ, solarique cœpit eos, honorifice admodum ipsos excipiens in memoriam tanti regis, cum quo nobiscum maxima amicitia intercedit, & in primis cum nostro rege. Iussit itaque ut illorum naues reponerentur: & siquid auri sublatum fuerat, id totum mox restitueretur. Tunc Maurorum præfectus percontatus est nostrum ducem, an fascinatorem haberent quempiam, qui incantationibus pessundatum aurû extrahere posset. Cui noster dux infir: Nos Christum deum colimus, qui arcte nobis has fascinationes exercere prohibet: propterea ab re huiusmodi temperamus. Rursus ab eo noster præfectus quærît, ubi sit dicta Zaphala, quam ipsi adhuc nesciebant, uerum fama eius adducti adnauigabant. Tum Maurus ait, Zaphala est insula quæ aurum fert, ea paret regi Mauro, qui insulam incolit Choloam nomine dictâ, nec à uobis abest in eodem itinere quod tenetis, sed iam eam præteriuistis nonnihil. Tunc præfectus, ubi hæc intellexit, signum dedit ut uela daremus uentis, à nostro itinere haudquam declinantes. Tandem X X Iulii applicuimus insulam quandam ditionis regis Zaphal, nomine Monzobinghe: ea est habitatore haud frequens: uerû ibi uiuntur diuites complusculi, qui inibi commercia exercent. Eò igitur ubi deuentum est, corpora curabamus, ducemque itineris accepimus, pilotum appellant, qui nos Achiloam duceret, ea est insula, ubi portus est perquam opportunus, non longe à continente. Igitur hinc soluimus Achiloam uersus, littori semper adhærentes, ubi innumeras conspeximus insulas eximie cultas, ac ditionis eiusede regis: & tandem Achiloam peruenimus XXVI mensis eiusdem, eoque simul naues sex deuenerunt uario itinere: at septima nusquam comparuit. Hæc itaq; insula parua est admodum, & continenti propè coniuncta: regio est aprica ac pulcherrima: domos habet eminentes more hispanico, & ibi locupletissimi mercatores: quoniam scatet auro, argento, ambra, castoreo & margaritis. Incolæ induuntur cotoño albo, nec non serico perquam eleganti: uiri sunt nigerrimi.

De congressu regis & præfecti.

Cap. L X I X.

HABITO itaque saluo conductu, quo impune cum rege colloqui posset per internuntiû, primo cœpit regem adire. Misso igitur Alphonso Furtado, qui uicem legati supplebat, concomitatus sex uel septem uiris, elegantissime, ut assolet, indutis, his uerbis alloquitur regem, Classem esse regis Portugalliæ, quæ eò accesserit solius commercii gratia, ferrêque complura mercimonia, quæ forte regi erunt haud ingrata: cupere propterea præfectum classis regem coram uidere, uerum ex mandato regis Portugalliæ non posse impune terram appellere, nec nisi in cymba regem adire posse: hunc esse ducum classium morem uetustissimum, ne correpto principe mox ruerent omnes qui de eo pendent. Ad hæc rex respondit se descendurum perquam libenter ad mutua colloquia, s'equæ uicissim cupere præfectum uidere tantæ classis. Igitur sequenti die conuenere rex & præfectus, uerû cymbis uariis: nam nostri tormenta expediuerunt, gentemq; omnem cum signiferis, buccinatoribus ac tibicinibus, & choraulis: at rex almadias exornat suo more, tibiis & cantu exultas: cohors nobilium regem concomitatur suum. Igitur præcedentibus facialibus colloquuti sunt. Tunc nostri torméta ferè omne  
genus

genus exonerarunt, tanto fragore edito, ut mare totum contremisceret, & cœlum reboaret eximie: quæ res & regem ac suos adeo perterrefecit, ut stupidi penè hæserint omnes, his nunquam afflueti. Postquam mutuo colloquio uterq; potitus est, ad sua quisque rediit. Sequenti itaque die rursus præfectus Alphonsum emisit, qui cum rege nauaret operâ de mercimoniis permutandis aliquando: uerum longe aliter rex uisus est sentire, quàm præfecto pollicitus fuerat: plura enim excusabat, & in primis ipsum mercium nostrarum non egere, & piratas propè arbitrari. Re itaque infecta Alphonsus rediit ad classem, inibi tamen ad tres uel quatuor dies commorati, nihil consequuti sumus. Interea temporis rex metuens ne genti suæ uim inferremus, aliquam insulam peditibus complufculis communiuit. Hoc uiso præfectus noster illinc soluit, & uela dedimus uentis uersus regnum Melindæ: & inter nauigandum longe à littore multiplices conspeximus insulas à Mauris cultas: & ibi urbs quæ dicitur Mombaza regis Mauri, suntque hæc Arabiæ littora à Mauris culta. In insula uero introrsus aiunt esse Christianos, qui, ut dicunt, magna bella faciunt, id tamen nobis fuit incompertum.

De muneribus regis Portugalliæ missis ad regem Melindæ.

Cap. LXX.

IGITUR die secunda Augusti mensis eiusdem deuenimus ad regnum Melindæ, & ibi tres naues regni Gambæ ancoras iecerant: nam qualibet earum capax erat amphorarum ducentarum: hæc enim mira arte sunt compactæ, absque ferro uidelicet, sed ferrumine nescio quo, thure admixto: arcem non habent in protra, sed in puppi tantum, castellum uulgo appellant: redibant naues huiusmodi ab Indica prouincia. Eò ergo ut applicuimus, mox rex munere multiplici nos donari iussit: id munus erat, arietes complufculi, gallinæ propè innumeræ, anseres plurimi, & mala Assyria ferè omne genus, quæ quidem suauitate mira omnia alia præcellunt, argumento quòd ægris, protinus eis gustatis plurimum conferunt. Vbi itaque terram appulimus, præfectus classis iussit de more ut tormenta exonerarentur: duosque negotiatores emisit, quorum alter idioma Arabicum callebat, eisque mandat ut regem ex se adeant, illique renuntient classem huiusmodi aduenisse, ut ipsum nomine regis Portugalliæ uisat, & donet munere non ingrato, præfectumque ad ipsum literas habere sui regis: quæ omnia libens audiuit, supra quàm referre queam: & eum qui linguam Arabicam nouerat, apud se ea nocte habuit. Cum uero illuxisset, Mauros duos uiros haud inhonoros ad classem misit, qui Arabico sermone præfectum alloquerentur his uerbis, Gratum uidelicet habuisse eius aduentum, rogarèque propterea ut si alicuius egeat, quod regis foret, eius rebus æque uteretur ac suis, crederetque esse in regno Portugalliæ: quandoquidem erant sua omnia cum rege Portugalliæ communia, ob amicitiam quæ iam pridem inter eos intercessit. Præfectus uero his auditis decreuit literas quas habebat mittere ad regem, necnon munera huiusmodi, uidelicet ephippias quasdam exornatissimas, par unum frontaliū equorum, stapedes & calcaria argentea, pectoralèque equi unius: & habito super hac re consilio, uisum est cunctis ut munus regi offerret Arachorea negotiatorum primus. Hunc comitati sunt complures ex nobilioribus classis, præeuntibus buccinatoribus. Rex itaque ubi hæc audiuit, illustriores quosdam præmisit, qui occurrerent ne-



gociatori. Regia principis portui adiacet : & prius quàm appropinquarent ædibus regiis, obuiarunt mulieribus quibusdã patinas igne plenas feretibus: quibus in iecerant odores ferè omne genus, adeo ut fragrantia multiplici opplerent totam terram. His igitur odoribus excepti ad principis regiam deueniunt : ubi rex in sede regia sedebat, satrapis complusculis Mauris astantibus. Qui cum primum munera uidit, gaudius est plurimum : acceptis etiam literis, quæ ab altera parte subscriptæ erant charactere Arabico, ab altera uero Lusitano : quibus perlectis cepit cum suis Mauris lætari & gestire: & tandem omnes uno impetu exclamarunt in cœnaculo, reddentes gratias deo, quòd eius permissu cum tanto rege, ut est Portugalliæ dominus, inissent fœdus & amicitiam. His igitur oblectatus muneribus, negotiatorem rogauit plurimum, ut tantisper apud se ageret, donec classis illic commorabatur : quoniam mirum in modum gaudebat secum de rebus Lusitanis commentari. Et Araschorea respondit, id sibi haudquaquam licere præfecto inconsulto. Tum rex ilico sororium cum anulo suo ad præfectum classis mittit, qui ab eo impetret, ut Araschorea regi morem in petitis gerat, simulque hortaretur eum, ut regis & regni rebus uti non differret. Huic itaque mox dux classis est obsequutus. Hoc accepto rex iussit domum pro Araschorea magnificentissime præparari, datis prius omnibus quæ uictui erant necessaria, ea uidelicet quæ regio meliora ferebat, ut sunt arietes, gallinæ, oriza, lac, butyrum, cariotæ, mel, ac fructus, & id genus complura: panem uero non misit, quoniam eo haud utuntur. Itaque triduo apud regem fuit Araschorea : & id tempus ferè omne consumptum est in colloquiis & commentationibus rerum Portugallensium : nam res de rege Portugalliæ adeo libenter audiebat, ut uix discedere quiret ab his colloquiis. Petiit etiam perquam auide, ut ipse ac dux classis mutuo frui possent colloquio. Cui Araschorea inquit : Rex serenissime, scito duci nostro minime unquam licere terram appellere, ne classem deferat : tu uero, si tibi cordi hæsit uirum compellare, id non consequeris, nisi cymba uectus, perinde ut mare non deferat: quoniam hoc est nostri regis edictum. Idem fecit Achilox rex, ubi sibi complacitum fuit conuenire ducem. Subrecusabat rex quippe qui cum esset tanti, ad minorè ire dedignabatur: tandem persuasus Araschoreæ uerbis consensit: tunc Araschorea certiores præfectum classis de gestis apud regem fecit: quibus acceptis, dux classis cymbas paruas exornari iussit, prouiso prius ne classis iret in diuersa. Cymba uero qua uehebatur, taliter exornabatur, Primo strata erat cocco & purpura, & aliis aulæis inumbrata, necnon uiris strenuis, eisdemque armatis communita. At rex & suas cymbas, almadias uocant, suo ritu exornat : iussit etiam equum sibi sterni more Lusitano, uerum non inueniebatur qui hanc operam nauaret, nescientibus eis nostrum morem : nostri ergo equum huiusmodi strauerunt. Strato itaque equo rex scalas descendebat : quibus descensus, mox affuere regni illustriores, qui inibi regem præstolabantur, arietem habentes: quem ubi rex descendit exenterarunt, & exenteratum equi pedibus subigunt, mox à rege equite conculcandum : & is mos eis pro ceremoniis & fascinationibus prius quàm rex domum exeat, & clamore ingenti edito regem persequerentur. Hunc morem etiam seruauit in Zambombac. Rex igitur & dux conuenere, amicæque ut sunt colloquuti, in sua quisque loca dilapsus est:

non

non prius tamen uale dixit regi præfectus, quàm ab eo impetrauerit ducem itineris, hoc est pilotum, qui iter ad Calechut optime sciret. Vbi itaq; rex domum rediit, ducem rursus donat munere multiplici, id est, eduliis ferè omne genus, promissumque mittit pilotum. Is erat ex naue Chombaia, probe sciens itinera. Dux uero noster inibi duos addictos morti ob scelera reliquit, unum apud hanc gentem Melindæ regni dimisit: alterum uero nauem Chombaia, de qua pilotum susceperant, sequi uoluit. Itaque sequenti die, quæ erat septima Augusti, iter cepimus uersus Calechut, incipientes sinum magnum traicere, qui non longe abest à mari Persico.

NAVIGATIONIS FACTÆ EX  
VLISBONA IN CALECHVT, LIB. III.

De mari Rubro ac Persico, necnon de insula Angradida.

Cap. LXXI.



**D**V M itaque regnum Melindæ deseruimus, à latere urbs insignis est relicta, eam Mauri incolunt: diues est & pulchra admodum: & paulo supra uisitur magna insula, inque ea urbs altera, incincta muro, & pulchritudine cum superiore contendit. Ad insulam itur ponte, cui nomē est Zognotorre: & dum ultra prouehimur, mox occurrunt angustia maris Rubri, quæ latitudine patent leuæ & dimidia. Ibi est Mecha, id est arca Mahumetis, & diuæ Catharinæ mausoleum, situm in monte qui dicitur Sinai. Inde exportantur aromata quasi omnium generum, lapidesque pretiosi deferuntur in Babyloniam Nili, cui nomen est Cayro. Hæc aduehuntur dorso dromedariorum, qui sunt cameli electi. In hoc mari sunt complura referenda digna miratu. Superato angustiarum ostio, mox mare Persicum uisitur, & in eo prouinciæ complusculæ, quæ magni Soldani regna contingunt: nam mare Rubrum & Persicum sunt duo sinus, quos Oceanus meridionalis, siue Indicus facit. Igitur in sinu Persico est insula parua, dicta Gulphal, ubi innumeræ sunt margaritæ: & in ostio huius maris Persici est insula prægrandis, dicta Agremus, quæ paret Mauris, cum alia insula Gulphal. Ex ea itaque insula Agremo equi complures ueniunt, quos Mauri ducunt in Indiam, uenduntque pretio immodico. In hac regione fiunt commercia propè innumera. Superato itaque sinu Persico, mox sese offert prouincia Combara, quæ regem habet, & feracitate ac deliciis omnibus contendit cum lautioribus totius orbis prouinciis: inque ea tritici, siliginis, orizæ, saccari plurimum: Panchæ à Latinis dicitur, unde Virgilius,

Totâque thuriferis Panchæ pinguis harenis.

Hæc itaque thura mittit per totum orbem, sericum etiam & xylon, multosque equos & elephantos. Rex seruit idolis, & nuperrime in regnum inauguratus est, persuadentibus Mauris, qui ibi sunt frequentes: idolæque colunt ferè omnes, interque eos mercatores complusculi sunt, qui hinc cum Arabibus, inde cum Indis commercia exercent. Ab his auspicatur India, & per eius latus itur in urbem Calechut, & in eo latere complures uisuntur prouinciæ, & Maurorum regna idola colentium. Tandem XXII Augusti applicuimus ad eam prouinciā quæ



India dicitur, quæ ditionis est regni Gogæ: eaque cognita, iter nostrum profectebamur, donec deuenimus ad quandam paruam insulam, quæ dicitur Angradida, & à Mauro quodam possidetur: inque eius umbilico lacus ingens, qui aquam potu suauem haurientibus propinat, aliàs culta, nunc inculta admodum: auri est ferax, & à continente miliaribus duobus abest. Illac transeunt Mauri, qui Mecham adorant, dum ad urbem Calechut contendunt: cogunturque eà transire ob aquarum ac lignorum penuriam, quæ alibi gentium est maxima. Itaque eò tandem deuenimus, & iactis ancoris in terrâ descendimus, ut & aqua & lignis rursus classis communiretur: fuimusque ibi per dies ferè X V. Interea obseruabamus, an almadiæ Mechæ aduentarent, quoniam decreueramus eas, si potestas fuisset in manibus nostris, capere. Dum igitur sic immoramur, conducebant ad nos multa undequaque populi, qui libenter nobiscum loquebantur, plurique referebant: eos propterea honorifice excipi à nobis classis præfectus iussit, & in ea insula uisebatur parua admodum classis, ubi compluribus diebus immorati diuinis insistebamus, id est, solenniis missarum: & unusquisque nostrum sacram Eucharistiam sumpsit: nam ibant nobiscum complures sacerdotes, ut cum negociatore patriæ nostræ uitam ducerent in urbe Calechut. Peractis igitur diuinis, lignisque & aqua rursus communiti, frustra expectantes naues Mechæ, illinc soluiimus, ad urbem Calechut contententes, quæ abest ab hac insula leucis L X X.

Quomodo dux classis profectus est ad regem Calechut.

Cap. L X X I I.

ITA QUOE die tredecimo Septembris eiusdem anni peruenimus ad urbem Calechut, cuius incolæ ubi nostri aduentus certiores facti sunt, effulse nobis occurrerunt, uecti cymbis extra urbem ad primam leucam. Inter eos qui nobis occurrerunt, erat quidam mercator de Culurate locupletissimus, ac nonnulli urbis primores, qui nostram aduentes classem, prætoriam nauim ingressi sunt, his uerbis ducem consalutantes, Regi placere plurimum quòd incolumes aduentauerint, quòdque nihil illi gratius obuenire posset, quàm quòd utantur regis opibus & auxilio. Post hæc uisa regis erga nos beneuolentia, ancoras iecimus ante urbis moenia, tormentaque exonerari iussimus: quæ res adeo perterruit urbis incolas, ut dicerent contra nostros nullas esse uires præter deorum. Cum itaque aduersperauisset, dedimus membra quieti, cum uero illuxisset, præfectus statuit mittere ad regem interpretes, quos secum adduxerat ex Vlis bona. Ex his unus erat Maurus Christianus, reliqui Indi, qui omnes probe nouerant idioma Lusitanorum, uerû erant adhuc Gentiles, id est idololatæ, piscatorisque. Hos itaque eleganter indutos ad regem mittit, qui ubi consalutauerint eum, securitatem adeundi regis impetrent, saluum conductum appellant. Adiuit itaque regem Maurus, compòsque uoti factus mittit saluum conductum ad præfectum: cæteri autem Indi regem non uidere, ob id quòd essent uiri nati obscuro loco: Nam rex huiusmodi id pro fastu obseruat, ne adeant ipsum ignobiles, prout latius referemus in sequentibus. Salui conductus tenor is erat: ut liceret impune cuiquam in terram descendere. Hoc accepto præfectus classis Alphonsum Furtadum mittit ad regem, interprete comite, qui Arabicam linguam optime callebat

callebat : quibus dat in mandatis, ut ad regem hæc proferant : classẽ esse regis Portugalliæ, & eò solum aduenisse, ut cum eo commercia exerceant, incantque fœdus & amicitiam non uulgarem: regem propterea alloqui coràm: id fieri non posse ex sui principis præscripto, nisi prius datis eis obsidibus quos ipse nominauisset: & hi erant urbis primores. His expositis rex conditionem renuebat, excusans ualitudinem aduersam, & defessam ætatem obsidum quos uocauerat: adiiciens ad hæc, se alios daturum, qui maris sæuitiam tolerantius perpeteri possent : admirabaturque plurimum de proposita conditione. Et in his disceptationibus biduo uel triduo hæsitauit : tandem decreuit conditionem haud aspernari : cuius rei certior factus dux classis, se præparabat expeditioni, instituebaturque commorari cum rege, & ternos aut quaternos dies inibi consumere: secumque adducebat uiginti aut triginta uiros honoratiores classis, eosdem eximie cultos & adornatos: habebat etiam secum aulicos, & alios complures: qui illi more regio inferuirent: uasque cælata compluscula tulit, ut honoratior fieret his rebus, quæ suapte natura magnificentiam præ se ferunt, prouiso prius de præfecto classis, cui iussit ut obsides perquam honorificentissime exciperet, haberetque in deliciis, donec ipse rediret. Postero die rex uenit ad littus, ubi erat quædam domus mari ferè adiacens, ut commodius præfectum classis exciperet. Itaque misit quinque uiros ex primoribus urbis, qui tantisper illic commorarentur, donec præfectus classis rediret. Iuere igitur ad classẽ seniores urbis, longum seruorum ordinem secum trahentes, necnon tibicines & choraules, satellitesque complusculos, enses & clypeos ferentes. His uisis dux classis uectus cymba nauis egreditur sua, & ad littus contendit. Vbi uero optimates obsides appropinquauere classi, prius naues ingredi nolebant, quàm in terram descendisset præfectus: qui licet nondum appulisset portum, eò tamen contendebat pleno gradu, suamque suppellectilem præmiserat, ut mos est principibus. Diu igitur disceptatum est de hac re, obsidibus renuentibus nauem ingredi, ni terram dux primo teneret. Dum sic contenditur, Araschorea it ad eos, hortaturque ut perfidiæ suspicionem omnem exuant, eò uenisse non ut imponant eis, sed ut eorum amicitiam promereantur. Tandem his adducti uerbis, nauim ingressi sunt intrepide. At præfecto iam terræ appulso it obuiam nobilium decentissima cohors, ipsumque honorificentissime excipiunt, & humeris imponunt suis, nec terram contingere patiuntur, donec ad principis regiam peruentum est.

De habitatione & ornatu regis Calechut.

Cap. LXXIII.

IGITUR rex Calechut ædes eminentissimas habitat, habens pro thoro regio locum concameratum, instar sacelli cuiusdam : peluis figuram referebat, ut nos quandoque imagines sanctorum collocamus, suppositis uiginti puluillis sericeis, necnon instratis aulæis. Thronum panno sericeo inumbrauerat, qui purpuram præsentabat : ipse uero nudus conspiciebatur totus: circumdlexerat bombicinum pannum candidissimum, eundemque subtilissimum, quem auro exornauerant, in capite gerebat birretum aurei panni, qui cassidem ferream referebat, perforatas habebat aures, inque eis adamantes & sapphyri unionesque duo, quorum alter obrotundæ figuræ erat, alter uero instar pyramidis, nucis auellanae magnitudinem excedebat. In brachiis uero armillas aureas, à cubito usque ad



manum, distinctas lapidibus pretiosis innumeris, eisdemque incredibilis ualoris. Crura uero pariter exornabantur, & in digito pedis uernabat lapis pretiosus splendore incomparabili. Condalia etiam in digitis manuum, hoc est anulorum omnifariam: habebat smaragdos, adamantes, & id genus alios complures. Inter hos lapides quidam fabam magnitudine superabat. Balteumque habebat aureum, gemmis innumeris distinctum, adeo ut æstimationem omnem excederet. A latere uero regiam sedem argenteam, quæ bases & bracteas aureas habebat, eandem gemmis multiugis uariatas. In sua regia conspeximus currum quandam id est genus uehiculi, nos carpentum dicimus, miro lapidum & gemmarum apparatu condecoratum: eo uectus fuerat ex solita regia in has maritimas ædes. Id genus uehiculi trahunt uiri duo. Hunc exornabant quindecim uel uiginti buccinæ argenteæ, quarum tres erant ex puro auro, ac ponderis non mediocris, adeo ut earum quamlibet uir unus ferre nequiret: oras uero earum ditabant lapides pretiosi, easque mira uarietate distinguentes. His adiungebantur uasa quatuor argentea, trullaque aurea, & ex aurichalco magna candelabra, in quibus tortus filus oleo immerfus conflagrabat: quæ res erat superuacanea, uerum arrogantiam præ se ferebat, & celsitudinem principatus. Huic genitor eius astabat, necnon germani duo, longe à throno passibus quinque uel sex stantes, omni splendoris apparatu condecorati. Post eos paulo longius stabant innumeri optimates ac principes regulique, diuitiis & ipsi quammaxime onusti. Itaque præfectus classis hæc uidens, ad regem ibat manum eius exolculaturus: uerum annuere astantes, ut à congressu temperans propius non accederet regi: quandoquidem is est mos illorum, ut regem contingat nemo. Continuit se igitur præfectus noster: cui mox sedes allata est, ut sedendo regem alloqueretur: quod non mediocris honoris est specimen. Cæpit igitur alloqui regem præfectus, promens quæ iusserat Portugalliæ rex: & ilico literas protulit: quæ lectæ fuere regi: nam caractere Arabico exaratae erant. His peractis præfectus ad classem nuntios misit qui munera regi ferrent, quæ in sequentibus explicabuntur.

De muneribus missis ad regem Calechut.

Cap. LXXIII.

PRIMO uas aureum cælatum, in quo principes de more manus abluunt, maluium appellamus: deinde uas aliud argenteum, idemque inauratum cooperitumque cooperculo argenteo, miro modo fabrefacto. Item clauas duas argenteas cum catenis argenteis. Item puluinos quatuor pergrandes, uidelicet duos coopertos aureo panno, duos uero alios ex serico purpurei coloris. Item conopeum unum ex panno aureo cum laciniis distinctis auro ac serico coccineo, cumque eo tapetum magnum, & stragula duo diuissimæ: alterum figuris insignitum, alterum uero arbutulis ac foliis uiuentibus distinctum. Deinde gutturnium argenteum, quo guttatim per colli angustias aqua infunditur manibus, pari opera & ornatu elaboratum, uti uasa superius descripta. His susceptis muneribus, necnon uisis literis, & legatione audita, uisus est lætari plurimum. Propterea hortatus est præfectum classis, ut diuerteret in eas ædes, quas sibi parari iusserat: interea dixit se missurum captum eos obsides, quos pignori dederat præfecto: quoniam uiri erant patritii clarique admodum, nec usque in illam horam cibi aliquid

aliquid sumpserant, aut potius: quandoquidem ipsi pro lege habebant, ut in mari cibum non capiant, nec bibant, essentque usquequaque infomnes: addiditque si præfecto complacitum sit naues repetere suas, id pro arbitratu faceret: quoniam eisdem obsides in crastinum se daturum pollicebatur, ut rursus ipse redire ad regem posset, expediturus commercia. Igitur dux noster classem reuissit, relicto interea Alphonso Fartado cum sociis septem uel octo, qui illi domi inferirent. Dum itaque littus deserit præfectus noster, uerna quidam illorum nobilium præuenit præfectum, & citatissimo gradu contendit ad obsides, nuntians præfectum recessisse. Qui ubi hæc accepere, sese præcipites è nauibus in mare dederunt: quod uidens Arafchorea negociator præcipuus, ilico conscendit cymbam, & mox duos obsides cepit, cumque eis tres uel quatuor uernas: reliqui uero natando euasere. Interea præfectus classis superuenit, & eos obsides, quos nactus est, in inferiore parte nauis poni iussit, ne & ipsi in mare desilirent: deinde monuit regē de compertis, questus de gestis per obsides, reiiciens causam huius rei in quendam regium amanuensē: addebātque, in carcerem trussisse obsides, ob id quod timerent suis: quia adhuc in terra apud regem agebant: & insuper suam suppellectilem repetebat, spondens se quamprimum dimissurū obsides, ubi sui dimitterentur. Iuere igitur ad regem nostri legati, cumque eis duo ex illis quos ceperamus in almadiis: & tota nocte præfectus classis præstolatus est responsum. Postero autem die rex ad littus accessit, stipatus cohorte decem aut duodecim milite hominum, & cum eis nostri, quos cum suis permutaturi erant. Interea expediuntur uiginti aut triginta almadiæ, quæ cum nostris qui permutandi erant conscendunt ad classē. Vbi igitur in conspectu fuere, propius accedere non audebant, hæsitabundi omnes, an prius darent captiuos, quam suos redemissent: & inter spem & metum positi, totam diem frustra consumpsere, rursus ad littus redeuntēs: & cum terram appulissent, nobis conspectis, probris & maledictis nostros incessabant, identidem mortem ac supplicium minitantes. Quare nostri noctem illam per uarias animi interturbationes & corporis molestias transigere. Sequenti tamen luce iterum rex mittit ad præfectum internuntios, nuntians se ultro suos ad eum mittere inertes cum captiuis Christianis, exhortans plurimum ut ipse remitteret obsides, quos penes se habebat. Mittit itaque dux noster cymbas suas ad almadias, ut tandem aliquando permutatio fieret captiuorum. Conuenere cymbæ utrinque, & suppellex reddebatur nostris, cum senex impatiens moræ sese in mare iecit. Tunc nostri indignati plurimum, & senem capiunt, & alios in mare trudent. Postridie dux compassus seni, qui famem triduo sustinuerat, eum ad regem misit rogans, ut & ipse remitteret adolescentes duos, qui inibi adhuc retinebantur: remisitque omnia eorum arma, quæ capta fuerant in almadiis. His uisis rex pudore uictus adolescentes ad præfectum mittit. Post hæc triduo continuo nemine ultro citroque commeante, sed omnibus domi sese continentibus, præfectus tandem decreuit regem rursus his aggredi uerbis: quod uidelicet commercia inter eos futura essent, si iterū obsides darentur. Cum uero hærerent omnes, nec inuenirentur qui Barbaris ultra fiderent ob præteritam perfidiam, Franciscus Choreæ eques seipsum obtulit id munus obiturum, seque regem aditurum intrepide



clara uoce professus est. Ita actum est, regem adiuit, ipsumque certiorum fecit uenturum Arafchoream ad regem, de mutuis mercimoniis tractaturum: uerum id haud quaquam fieri posse, nisi rursus obsides dentur: Nam petebat pro pignore mercatorem quendam locupletissimum, Gugeratum nomine. Tum is mercator respondit, se mox missurum nepotes, quos habebat duos: quod regi admodum complacitum fuit. Itaque sequenti die de his omnibus praefectus à Francisco certior est factus. Quibus perceptis, Arafchorea se itineri accinxit, prius obsidibus in potestate habitis. Cum ergo terram Arafchorea appulisset, & dies iam inclinaretur, uisum est ad classem redire, ut ibi nocte tutius agerent. Postridie uero ad regem contendit Arafchorea, nauaturus de commerciis operam, quam Franciscus regi pollicitus fuerat. Huic igitur rex perquam commodas aedes dari iussit, quae erant illius uiri locupletissimi, cuius superius meminimus: cui etiam à rege demandata erat prouincia, ut Arafchoream mores regionis sedulo doceret. Cœpit itaque Arafchorea negociari, nec mercari poterat, nisi per interpretes Arabas: neque regem adire quibamus, nisi Mauris mediis, qui suapte natura inuidi nobis aduersabantur, & iugiter imponebant: non tamen eorum impostura nos diutius latuit. Nam id curauerant, ut dum negociabamur apud eos, nemo nostrum ad classem contenderet: si tamen in terram è nostris ibant aliqui, excipiebantur ab eis, sed redeundi nulla dabatur copia. Quod uidens dux classis, credidit fraudem subesse, & uentis uela facere iussit. Et cum rates iam altum tenerent, conspectæ à nostris, per internuntium, per celeri cymba uectum reuocatae sunt ad portum. Rebus igitur pacatis, Arafchorea commercia exercebat cum Barbaris: & adeo res conquieuerunt, ut iam intrepide nostri negociari quirent. Is tamen mercator Mauro, qui nepotes pignori opposuerat suos, eos repetebat, nos ferè insansus obseruans. Tum rex alio accersito uiro Turca, protinus iubet ut nostra non incuriose curet, aliasque paret aedes, ut mitius pacatiúsque nostras diuenderemus merces. Hoc facto, indies melius nostra suum effectum fortiebantur: nam uendidimus multa, compluráque emimus: & inter nos uiguere spatio duorum mensium mirabilem in modum commercia. Rebus itaque nostris nundinatis, it ad regem Arafchorea, & gratias agit quas potest maximas. Inuicem rex multa pollicetur, hortaturque plurimum, ut cœpta mercimonia deinceps prosequantur intrepide: nec prius eos missos facit, quam aedes illis perpetuo donauerit, super qua re confecta sunt diplomata, hoc est, regiae literae, quae uicem supplebant priuilegii: hæ enim ex ære erant ad ipsos: ad regem uero Lusitanum ex auro purissimo. Is est suus mos exarandi diplomata, quae mercatoribus dari solent. Erecta etiam sunt de iussu regis trophæa regia supra domum, ut sic ædium indemnitati consultum foret. Contendit itaque ad classem Arafchorea, & literas profert regias, ac obsides reddidit quamprimum, quibus confisi maxima securitate, altissimæque pace fruabamur, iam alter fidebat alteri, & de obsidibus nulla mentio fiebat, uidebamus enim domi agere, adeo amicè omnia inter nos agitabantur. Interea dum mutua pace fruimur, ecce naus maria aliena fulcans, quosdam elephantos ferens eximios, quorum unus cæteris elegantior erat, ac bello assuetus magis, preteritque non mediocris. Hæc ubi regi comperta fuere, mox & nobis sunt relata

ex rege

ex rege, qui nos apprime rogabat, ut in suam gratiam nauim huiusmodi corripere, mercedeque inuitis mercatoribus interciperemus: quoniam pretium immodicum pro eo elephanto sponderat, nec tamen consequi eum potuerat. Idcirco plurimum precabatur, ut ab eis pertinaciæ suæ pœnæ exigeremus. Quæ cum rex multis precibus denarrasset, præfectus ilico respondit le regi morem gesturum: uerum intellexisse ratem memoratam esse omni armorum genere communitam, eamque uastissimam, ac coetu uirorum exornatam: capi propterea non posse sine hominum strage. Ideo petebat, ut sibi impune liceret, ubi opus foret, in eos iuribus belli uti. His itaque rex protinus annuit, & Maurosis misit ad classem nostram, qui rei nauandæ non præsent, sed interessent, & nostrarum uirium ac dexteritatis locuples facerent testimonium, uel si forte fortuna deditionem facere uoluissent, adducti eius persuasione. Igitur nostri celocem parant, tormentaque fere omne genus expediunt, nec supra septuaginta uiros rati imponunt, qui noctibus duabus iugiter memoratam ratem confectabantur, nec tamen assequi poterant. Sequenti tamen die annexi plus solito, post longam ac celerem insectationem nauis comprehensa est. Hos prius amice hortati sunt, ut regi facerent deditionem. Qui ubi hæc audiuerat, nos ueluti fabellam quampiam narrantes, sua freti multitudine, aspernati sunt: ferebat enim nauis homines supra tercentum. Qui pro responso sagittis nos impetere cœperunt, & supra quam referre queam contemnere. Tunc nostri arma expediunt tormentaque: & atrociter exoneratis tormentis, in eos contendunt. Qui reboatu tormentorum perterriti, & iam rate dehiscente, mox sese deditere. Huius rei condito rex certior factus est, qui ad littus magna concommitante caterua profectus est, ut egregium facinus coram uideret: nam uix adduci poterat, ut crederet celocem nostram perquam mediocrem, tantam nauim profligare quiuisse: Nam, ut præfecimus, nauis erat duplo celoce maior & uirorum in ea bellantium numerus multo frequentior: quæ res ad maiorem uictoris laudem attinebat. Regi noster præfectus & nauim & elephantos dedit, omnibus lætam uictoriam nobis congratulantibus, & nostra nauis ilico classi reddita est.

DE AEDIFICIIS VRBIS CALECHVT ITEM DE  
eius incolis, qualem habeant uestitum ac incessum, deque eorum religione ac republica, qui rex & magistratus, item de mulierum monstrosa licentia, deque aliis mirandis ritibus, ex æquo & iniquo, honesto ac inhonesto permixtis.

Cap. LXXV.

VRBS ITAQUE Calechut uasta est admodum absque mœnibus: intus pluribus in locis uacat. Domus haud sunt contiguæ, inuicem distantes plurimum. Lapidibus & calce extructæ sunt, interiores ædium partes sculptæ: pro imbrice palmis utuntur: illis tegunt suas ædes. Fores prægrandes habent miræque artificio fabrefactas: Has muro incingunt, instar pomerii. Ibi uiuantur arbores innumeræ, stagna, & fontes complusculi: nam stagnis



libenter immerguntur, lotionibus enixe gaudentes: Fonte plurimum lætantur. In urbe uero lacus uisuntur complures, quibus immerſi gregarii ac proletarii, omniſque ignobilior uulguſ, ter uel quater interdium lauantur. Rex idolorum latræ eſt addiſtus: licet nonnulli crediderint eum Chriſtianum fuiſſe, qui minus mores eiſ calluerunt: nam nos apud regem diuturniores fuimus, mercimoniis inſiſtentes, quo facillime ſcire quiuimus, qui ritus eiſ forent. Regem appellant Ganſer, cuiuſ aulici & contubernales omnes ſunt Mauri, qui habiliſſima habent corpora. Nudi incedunt pube tenus, reliqua panno inuoluunt. Nudiſ ambulât pedibus, & aperto capite prodeunt, niſi eminentiore præcellant gradu: tunc enim birreto utuntur ſericeo, hoc eſt uelutato, eôque longiore, ut retulimus. Terrebrant aures, inque eiſ margaritæ quæque prætioſiſſimæ appenduntur. In brachiis aureas armillas geſtant. Patricii denudatos enſes & clypeos ferunt: at enſes in cuspide latiores ſunt quàm alibi, clypei ſunt teretes, iis non diſſimiles, quibus apud nos pedites utuntur: peltas appellamus, eôſque coloribus nigro & albo diſtingunt. Gladiatores ſunt, quàm qui maxime, in alio ferè nullo exerciti. Hi ſunt qui regis latera ſtipant numero frequẽtiore. Numerofiore oblectantur coniugio: quinque aut ſex mulieres uni uiro nubunt: quos habent chariores, eos coniuges comprimere uolunt, & id eſt beneuolentiæ argumentum apud eos maximum. Nulluſ eſt eiſ pudor, nulla uerecundia, continentia nulla: natæ illorû ante puberes annos corpora proſtituunt ſua: cum annum octauum egerint, nudæ ipſæ æque ac uiroi incedunt. Diuitias propè incomparabiles circunferunt: capillum comunt mirum in modum: pulchritudine ferè omnes ſuperant uiros: prehenſant ut ſtuprant eas: quoniam uirginitas eſt eiſ poena: nam nubere non poſſunt uirgines. Bis in die comedunt: pane & uino abſtinent: carnibus, nec piſce uelſcuntur: in cibatu habent orizam, lac, butyrum, ſaccarum, & arborum fruſtus: priuſ cibum non capiunt quàm loti fuerint: taſti à non lotiſ, non comedunt, niſi ruriuſ lauentur: & iſ moſ eſt eiſ pro ceremoniis, eumque mire obſeruant. Viri & ſceminæ per urbem incedunt eſitantes ſolium quoddam, cui nomen eſt Betellæ: hoc igitur inſicit ora & dentes colore ſubruſo: hoc more abſtinent tantum obſcuro loco nati. Vbi uero ob funera pullam induunt ueſtem in ſpeciem mœſtitiæ, temperant à folio huiuſmodi, ut & dentes præ ſe ferant mœrorem, & ſubruſo colori ſuccedit nigricans. Rex duas habet coniuges, & quam libet illarum ſacerdotes decem aſſiduò comitantur, eaſque comprimunt, & id in decuſ regis eximium fieri iactant, nullum alium honoratiorem titulum regi dantes, quàm quòd eiſ coniuges à ſacerdotibus comprimantur: propterea eorum filii nuſquam regno ſuccedunt, ſed ex ſore nepotes regnum capeſſunt. In regia degunt innumeræ mulieres, utpote mille & quingentæ, aiuntque id eſſe argumentum regis excellentiæ, nec aliud hæ mulieres agunt, quàm puluerulentam domum ſcopiſ uerrere, aquæue aſpergere, quocunque rex eat ſequuntur: domuſ aſpergitur aqua mixta boum excrementiſ: ædeſ regiæ tolluntur in altum, inque eiſ fontes, quibus immerguntur cum corpora abluunt. Cum rex egreditur, carpento uehitur, id eſt curru, quem bini uiroi ferunt, omni lapidum genere condecoratum. Carpentum ſtipant choraulæ, præcones, buccinatores, & id genus compluſculi. Patricii uero, & eminentiores ſuæ diſpoſitioniſ, omnes ſequuntur

quantur, enses denudatos ac clypeos teretes gerentes. Sagittarii etiam ac uelites eum præcedunt, itinera explorantes: habet suos ædituos & admissionales: conopeo, id est tentorio tegitur, dum incedit, ut apud nos dum pompa ducitur regum & principum: & ut aliquando finiam, nullus est in toto orbe apud suos honoratior: quippe qui instar numinis alicuius reuerentissime colitur: nam ad eum propius quis non accedit, quàm ad tres uel quatuor passus: cum uero aliquid porrigunt, ac si stipem darent elephanto ab ipsis tremebundis, id ramo porrigitur: quoniam regem tangere apud eos nefas ducitur. Cum eum alloquuntur, id agunt demissis capitibus, manu ori apposita: & nemo è patritiis regem adiret inermis, hoc est, sine ense & clypeo. Cum regem uenerantur capita manibus tangunt, sicuti qui deum adorant. Qui uero agunt magistratus, parui sunt census, hi regem nec uident, nec alloquuntur: & in primis piscatores, qui si forte fortuna in uicis urbis occurrerint patritiis, aut effuse fugiunt, aut si perrexerint ire obuiam nobilitati, mox uapulant scipione aliquo: patritiorum uero coniuges cum rex uitam cum morte commutat, ipsum comburunt ligno sandalio igni subiecto: uulgares uero & capite censi humanantur: barbam comunt, ratiocinatores sunt maximi, ac scribæ perceleres: scribunt in foliis palmarum stylo ferreo, absque colore uel incausto. Est & aliud genus hominum, qui magna commercia agunt, Gufurantes appellantur, oriundi ex Cambaia prouincia: hi suapte natura idola colunt, Solem uidelicet & Lunam, uaccasque adorant: & si quis uel fortuito bucculam occiderit, is protinus morte mulctatur, nihilque eiusmodi uiri esitant quod mori possit: nec pane, nec uino utuntur: & si qui per imprudentiam carnes comederint, hi mox relegantur ut ostiatim uictum quarerent per orbem uniuersum errabundi, uel si claro loco nati forent: uacant plurimum incantationibus diuinationibusque: albedine incolas urbis Calechut superant: capillum exornant plurimum comuntque: panno bombicino induuntur: peplis utuntur ut sceminæ, quibus inuoluunt capillos: nubunt ut nostri: zelotypia laborant eximie: mulieres habent pulcherrimas, easdemque pudicas: illorum mercimonia sunt panni & uniones.

DE NEGOCIATORIBVS ET ITINERE AD AROMATA, & Cayro portu Alexandriæ, qui dicitur Babylonía.

Cap. LXXVI.

SVNT IN IBI & alii mercatores, dicti Zetieties, ex alia prouincia: idola colunt: eorum mercimonia sunt lapides omnifariam pretiosi, uniones, omne genus aurum, & argentum: nigriores sunt cæteris: prætexta utuntur: aliquando nudi ferunt pro cauda equorum ac bouum caudas: fascinatores sunt maximi, adeo ut uisibiliter dæmones frequentius alloquantur, eorum coniuges libidinosiores sunt cæteris mulieribus, summæque Veneris appetentes. Ibi etiam sunt Mauri ex regione Mechæ, ubi Mahumetis ara. Ibi rursus Turcæ, Persæ, Assyrii ex Babylonie, & ferè innumerabiles gentes aliæ: eximii sunt mercatores, iidemque locupletissimi, & omnium rerum quæ importantur in urbem Calechut emptores, earundemque uenditores. Nam eius urbis hæ sunt potiores,



uidelicet lapides pretiosi, ut sunt Berylli, Smaragdi, Chelidonii, Topasii, Sapphyri, Chrysoliti, & id genus plures, Castoreum, id est, muscum, thus, aloë, ac reubarbarum, porcellanæq; necnongariophyllum, cinamomum, sandalium, lacha, myristica, nux muscata appellatur, & mastix, hæc omnia aliunde importantur: piper uero & zinziber ibi nascuntur, myrobalanumque & casia, hæc regio urbis Calechut abunde mittit. Hi igitur Mauri sunt præpotentes, & regni illius tenent habenas: nemo est qui illis post regem non pareat. In montibus uero non longe ab urbe Calechut rex dominatur longe potens, rerum multarum dominus, Na remegha dicitur, idola colit, coniuges habet supra trecentas: fato functus suo comburitur, & cum eo coniuges omnes: cæteri uero cum uitam exuerint, in fouea comburantur, & eorum coniuges omni mundo muliebri exornatæ illò contendunt, concomitantibus parentibus & cognatis omnibus, subsequenribusque cho- raulis & tibicinibus, applausu immodico ad foueam ueniunt, & ibi coniunx quæ comburi uult cum uiro, circumuehitur foueam gestiens ac tripudiis insistens, & demum ut cancer reptando incedit, quoad sese in ardentem foueam præcipitet. Astant etiam memorati affines, obseruantes factum: quoniam cum sese præcipientem dederit mulier, mox iniiciunt ollas olei & butyri supra corpus mulieris, ut hoc fomento altus ignis citius comburat coniugem. Fert etiam hæc regio elephantos multiplices, & in primis domitos, ac belli artes edoctos: his bella conficiunt acerrima: hi etiam adeo sunt cicures & mansueti facti, ut nihil eis desit ad humanitatem præter loquelam: nam imperata faciunt, & dominos cognoscunt suos: id enim nos ipsi conspeximus in urbe Calechut, ueramq; denarramus historiam: nam aure certior arbiter est oculus. Elephantes quibus rex utitur efferantur plurimū, uiriūque sunt incredibilium: nam duo tantum nauim magnam trahunt in terram. Ibi maria non sulcant nautæ, nisi à mense Octobri usque per totum mensem Martii: & id est illis æstas, reliquum uero tempus est hyems, adeo ut nobiscum contrarias uices temporum habeant. Cum uero non nauigant, in sicco naues tenent. In mense Nouembri naues Arabum Mechæ soluunt illinc, & in Arabiam contendunt, aromatum omni genere onustæ. Vida dicitur eorum portus, quò primo aromata conuehunt, & inde ferunt ad Cayrum Alexandriae portum, & emporium orientalium cantatissimum: eò tamen hæc omnia ab portu Vida terrestri itinere conuectantur.

De strage Maurorum & Christianorum facta in Calechut.

Cap. LXXVII.

CUM ITA QVE diutius immorati illic fuisset, tribus uidelicet mensibus commerciis insistentes, nec nisi duas naues mercibus onerauisset, & iam moræ istius nos tæderet plurimum, præfectus nostræ classis mittit ad regem nuntios, qui ei renuntient, iam menses ternos elapsos, quibus ipse tolerantissime præstolabatur: ut tandem aliquando expediretur: quoniam tempus redeundi ad patriam appetebat: & tamen uix celoces duas oneratas mercimoniis esse, Mauros nihilominus emisse & asportauisse quæcunque libuisset, & uili quidem pretio, se propterea rogare plurimum, ut tandem annuat Portugallensium uotis, patiatūque eos expediri prout inter regem & Araschoream conuenit iam pridem. Hæc retulit noster nuntius. Iis in hunc ferè modum rex respondit, Se non diffi-

culter

culter passurum, ut Lusitanæ naues expediantur, nec sibi posse persuadere, Mauros furtim mercari, quandoquidem exierat edictum ab eo, ut prius nemo naues oneraret, quàm Lusitani expediti forent, si forte sibi imposuere Mauri, se haud ægre laturum, quod Lusitani Maurorum onustas naues corripiant, & sibi uendicent eodem pretio, quo emisissent Mauri cunctas merces quas nanciscuntur in nauibus. Itaq; decimasexta Decembris, dum Araschorea uacat cōmerciis, essentq; in portu duæ naues nostræ iam onustæ, ecce Maurorum nauis quædam soluit illinc, onusta admodum omni genere aromatum, ferens elephantos ternos. Cuius rei factus certior præfectus noster, mox ratē corripuit: Huius erat dominus Maurorum illustrior, is ægre ferens factum, it protinus ad regem, quæstus grauius de illatis à Lusitanis. Fit per urbem clamor ingens, confluit ad regem Mauri, qui in nos conspirauerant. Rex igitur fatigatus his querimoniis, annuit ut uir seditiosus, & fidei nullius: nam ut citius regem flecterent, aiebant nos plura iam exportauisse quàm attulissimus in regnum eius, nōsque propterea fures uocitabant & prædones. De consensu igitur regis sumunt Mauri arma, telæque expediunt, & efferari incipiunt, per mediam urbem bacchantes ibant, cædibus & internecioni Christianorum uacantes. Iam ruebant cateruatim in nos omni armorum genere communiti: tum solis ensibus & pallio protecti uim ingruentem propulsare cœpimus: uerum sufficere illis nostræ uires nequibant: maior erat numerus quàm à nobis redigi in ordinem posset. Retulimus igitur pedem: & iam è nostris ceciderant tres uel quatuor: è suis uero septem uel octo. Dum igitur pedem retrahimus, consauciantur è nostris complures: & uix portas occludere quiuimus, irruente Barbarorum incondita turba: tunc à muris propulsare cœpimus hostem: at illi domū expugnant, ea enim ambiebatur muro, alto quidem haud supra equitis mensuram: nam nos septem uel octo arcus habebamus, quibus innumeros Barbaros confecimus. Tandem prouocati magis Mauri in nos plus solito sæuiunt: murum quo cingebatur domus demoliuntur. Nos uero consilii & opis egentes euasimus ædes, ut ad littus contententes à nostris exciperemur: nam non longe à littore cymbæ nostræ exitū rei mœstissime præstolabantur: opem ferre non poterant, licet certiores facti essent à nobis uexillo leuato, dum adhuc domi obsideremur: uerum tormenta lādere hostem nimis distantem nequibant. Itaque inter uitam & mortem ambigui ad littus contendimus sequentibus Mauris: nec prius naues nostras ingredi potuimus quàm ceciderit Araschorea noster, & è nostris quinquaginta: qui uero euasere, se iactabundo mari nantes credere ferè XX. non enim naues ad littus accedere audebant, ne corriperentur à Mauris: inter eos qui ad classē peruenere ferè mortui, erat filius Araschoreæ, natus annos undecim: præfectus uero cymbarum iam fessus, regredi ad littus noluit, cum præsertim dux classis ægrotaret. Igitur hi solum uiginti mortem euasere, reliquis à Mauris male acceptis. Hæc igitur ut sunt relata præfecto classis, ipsum peruasere plurimum, mouerēque ad exandescentiam, quòd uidelicet sui adeo male accepti fuissent, ut uix uiginti è tot uiris superessent. Itaq; iussit naues Maurorum decem, quæ in portu morabantur corripi, & occidi omnes qui in eis reperirentur. Captis igitur nauibus desiderati sunt homines plus quàm sexcenti: delituerant nonnulli in sentina, ubi etiam merces compertæ sunt



complusculæ. Viros trucidauius, & omnes merces nobis adiudicauius, & naues omnes combussimus: erant etiam in nauibus elephanti tres, quos occidimus comedimusque. Sequenti uero die propius urbem appulimus, & exoneratis tormentis mœnia demoliti sumus, non sine hominum ingentissima clade. Illatis damnis innumeris, & inuicem ipsi è continente tormenta in nos exonerabant: uerum nihil proficere, in uanum emittentes. Dum sic congregimur, ecce naues duæ quæ portum quærebant, qui distat à Calechut leucis quinque: quæ ut nos conspexere, mox effuse fugerunt, ad portum contendentes, ubi septem aliæ naues ferè in sicco mercimonia opperiebantur. In eas igitur uela fecimus: uerum operam lusimus, quoniam propius accedere nequibamus, tum quia erant propè in arido, tum uel maxime ob numerosiorem hominum cœtum, qui inibi naues tutabantur. Propterea decreuimus proficisci ad urbem Chuchinā, ubi mercia exercere tutius quiremus.

Quomodo naues onerauius. Cap. LXXVIII.

SOLVIMVS igitur illinc Chuchinam uersus euntes, quæ urbs abest à Calechut leucis triginta, regnūque est nulli parens: & inter nauigandum à nobis conspectæ sunt naues duæ, quæ, cum uela fecissemus in eas, mox à suis desertæ sunt: Nam qui eas ducebant uecti paruis cymbis profecti sunt in terram: nos uero accedentes ad eos, nullis compertis mercimoniis, præter orizā, eas comburi iussimus. Applicuimus ergo ad urbem Chuchinam uicesimo quarto Decembris, & in ostio cuiusdam fluminis ancoras iecimus: quibus iactis præfectus noster emisit pauperculum quendam conseruatum, qui sponte sua naues nostras fuerat ingressus, ultróque in Hispaniam proficiscebatur. Is igitur ad regem contendit, & quæ nobis in urbe Calechut euenerant regi explicat. Qui ubi hæc accepit, ut regem decuit, nobis compassus, uicem nostrā indoluit. Expoluit etiam regi, præfectum nostrum multa adduxisse, quæ libenter cum mercibus regionis, si complacitum foret regi, commutaturus erat: & ubi merces non placuissent, pecuniam pollicebatur multiplicem. Ad hæc respondit rex agre ferre, illatas nobis fuisse iniurias: quòd uero ad se spectaret, merces suas aduentūque eorum grata habere: quandoquidem iam pridem de fama & probitate Portugallensium certior factus fuerat, bonam propterea de eis opinionem induerat: accederemus itaque intrepidi, commutaturi nostra cum suis pro nostro arbitratu. Tunc nuntius noster inquit regi, nos nunquam ex uetere instituto consueuisse prius terram appellere, quàm obsides dati fuissent, mitteret propterea è suis quempiam, ut mox accederent negociaturi. Tum rex his auditis, actutum duos patritios obsides dedit, ut confidentius accederent nostri, qui commercia exercebant. Hi igitur obsides regio iussu adiuere præfectum classis, sese illi committentes. Præfectus uero ut uicissitudinem rependeret, quatuor aut quinque è suis in terram misit, negociatorēmq; & hos commonefecit, ut quàm celerius possent expedirent merces suas, inuicem emerent eorum mercimonia pretio aliquando, nonnunquam uero permutatione, prout conducibilius fore rati fuissent. Interea quoniā apud eos in inualuit mos pro lege, ut in mari si quis comederit, is nunquā regem uideat: obsidum adhuc nemo comederat, permutabantur in diem propterea aliis succedentibus tantisper, donec alii comedissent. Igitur illic cōmorati sumus

sumus circiter dies XV, naues exonerantes non longe ab urbe Chuchina, ubi portus est qui dicitur Carnagallo, & ibi comperimus Christianos, Iudæos, Mauros, & Zapharas. Inuenimus etiam ibi Iudæam quandam de Seuilia, quæ ex Cayro uenerat uisum Mecham, & inde Chuchinam, & cum ea duo Christiani, qui asseuerabant se profecturos Hierosolymas, & inde Romam, quod profecto perquam gratum præfecto nostro fuit. Dum itaque naues nostræ exonerantur, ecce ingens classis regis Calechut in mari apparuit, naues supra XXV trahens. Huic certior factus rex, ilico ad præfectum mittit quendam, qui ei nomine suo uim hominum maximam ad classem profligandam offerat. Huic præfectus respondit, se regi agere gratias, nec per id tempus opis suæ egere, se satis facturum aduentanti classi, ostensurumque illis eorum futes conatus: & rē uera credidit haudquaquam sibi opus fore alieno auxilio, quoniam iam pridem expertus fuerat eorum uires: & ipsi non accedebant, sed altum tenentes à classe nostra una leuca aberant: nihilominus præfectus uela explicare iussit, à portu soluens, & obsides secum ferens, dimissis in terra è nostris septem, & pleno gradu contendit in classem Barbarorum, ratus non difficulter se subacturum Barbaros. Verum sequenti nocte classis nostra uentos haud habuit felices, ut in hostes contenderet. Postera uero die quæ fuit decima Ianuarii, MDI, propius alter alteri accessit adeo, ut congressi commode potuissimus. Dum igitur utrinque naues se prælio expediunt, præfectus recensens suos, uidit nauim Sancini Tonari abesse, propterea satius censuit, si per id tempus temperauisset à pugna. Decreuit igitur in patriam redire suam, fauentibus uentis: nos tamen usquequaque per diem totam classis Calechut confectata est. Cum uero aduersperauisset, mox euauit: nos uero citato gradu patriam petebamus, dimissis septem è nostris, & duos nobiscum ferentes obsides: quos cepit præfectus enixe rogare, ut se tempori accommodarent, nec desperarent, uerum cibum quempiam caperent, ut suæ uitæ consultū irent: nam triduo iam famem sustinuerant: tandem adducti ducis hortamentis, comederunt non sine mœstitia. Nos uero uersus Lusitaniam uela fecimus.

De rege Chanone amico nostro.

Cap. LXXIX.

ITA QVE die XV Ianuarii ad quoddam appulimus regnū, quod Chanonam appellant de Gafferes, quodq; à Calechut parum abest, & eiusdem sunt linguæ. Dum igitur è regione regni huiusmodi nauigamus, rex ad nos amice nuntium mittit, qui referat se ægre tulisse, quod è prius non concefferint, quàm aliò iuissent: uerum eos hortari plurimū, ut si merces non habeant quæ uoto suo faciant satis, se uberrime daturū protinus. Ad hæc præfectus respondit, oneratas iam esse naues, nec alterius egere nisi cinamomi bacharis centum, quæ sunt CCCC cantara, id est uasis genus. Hoc accepto rex, mox ad ducem cinamomum mittit diligentissime fidenterque: pro eo dedit præfectus pecuniam signatam cruce, cruciferos appellant. Post hæc è conuehebatur cinamomi plurimum certatim cymbis frequentantibus: uerum nullus supererat ulteriori merci locus, onustæ erant admodum naues. Rex uero ratus nos non habere pecunias, rursus ad nos mittit, qui renuntient regem sponte daturum mercimonia absque pecuniis, soluere modo cum rediissent: nec ob hoc desineremus commercia nostra absolue, quoniam audiuerat regem Calechut bona nostra deprædatum fuisse, pu-



blicatis nostris mercimoniis, ac illata hominum Christiani nominis strage non mediocri: addebat etiam compertū habuisse iam pridem inconcussam esse Portugallensium fidem, se propterea esse propè addictum nobis. Huic itaque regiae uoluntati, & opinioni de nobis tam benignæ correspondens noster præfectus, ut erat uir acerrimi ingenii, non uulgares retulit gratias: & eas se relaturum quandoque ingenue professus est, & introducto nuntio uim pecuniarum maximam, quæ superfuerat, ostendit: & rursus quærenti regi an alicuius egeret: respondit nullius, nisi uiri cuiuspiā, quem secum in patriam ducat, qui rerum Portugallensium testimoniū locuplex aliquando regi faciat. Rex igitur protinus patritium quendam misit, qui nobiscum iret in patriam: non prius tamen illinc soluiumus, quam de obsidibus regi Chuchini scriberemus, certiorē facientes regem, nos ire in Lusitaniam, & obsides fore apud se sua causa in pretio, & fauentibus superis redituros quam primū, & nostros insuper suæ altitudini commendabamus: dedit etiam præfectus noster negociatori literas, quibus hortabatur uirum & socios ut bono essent animo, & negociarentur tantisper, donec redirent, futurum sibi deus ingens, quod inibi Christianum nomen exornent, cum apud immortalem deum, tum etiam apud principem nostrū & reliquos conterraneos omnes. Itaque apud hunc regem diem unam duntaxat consumpsimus. Illinc soluentes, uela uentis dedimus, iter facientes uersus Melindæ regnum: ultima Ianuarii luce sinum traiecimus Melindæ, & ibi nauim comperimus Combaix, ex Melindæ regno ueniebat onusta mercibus complusculis, hanc cepimus, arbitrati esse Mechæ regni aut Maurorum: ferebat enim supra trecentum uiros sexus utriusque: ubi uero apparuit eam esse regni Gambra, mox dimissa est, passa iacturam nullam, pilotum solum accepimus ab eis, & demum iter nostrū persequuti sumus.

De naufragio sinus Melindæ.

Cap. LXXX.

**DIE DYDECIMA** Februarii sub noctem piloti omnes, id est, itineris duces & reliqui, qui chartam nauigationis optime callent, terrā applicuerunt \* Sancinus Tonarus, qui præfectus erat ingētis nauis, ultro se obtulit itineris præuium, & explicatis uelis, ipse rates omnes præibat: & ecce nocte intempesta mare sæuit undabundum admodum, classē actutū conturbat, modo huc modo illuc impellens: & tandem Sancini nauim impulit in siccum, coepit protinus conflagrare, ubi ignis emicuit: mox certiores huius inauspicati euentus reliquas naues reddidit: quo uiso igne, iussit præfectus classis naues eò uela facere, ubi ignis emicuerat: nox erat tenebrosa, cum luna pernox minime esset, uenti etiā magis inualeſcebant, adeo ut uix tempestatē ferre possemus: non audebat propterea classi propius accedere, ne & aliæ naues igne corriperentur. Misit itaq; eò paruas cymbas, ut iactis in pelagus mercibus, uel ipsos homines uendicaret ab incendio, uerū nauis iam dehiscebat, conflagrabatq; ut nullus spei locus superesset: ardebat enim tanto incendio, ut propè naues alias ignis corriperet. His uisis uela deferentes, remigare coepimus, & omnium mercium nauis combustæ iacturam fecimus, saluis tantum uiris: nam aromata omne genus ferebat nauis quæ arsit, & ea erat ducentorum doliorum capax: & in hoc submersu & conflagratione nihil prorsus seruatum est: uiri enim solis tunicis interioribus induti incendium euasere. Illinc itaq; soluētes, prætermisso regno Melindæ, quoniā eò concedere

dere minime licuit, uersus Monachiae prouinciam iter direximus, & inde ligna & aquam sumpsimus, reductis in terram nauibus, ne à fremente salo submergerentur: nam plenae rimarum erant undequaque perfluentes. Tunc praefectus classis misit Sancinum quæsitum celocem quampiam, necnon pilotum, quo præuio insulam Zaphalæ exploraremus. Interea nos naues sarciebamur: inde soluētes, petere instituiamus locum quendam piscosum, ubi pisces erant innumeri. Ibi igitur uberrime piscati sumus, & cum multum piscium consequuti essemus, illic abeuntes in atrocissimam tempestatem rursus incidimus, quæ perinde nos inturbabat, ut coacti fuerimus gradum referre: & dum sic iactamur maris fluctibus, nauis quædam è nostris correpta est à saeuiente salo.

Quot naues redierint in Lusitaniam.

Cap. LXXXI.

ITA QVE post tot naufragia, & animi inturbationes, & ferè rerum omnium iacturam, ac intertrimenta, die Paschæ sancti pneumatis Caput bonæ spei appulimus. Id enim promontorium, quod Pomponius frontem Africæ appellat, ubi Africa se cuneat, & fastigiatur admodum. Inde uero uentis prosperis ad id oppidum quod adiacet promontorio Viridi deuenimus, regnum Telenice dicitur. Ibi itaque nacti sumus liburnicas tres, quas nuperrime rex Lusitanis eò miserat gratia explorandi orbis, ut est uir ad magna quæq; altus & educatus. Illic etiam comperimus nauim quandam, quæ seuiente freto à nostro conspectu euauerat, è regione ostii sinus Mechæ: nam in urbe quadam cômorati fuerant, ubi & cymbam, & maiorem hominum partem reliquerant: redibat enim nauis, uiros septem tantummodo ferens, eosq; ægrotantes, utpote qui uinum non bibeant, nec item aliam aquam, quàm pluuiam bibebant in nauì, ut assolet, collectam. Tandem aliquando appulimus Vlisbonā solum patrium, ferè ultima Iulii. Postridie uero superuenit ea nauis, quæ euauerat dum rediremus, necnon & sanctus Tonarus cum celoce quam fabricatus fuerat in insula Zaphalæ: & is nobis referebat eam insulam esse perquā angustam in ostio cuiusdam sinus à Mauris cultam, & ibi montes esse, ubi aurifodinæ sunt quamplurimæ: addebat etiam eò complusculos alios contendere emendi auri gratia permutatione rerum multarum. Et id tempus quo Sanctus illuc concessit, competit ibi quamplures Maurorum naues, cepitq; inibi Maurum, qui apud eum tantisper obsidis officio fungere, donec Christianus quidam rediisset, quem ipse in Arabiam causa explorandæ regionis destinauerat. Cum autem nusquam comparuisset, uela uentis dedit, secum ducens Maurum, & tandem in patriam diu optatam peruenit. Nec etiam id uos latere uolumus, Vlisbonam è tanta classe sex duntaxat naues rediisse, reliquis pessundatis cum hominum strage, necnon mercium infinita iactura.

De pondere & moneta eorum.

Cap. LXXXII.

POST QVAM in superioribus meminimus mercium ferè omne genus superest nunc, ut nonnihil de pretio & pondere earum in medium afferatur. Igitur in urbe Calechut baccar nucum muscatarum, id est mensuræ genus continens cantaros quatuor, non pluris uenditur quàm pro CCCCL fauis: & Fauis x ducatum, id est, nummum aureum efficiunt. Item cynamomi baccar, CCCXC fauis. Item faracula aridi zinziberis, id est xx baccari pars, fauis sex. Item faracula zinziberis saccaro conditi fauis x xv i i i. Item baccar tamirindi fauis x x x.

Item baccar

Item baccar



Item baccar piperis procerioris fauis CCCC. Item baccar zerombeci fauis XL. Item baccar myrobalani fauis DLX. Item baccar zedouariæ fauis XXX. Item baccar sandali rubri fauis LXXX. Item baccar lachæ fauis CCLX. Item baccar sandalii fauis CLX. Item baccar mastitis fauis CCCCXXX. Item faracula conforæ fauis CLX. Item baccar piperis fauis CCLX. Item faracula thuris fauis V. Item faracula belzuini fauis VI. Item faracula ligni aloë fauis CCCC. Item faracula cassiæ fauis II. Item faracula reubarbari fauis CCCC. Item baccar gario phylli fauis DC. Item faracula opii fauis CCCC. Item baccar sandali albi fauis DCC. Item mittricale ambra, quod uncia sex cum quarta efficiunt mittricale unum ambra. Item baccar unum XX farazolæ efficiunt, farazolam uero XIII aratollæ & tertia pars unius efficiunt Portugallensium, quoniâ Venetiis XXIII aratollæ, libras efficiunt XXI, & secundam partem. Ad summam igitur numerus aureus non pluris ualet quam XX fauis. Post hæc dicendum est de pretiis rerum, quas domo attulimus, uidelicet, quanti uendantur in urbe Calechut. Item faracula æris fauis XLV. Item faracula coralli albi, fauis mille. Item faracula plumbi fauis XVIII. Item faracula coralli obliqui fauis DCC. Item faracula argenti fauis XX. Item faracula coralli nothi fauis CCC. Item faracula aluminis fauis \*XX. Item almenum unum, quod est pondus excedens mensuram Portugallensium, aratis duobus & medio, quod efficit libras tres uel circa, more Veneto, & hoc pondere uendunt crocum, fauis uidelicet LXXX.

De regionibus, unde comportantur aromata.

Cap. LXXXIII.

NON ABSONVM igitur crediderim, si eorum locorum nonnihil meminerim, unde afferuntur aromata, erè omnium generum. Piper itaq; aduehitur è turri quadam quæ est ultra Calechut, secus litus ad leucas ferè L. Cynamomum mittit regio dicta Zalon, nec alibi inuenitur, ea est ultra Calechut itinere leucarum CCLX. Gariophyllum fert Meluza regio, quæ abest à Calechut ad leucas duodecim more Lusitano, in loco qui dicitur Cananor. Nuces uero muscatæ, & mastix afferuntur ex Meluza, quæ abest à Calechut leucis DCCXL. Castoreum, hoc est, muscatum, uenit è prouincia quadam quæ dicitur Pego, distante à Calechut leucis D. Vniones uero proceriores affert plaga Armuzi, citra urbem Calechut leucis DCC. Spicus nardus, & myrobalanum aduehuntur ex Combaia prouincia citra Calechut leucis DC. Cassiam in surculis mittit urbs ipsa Calechut. Mittunt uero sua thura Sabæi citra Calechut leucis DCCC. Mirrham Farica regio citra Calechut DCC. Lignum autem aloë, & reubarbarum, camphoram, & calingam mittit Chiua regio ultra Calechut ad mille leucas. Zerombam fert Calechut, cardamomum maius Canona mittit oppidum Calechut, longe ab eo leucis duodecim. Piper longum in Same inuenitur. Benzui, & zanthi ultra Calechut leucis DCC. Tamirindum, & zedouariam mittit urbs Calechut, Lacham mittit oppidum dictum Samoterra, ultra Calechut leucis D. Brassile fert regio Tanazar, ultra Calechut leucis D. Opium fert plaga Adde citra Calechut DCC. Satis igitur ac super dictum sit de ponderibus, & rerum pretio, necnon de locis unde hæc aduehuntur.

FINIS.

Regestrum

Regeſtrum  
Operis  
Aloyſii Cadamuſii.  
a. b. c. d. e. f. g.

Omnes ſunt terniones præter g, qui eſt duernio.

Impreſſum Venetiis apud March. Seſſam  
Cura et impenſis Illuſtriſſ. Venet. Senatus.

Anno Domini

• M • D • X V •

Die ſeptimo Nouembris.













5

H515

child

1-52E

Verlang



